

凡例

一、本书所选曲阜孔府档案史料共分四编，第一编为孔府档案全宗分类目录索引，第二编为明代档案史料，第三编为清代档案史料，第四编为民国时期档案史料。

二、本书所选档案史料的编排，依照原档分为明代、清代、民国三个历史时期，每个历史时期内按专题分类，每类中按时间顺序排列。

三、本书所选档案均保持原件格式，一般均原文照录，个别地方重复过多，酌加删节。

四、本书所选档案的标题及标点系编辑者所加。每文标题后面列有档案原卷类目标号和原卷标题，以便查对。标点采用句、逗、顿、问四种符号，只断句，未分段。

五、本书所选档案原件中错字、漏字、残缺字，凡可断定者，用（）号标出正字，用〔〕号补出漏字，用口或〔缺〕表示缺字。

六、本书供研究使用，未加注释。

七、本书用现行简化字排印。

目 录

一、催讨地租银两	一
二、管事人等侵吞租银	七
三、房产租税	二〇五
四、佃户土地纠纷与抢割田禾	二五〇
五、孔府捐输粮粟	三六

一、催讨地租银两

票仰郛城屯屯长为催报该屯甲首姓名事

〔征追孔庙郛城屯祀田佃户抗欠田租（一）（四一二二）之一〕

仰郛城屯屯长钱国法等，即将本屯十二排见年甲首姓名，火速开报前来，以便给票催徵粮银，毋得迟误。须票。

康熙十一年正月二十八日

东平州移为亟催湖租银两事

〔乾隆年间清直隶长垣县学堂岗孔庙祀田租银（二）（四一四六）之一〕

东平州为亟催湖租银两事。本年二月十四日

布政司宪票催提二十八年安山湖租银两，照限三月口完，解交邳睢厅河库，立济急需缘由。前事蒙此，查得

贵府安山荒湖地一百一十五顷，岁该租银四百六十两。此项钱粮，系

河院题定归入河饷，每岁定限三月内全完，解交河库。今已二月中旬，转眼三月将至，今蒙催提，合用移文前去。为此合移贵府，烦为查照移文内事理，文到希即责令该管庄头照数完纳，移解过州，以凭转解。幸勿迟滞施行。须至移者。

右 移

太子少师袭封衍圣公府

康熙二十八年二月十七日

移宪

管勾周繼申为追比王子实等拖欠租银悉照大粮额数交纳事

〔东昌卫关提刘伍等屯本府佃户完纳地丁钱粮（三）（一六三三）之八〕

经理屯田管勾周繼呈

经理屯田管勾周繼为请申劝垦等事。乾隆二十八年十月二十八日蒙

本爵府札谕内开，本月十九日准东昌卫详称，小王家楼王子实，欠二十七年津银柒钱陆分，又欠二十八年津银柒钱陆分，王文渊欠二十七年津银肆钱陆分玖厘，又欠二十八年津银肆钱陆分玖厘，王天章欠二十七年津银陆钱贰分叁厘，又欠二十八年津银陆钱贰分叁厘，王柱石欠二十七年津银伍钱玖分壹厘，又欠二十八年津银伍钱玖分壹厘，王常岭欠二十七年津银贰两贰钱肆分壹厘，又欠二十八年津银贰两贰钱肆分壹厘，王自如欠二十七年津银叁钱陆厘，又欠二十八年津银叁钱陆厘，理合呈请飭令关发比追等因到府。查王子实等拖欠津银，抗违已极。除详批发外，合亟飭谕。为此谕仰该管勾，立将王子实等陆名差拘到案，勒限叁日内照数完纳。该员即将追出粮银，专差移解东昌卫兑收。如王子实等抗违不遵，即将王子实等押解卫所比追。该员毋得瞻徇玩误，致干未便。仍将办理缘由具报，毋违，特谕。等因蒙

此，差役拘提去后。嗣据地户王子实等具禀前来，禀称，王子实等为分豁荒田钱粮事，切乾隆十七年间，东昌卫荒田身等认垦，拖欠津银。但身等所认地亩，原系丈派古荒，并非护漕军地。身等叁人已种者，俱照大粮熟地每亩叁分完纳，不敢亏欠。其余王常岭、王柱石已於十七年间因认无力耕种，远逃无踪。王自如亦於十七年间认未种，一病即死。且此叁人家无别人认垦，荒田至今旷芜，钱粮并无着落。据实具禀。恳乞关覆，感戴无既。据屯户王子实具禀缘由，卑职恐被朦混，又委屯官亲赴王子实等住处的查确实，并取王子实等邻佑甘结，结称，具甘结邻佑王尔状、王理平，今於与为甘结事，依奉结得王常岭、王柱石实系十七年间所认荒田，无力耕种，逃无去所。王自如所认荒田，未种即死，家无别人，於今地仍旧荒芜，拖欠钱粮，无人认赔。不敢冒结，所结是实等情。据此，正在备文关覆间，兹於本年二月初二日准东昌卫关文内开，王子实等陆户，拖欠二十七八两年津银，希即勒限追比。照数封固，交付敝役携带过卫，以凭汇造等因。准此。查王常岭、王柱石、王自如实系未种荒田，因死逃皆非虚混。叁人家无别人，钱粮於何追比，王子实、王文渊、王天章已种地所欠钱粮，悉照大粮每亩叁分完纳，照数封固，交付来役携带过卫。拟合将办理缘由具申，伏乞

本爵府电鉴施行。为此，今将前由具呈。须至呈者。

右 具

书 册

屯田管勾周 继

乾隆二十九年八月 日

票仰伴役赴魏庄严催拖欠新陈租银事

〔征追孔庙泗水县各厂庄祀田佃户抗欠田租（二）（四一四〇）之十二〕

仰役前赴魏庄，着落总甲、小甲即将拖欠新陈租银租粮侯大义等，严催完纳。如有仍前抗延者，即拘拿前来，以凭追比。速速须票。

计开

付 琳 侯大义 王好仁 乔永书 董琦 未再提

差胡存良

乾隆四十一年十月十一日

圣府行

限本月十三日销

票仰伴役赴魏庄严催租户交纳祀银事

〔征追孔庙泗水县各厂庄祀田佃户抗欠田租（二）（四一四〇）之十三〕

仰役前赴魏庄，着落头目即将租户郑德裕等抗欠祀银，迅速严催，定限即日完纳。倘敢仍前抗延，立即扭禀，以凭追比不贷。速速须票。

计粘单一纸

差许士文

乾隆四十一年十一月二十五日

圣府行

限本月二十九日销

计开

完郑德裕银一两三钱四分尹户

完夏克亮银三钱三分五厘二毫李户

完夏克顺银二钱九分九厘李户

完董 琦银八钱三分九厘二毫李户
完孔继才银二钱一分五厘二毫尹户
完孔传礼银三钱六分四厘一毫尹户
王大成银二钱三分六厘一毫尹户
王梦松银二钱四分四厘八毫尹户
完朱良斌银二分四厘五毫张户
完李宗文银三钱七分八厘张户
完刘宗尧银三钱二分五厘张户

催繳平巨柜應徵祀銀信票

〔征追孔廟平巨屯各厂庄祀田佃户抗欠田租（四）（四一〇五）之四〕

信票

襲封衍聖公府仰役前赴巨野屯，即將平巨柜本年應徵四月限內祀銀，定限本月二十六日解府應用，毋得遲誤，致干未便。速速須票。

差王廷柏

乾隆五十年四月二十一日

聖府行

限本月二十六日銷

严催花户王润等即日完纳租银信票

〔征追孔庙平巨屯各厂庄祀田佃户抗欠田租（四）（四一〇五）之六〕

信票

袭封衍圣公府仰役前去，即将后开抗欠花户逐户严催。定限即日全完。如再抗延，立即拘提前来。听候比究，毋违速速。须票。

计开

王 润 张世柏 马希信 宫宏太

赵文珍 王吉成 李之相 姜宏尧

差张永武

乾隆五十年十一月初七日

圣 府 行

限 月 日 销

票差张宗祥赴东平厂严催祀银事

〔征追孔庙东平厂祀田佃户抗欠田租（一）（四一三一）之十一〕

袭封衍圣公府仰役前赴东平厂，即将
本年应徵祀银，逐户严催，按限完纳。如有抗延者，立即带案追比不贷。去役亦不得怠缓干
咎。速速须票。

差张宗祥

乾隆五十一年八月二十一日

圣府行

限本月三十日销

票仰伴役赴黄家官庄严催所欠新陈祀银事

〔征追孔庙泗水县各厂庄祀田佃户抗欠田租（二）（四一四〇）之二十二〕

袭封衍圣公纪录一次孔 为差催事。照得黄家官庄祀银，缘去岁失收，今春荒歉，各该户输纳维艰。本爵府曲加体恤，因将应征新陈银两，概行停催，以纾佃力。兹值麦收，查该处颇属丰稔，各该户自应依限按数及早完纳，除示期开征外，合行差催。为此，票仰该伴役照票事理，督令小甲严催各户，迅速依限按数将所欠新陈祀银上紧完纳，毋许抗欠延挨，以致拖累。如有藐玩不遵者，该伴役立即带案，以凭追比。倘该役及小甲人等怠慢从事，并有侵蚀情弊，查出严行究处，决不轻恕。毋违速速。须票。

差杨复仕

乾隆五十一年五月二十五日

圣府行

票仰张永从着落甲首逐户严催秋季祀银事

〔征追孔庙滋阳厂祀田佃户抗欠田租（一）（四一三六）之十四〕

信票

袭封衍圣公纪录一次孔 仰役前赴滋阳厂，着落总甲、小甲，即将本年应征秋季祀银逐户严催，按限完纳。如有抗限延挨者，立即锁带前来，以凭追比不贷。速速，须票。

差张永从

乾隆五十二年七月二十二日

圣府行

限次月初十日销

学录孔传用呈为学堂岗祀银缺少事

〔乾隆年间清直隶长垣县学堂岗孔庙祀田租银（三）（四一四七）之二〕

具呈署洙泗书院学录孔传用

呈为据实陈明事。切职蒙委赴长垣县学堂岗板丘集两庙办理祀事，职遵委前往，谨于八月十八日承祀学堂岗，复于二十八日诣板丘集，协同长垣县公 五老爷，并长垣县学陈老师，分献承祀。伏查学堂岗并板丘集两处庙庭祭田，不过二顷余亩，每年应征上、中、下祀银钱不过百余千，缘历年荒废，兼以失种被侵，现在所收一年祀银，钱不过五十余千，历年原应纳县粮银十五两零，自前任屠县公以后，及今现纳每年粮银四十八两整。窃思一年所征祀银，尚不足钱粮之费，办理祀事，分毫无着。嗣后承办，实属艰难。为此陈明，伏乞

宗主大人恩准差查施行。

乾隆五十三年九月二十二日呈

袭封衍圣公府批

准差查

仰役押解祀银事

〔征追孔庙平巨屯各厂庄祀田佃户抗欠田租（四）（四一〇五）之十六〕

特授总理屯田督粮厅李 仰役即执公文一角，并押后项银两，星速前赴

圣公府投交。守□印照，依限回销。毋违速速。

计管解

乾隆五十四年祀银二十二两三钱一分

差钱 占

乾隆五十五年六月初二日

厅 行

定限回 日销

移滋阳县为差拘寄庄佃户张大有完纳祀银事

〔征追孔庙滋阳厂祀田佃户抗欠田租（一）（四一三六）之二十一〕

袭封衍圣公纪录一次孔 为移追事。本月十九日据较场厂小甲王宏信禀称，切有云云禀明等情到本爵府。据此，查滋阳厂系钦奉

恩旨钦拨地亩。兹张大有虽属寄庄佃户，但祀银所关，未便任其拖欠。拟合移追。为此，合移贵县，烦为查照来文事理，希即差拘滋阳厂较场寄庄佃户张大有到案，即赐追令照数完纳。仍希飭赴该厂过割注册，实为德便。望速施行，须至移者。

右 移

滋 阳 县

乾隆五十六年四月二十日

圣公府行

滋阳县牒覆为佃户张大有已完新旧租银事

〔征追孔庙滋阳厂祀田佃户抗欠田租（一）（四一三六）之二十二〕

兖州府滋阳县为移追事。本年四月二十二日准

贵爵府移开，烦为查照来文事理，希即差拘滋阳厂较场寄庄佃户张大有到案，即赐追令照数完纳。仍希飭赴该厂过割注册，实为德便。等因。准此，随即差传去后，嗣据该生张大猷呈称，切生蒙差传完纳，公府租银，生于二十六日已将新旧租银二□□□小甲王宏信面交总甲薛芳赴屯务厅处完纳，并经过割清楚，仰乞备文转覆。等□□□拟合条文牒覆。为此，合牒贵爵府。请烦查照施行。须至牒者。

右 牒 呈

袭封衍圣公府

乾隆五十六年四月二十九日

前事

东阿县申覆为姜子章等拖欠租银究审详情事

〔查究侵隐孔庙东阿屯祀田地亩（四〇四七）之十四〕

一件为禀恳提究事验文

泰安府东阿县为禀恳提究事。乾隆五十七年十二月十九日，蒙

本爵府提文内开，烦为查照来文事理，希将屯户姜子章等差传到案，交发去差押带来曲，分别查究，以清祀田，以归年款，幸勿任其抗延，实为公便。望速施行。计移提姜子章、宋和脩、周烈、杨钦、马佩洲，等因到县。蒙此，正在差传批解。旋准屯官黄默申称，于四月间收到杨钦应完屯银，当即交甲首黄士岱收訖。又据卑县当商武永兴即马佩洲呈，为诬当为卖蒙混捏禀等事，词称，缘商于五十二年五月初六日，当到黄家屯黄士月等地七十四亩，内带枣树数行，同中言定，当价京钱五百五十三千。商以异乡生理，照管不便，仍将此地尽付黄士月耕种，籽粒均分，柴杆完粮，至今六年有余，商所分粮食不过十分之一。本月初八日，黄士月等竟将地内枣树偷卖一行。商正欲投案禀控，伊忽在圣公府捏禀商买伊地亩，拖欠钱粮。伏思当自是当，卖自是卖，现据契约，何得混赖。至所欠圣府钱粮，理应黄士月

等完补，与商何干。似此朦混捏禀，应行详飭。为此，叩乞恩准施行。又据经历降锡章即姜子章呈为自拖课银兄弟朋谋捏词诬禀等事。词称，切职于五十一年间，买到黄家屯庄黄士岱名下地三十八亩。彼时丈地交价，职未亲到，免（挽）职姊丈宗和脩代职交价，丈地书约。买日同众言明，此地仍系黄士岱之胞弟黄士月代职耕种，职静（净）分籽粒，秸杆全随佃种之人，此地课银随秸杆完纳。职因伊系屯户，自买期至卖日并未过伊家粮头。次后，职姊丈已回山西汾州府去了。职因连年分籽粒若干。至五十五年，职将此地当于刘子昌名下。职将佃地人黄士月连地俱交于刘子昌，仍着黄士月佃种。亦系静（净）分籽粒，秸杆随完粮银。于去年二月间，职仍将此地卖于原地主黄士岱之胞弟黄士月名下为业。至于此地租银或有拖欠，系黄士月拖欠，与职无涉，伊何得将职捏禀

圣公台下。现蒙关提，伏思黄士岱虽系屯户，职系仁天子民，理应随关赴彼，与伊质讯。但时至年底，况职母年已八旬，职不忍弃家撇母，情愿代伊垫补租银若干，求无事为荣。职为此叩恳恩准垫补租银，转详关覆，感戴无既。又据监生周绳武即周烈呈为图赖遗累，叩天详覆，以清款项事。词称，切生于乾隆五十二年，同中说合，买到黄家屯黄士岱地六十三亩余，现有原契可凭。买地之后，生完纳屯田银两，从无拖欠。去年四月间，生因耕种不便，同中郭鲁玉、肖振邦说合，照依原价卖于黄士岱胞弟黄士法三十二亩五分一厘，立契交价。黄士法欠生地价钱八千，后屡讨未与，生亦未深计。本年二月间，生问伊此钱，伊言伊兄黄士岱现充本年甲首，伊与生代纳本年钱粮，以抵此项。不意黄士法并无与生完纳粮银，被伊兄黄士岱禀生于

圣公府案下，现蒙提究。生系庄农，以无事为福，情愿复为完纳。詎该屯官黄默、柜书肖汝宽并不收生银两，与生要银一百五十两。有田大勇、黄太和可证。泣（切）思拖欠被禀，完纳不收，明系朋谋遗累。生实情极，为此陈明。叩乞恩准详覆，感德无既。各等情到县。据此，除杨钦祀银已经屯官黄默转交甲首黄土岱收讫，降锡章、宋和脩、周烈租银随文申送外，其马佩洲名下历年银两，俱应甲首黄土岱之胞弟黄土月完纳，并非马佩洲拖欠。今蒙差提，拟合遵用预印空白查叙各情由，具文交差，申覆本爵府查核。为此，备由具申。伏乞照验施行。须至申者。

计申送

降锡章、宋和脩银四两。系五十二、三、四年租银。

周烈银一两一钱。系本年租银。

右 申

袭封衍圣公加二级纪录一次孔

知县张 晋

乾隆五十七年十二月二十六日

諭五品执事官孔毓灏为催缴学堂岗课银事

〔乾隆年间清追直隶长垣县学堂岗孔庙祀田租银（三）（四一四七）之四十三〕

諭五品执事官孔毓灏知悉。照得长垣县学堂岗

至圣庙课银，除供祭外，每年有应纳该县钱粮。查五十八年分钱粮，已奉

旨蠲免。所有前项课银，该学录自应缴送本爵府贮备公用。前飭该员催缴，只据送到制钱二千五百，合银二十两。下欠银两，合再飭催交缴，毋得再任延误未便。速速。此諭。

乾隆五十九年四月十一日

圣公府行

諭五品執事官等爲催繳查出祭田租銀事

〔查究侵隱孔廟獨山屯祀田地亩（二）（四〇四一）之一〕

諭委員五品執事官孔毓澗七品執事官孔繼祖知悉。照得去歲該員等查出祭田民戶地七頃余亩，該員已自行催繳。所有屯戶祭田十六頃余亩，只據該屯官解到錢三十千。其餘陳欠并本年租銀，本爵府現已札飭該屯官迅速催齊，交該員等查收，另行報銷可也。毋違，此諭。

嘉慶元年三月十日

十六日發

泗水县晓谕位庄圣府佃户为循分守法依限完租事

〔征追孔庙泗水县各厂庄祀田佃户抗欠田租（二）（四一四〇）之四十三〕

正堂汪谕位庄居民人等知悉。据圣公府七品执事官孔传铨禀称，租户赵连奉、王好诗等鸣钟聚众，围宅抗租等情。当经本县驰赴该庄，剖切晓谕，均尚知畏法。具以法外施仁，并未拿究。惟恐无知之徒，或本县不加严究，仍敢有意抗租，再滋事端。为此，特再明白宣示。尔等居礼让之乡，沐

圣人之教，自当各安本分，守法奉公。况既佃种圣公府地亩，尤应循分急公，按亩征租，依限完银。即或司事之员，因尔等租谷不甚乾洁，小有挑饬，即当另换好谷。倘有刁难苛勒之处，亦当禀明本县秉公查理，何得妄行私愤，纠约多人，将田具各件堆积庄宅之外，群聚喧哗，无礼无法。竟不自顾身家，一至于此。本县以尔等均系贫苦良民，仅止呼号退佃，并无逞凶情事，姑从宽免。已将查办情形，移会圣公府矣。速将未完地租银谷，务于二十日前交纳清楚，以完

国课。自谕之后，如再敢抗违滋事，本县已将该庄地册，各租户姓名抄录在案。定指户拿究，据实究办，决不稍贷也。凛之，特谕。

嘉庆十一年

郛城屯官许允中详为传齐火甲算清租银事

〔征追孔庙郛城屯祀田佃户抗欠田租(三)(四一一四)之三〕

详文

署郛城屯屯官 许允中
霍池凝 为遵

札办理据实详明事。切于十二月十一日，蒙 札催提租银。卑职即将火甲、庄头等传齐到厂面算。李锦亭所管钱庄。算明除解交外，下欠平银十五两七钱。当交平银十五两零五分，下欠平银六钱五分。又抄京钱一千三百文。据张清玉所管钱庄，算明除支使外，下欠京钱一千文。俱交来差带去。至火甲所开账目，有火甲清单可查。为此据实详明。须至详者。

嘉庆十七年十二月 日

仰役飭追被革火甲原领信票及租册事

〔征追孔庙郛城屯祀田佃户抗欠田租(三)(四一一四)之四〕

袭封衍圣公府为飭追事。照得郛城厂火甲张清玉、李锦亭、庄头张清元、张大法、张可拖欠祀银，业经斥革。其原领信票、租册合行追缴。为此仰役前去，即将郛城厂火甲张清玉等原领信票、租册立即追缴，以凭飭发新充火甲接收办理。去役毋得迟滞，干咎未便。速速。须票。

计追

张清玉 原领郛城屯火甲信票各一纸
李锦亭

张清元
张大法原领庄头信票各一纸
张可

嘉庆十八年二月初八日

圣公府行

司乐王肇基申为奉札赴郛屯等督催祀银事

〔札飭孔庙祀田管勾官清解租银附报销册（一）（四〇九一）之三十五〕

司乐王肇基为据实详明事。卑职于本月初五日奉爵宪札开，委赴郛城屯查看现在情形，并即赴平柜督催批兑银项。飭提原管勾李蕴源报销清册。各等情到卑职。遵即星赴该处，查验郛城屯虽有逃亡户口，而麦禾尚有十分之三。俟麦后即可开征。平、巨两屯，二麦俱无。现在征银三百余金，管勾已支发猪羊户办祭。批项未支分毫。且各批帖去差业已带回，卑职时加督催，亦无可如何。现止留杨顺在屯守候批项。李管勾报销册，卑职飭令该书办前往造报，刻日详明。卑职理合将查看情形，并提催各款，据实详覆。为此备由具申。伏乞

爵宪电鉴施行。须至申者。

右 申

袭封衍圣公府

嘉庆十八年四月二十一日申

仰役赴郛巨平等屯将应征祀银赤书缮造呈府事

〔札飭孔庙祀田管勾官清解租银附报册（一）（四〇九一）之三十七〕

袭封衍圣公府为差提事。查向来各屯徵银赤书，例于正月开印以前造送呈验，以凭核算，鈐印飭发。查近年以来，各屯官并不遵照旧规办理，以致祭田迷失，殊堪痛恨，合行差提。为此，仰役前赴郛城、巨野、平阳等屯，着落屯官即将应征祀银赤书，赶紧缮造，定期开印前亲赍呈送到府，以凭核算，鈐印飭发。去役倘敢抗延，或竟空回，除将该役责革外，仍将该屯官提案究办，决不宽贷。速速。须票。

计提

郛城屯屯官并赤书

巨野屯屯官并赤书

平阳屯屯官并赤书

嘉庆二十二年正月十五日

圣公府行

票仰百户李肇烈为着独山屯官查勘霖草并催交藕租事

〔征催孔庙独山屯祀田草租鱼利（二）（四一二一）之四十四〕

袭封衍圣公府为飭查事。照得独山屯湖内草租，历据该屯官造具花名段落清册呈报，以凭查验起租。迄今未据造报前来，合行专员飭查。为此票仰该员遵照前往独山湖，着落屯官按照界内查勘今岁霖草段落顷亩若干，据实造册详报。该屯官毋得通同匿报滋事。再查藕租一项，拖欠叠叠（累累）。并着该屯官将陈新银两赶紧催缴清楚，以归款项。均毋违误干咎。速速。须票。

右票仰署百户李肇烈准此

嘉庆二十三年十月初二日

圣公府押

票仰百户前往独山屯查勘霖草与屯官造报是否相符事

〔征催孔庙独山屯祀田草租鱼利（二）（四一二一）之四十六〕

袭封衍圣公府为飭查事。照得独山屯湖内草租，历据该屯官造具花名段落清册呈报，以凭查验起租。兹据造报前来，是否属实，合行专员飭查。为此票仰该员，遵照前往独山屯湖，着落屯官，按照界内查勘霖草段落顷亩，是否与该屯官造报相符，确切详查，毋得通同匿报滋事，干咎未便。速速。须票。

右票仰署百户李肇烈准此

嘉庆二十四年十一月十四日

圣公府

为沛县涸出祭田派员催收祀银事

〔清查孔庙旧有江苏铜沛两县境内迷失祀田（一）（四〇一七）之十四〕

为飭催事。案查嘉庆十九年，江南沛县境内，查出祀田小亩二千五百三十一亩零，照定额租每小亩租银一钱五分，当经本爵府备文咨会，并经札飭管勾王肇兴，招佃认种纳租各在案。兹据该管勾详称，有附近民人孙丹廷等承种，慎（情）愿输心具结，按年完纳，以供祀典。等情到本爵府。据此，查此地亩久经涸出，布种麦禾，迄今多年。该租户孙丹廷等，并未将租银解缴前来，殊属抗延。合行飭催。为此，仰役前赴沛县，即将租户孙丹廷等名下节年租银，严行飭催。如该租户等有恃强抗延不缴者，立即指名具禀前来，以凭移会究办。去役亦毋得徇延，致干重究不贷。毋违。须票。

嘉庆二十五年

札平巨鄂柜为将本年秋征银两拨给屠户酆化奇事

〔征追孔庙平巨屯各厂庄祀田佃户抗欠田租（七）（四一〇八）之八〕

札平巨柜知悉。今本爵府批给屠户酆化奇京钱三百千文，合行札知。为此札仰该柜，札到，即将本年秋季应征银两内，照数发给该屠户入册报销，以凭核算可也。毋违此札。

札鄂城柜知悉。今本爵府批给屠户酆化奇纹银二百五十两，合行札知。为此札仰该柜，札到，即将本年秋季应征银两内，照数拨给该屠户入册报销，以凭核算可也。毋违此札。

道光十六年七月二十七日

圣公府行

杨起灵甘结为提菏泽县银交与王二少爷收讫事

〔征追孔庙平巨屯各厂庄祀田佃户抗欠田租（七）（四一〇八）之十一〕

具甘结杨起灵。今于

与甘结事。依奉结得，小的于去年十二月初十日，提到菏泽县银两八两一钱。王老爷患病回家，同刘心泰面交王二少爷手收讫。文书发房过后。如王二少爷不认，小的情愿干罪。所具甘结是实。

杨起灵

道光十七年九月 日

札平巨鄂柜为将本年秋征银两交给屠户唐槐事

〔征追孔庙平巨屯各厂庄祀田佃户抗欠田租（七）（四一〇八）之十二〕

札平巨鄂柜知悉。照得本爵府今有批给屠户唐槐京钱三千纹银三百两，合行札知。为此，札仰该柜，即于本年秋季应征银两内，照数支給，入册报销可也。毋违此札。

道光十八年五月二十二日

圣公府行

票仰七品执事官往独山屯查验霖草顷亩造册详报事

〔征催孔庙独山屯祀田草租鱼利（四）（四一二三）之三〕

信票

袭封衍圣公府孔 为飭委事。照得独

山湖内草租，历据该屯官造具花名段落清册呈报，以凭查验起租。迄今未据造报，殊属玩延，合行专员飭查。为此，票仰该员遵照前往独山屯。着落屯官按照界内查勘今岁霖草段落顷亩若干，据实造册详报。该屯官倘敢通同匿报滋事，定将该屯官并该户治罪。再查石家口水田，一并据实造册详报。去员均不得徇隐遗漏，干咎未便。速速须票。

右票仰七品执事官孔宪垆准此

道光二十一年九月十六日差

圣府行

限月日销

札仰巨野屯官为另举催办祀银员役并晓谕屯户完纳银两事

〔征追孔庙平巨屯各厂庄祀田佃户抗欠田租（七）（四一〇八）之二十八〕

札巨野屯屯官王仪廷知悉。查巨野小官厂总甲吕根银等恳请告退，前经札飭该员另行保举催办祀银。嗣据该员稟覆，因银价昂贵，无人承办，现已札飭管勾转飭该员，并出示晓谕各屯户完纳银两外，合行札知。为此，札仰该员，札到迅即晓谕各屯户，将名下应纳祀银，封银完纳。一俟银价少平，再行遵照旧例催办可也。毋违此札。

道光二十六年三月初七日

圣公府行

札尹肇秀为查明三界湾历年天灾及欠租不解缘由事

〔清查四氏学旧有铜沛滕等县三界湾湖内学田（四八四一）之二十〕

札四氏学教授尹肇秀知悉。照得铜、沛、滕三界湾湖内，旧有

钦拨学田六十顷。凡各租户应完租银，向经该学按年征收，申解本爵府，以供宾兴之资。数年以来，该学并未申解，以致宾兴旷废，殊属抗延，合行札飭。为此札仰该员，札到遵即前往该处，查明湖内历年旱涝情形，拖欠租银不解缘由，据实申覆，以凭核办。毋得迟延。速速。此札。

道光二十九年五月初九日

圣公府行

独山屯官刘瀛稟为旧例九月造册验租呈报事

〔征追孔庙独山屯祀田佃户抗欠田租（二）（四一一九）之十四〕

独山屯屯官刘瀛叩请

公爷鸿喜金安。敬稟者，于五月二十四日，蒙札开草地册。切独山屯草地，原系冬勘，例接由九月呈报，造具清册，详请

公府查验成租，此旧例也。至于地册年年造送，草租年清年款，毫无拖欠。为此据实陈明，伏乞

公爷恩鉴施行。须至稟者。

道光二十九年五月二十五日申

独山屯官王允斋稟为催租难办乞缓至秋造册交报事

〔征追孔庙独山屯祀田佃户抗欠田租（二）（四一一九）之十三〕

独山屯屯官王允斋叩

请

公爷大人万福金安。敬稟者，于五月十九日蒙

札飭草册事，不敢有违。但数年来无人查验造册纳租，此时甚难催办。今卑职竭力查验，如能查清，以待秋间造册报租。伏乞

仁明公爷电鉴施行。谨稟。

道光二十九年五月二十日稟

札管勾为严催本年春秋祭银并如数解缴事

〔征追孔庙平巨屯各厂庄祀田佃户抗欠田租（七）（四一〇八）之三十三〕

札管勾官张守礼知悉。照得巨野厂额征祀银，例系年清年款。查本年祀银，乞（迄）今并未解缴前来，合行札飭。为此，札仰该员，札到迅即会同该屯屯官，严催甲首张贯白即将本年春秋二祭额征银，如数解缴前来，以凭应用。倘再抗延，立即提案追比。毋得迟误。速速此札。

道光三十年十月十八日

圣公府行

移荷泽县为佃户孙玉海等拖欠祀银事

〔征追孔庙平巨屯各厂庄祀田佃户抗欠田租（八）（四一〇九）之五〕

袭封衍圣公府为移会提案追解事。照得各屯厂额征祀银，向系年清年款，不容拖欠。查平阳屯佃户孙玉海、孙玉河名下应纳祀银，自道光二十七年至今五载，拖欠数两之多。屡催屡抗，并未完纳，殊属抗横，拟合移会提追。为此，合移

贵县，烦为查照文内事理，希即将孙玉海、孙玉河饬差传案，追起祀银解送前来，以清款项。如再抗延，即将承种地亩革退，以便另招良佃，实为公便。望速施行。须至移者。

计粘单一纸

右 移

荷 泽 县

咸丰二年四月二十六日

札管勾宋濂仰协同办理郛巨各屯租银征收事

〔征追孔庙郛城屯祀田佃户抗欠田租（五）（四一一六）之一〕

札管勾宋濂知悉。照得郛、巨各屯额征祀银，例应按季征收，以备祭祀之用。前因逆匪窜扰郛、巨等处，民心未定，是以春季祀银尚未开征。现查逆匪早已歼除，二麦丰收，自应赶紧征收，以供祀典。惟现署管勾张振声，初膺此任，当此地方不靖之时，特恐独力难支，稍有迟误，关系匪轻。亟宜委员协同办理，以资臂指，合行札飭。为此札仰该员，接札后迅即束装前往，协同署管勾张振声设柜征收。并飭令该小甲等赶紧交纳，毋任稍有拖欠，致多未便。该员曾任管勾历有年所，一切屯务，均皆熟悉，自可勤办，毋负委任。速速。此札。

咸丰四年五月二十九日

圣公府行

移邹县为佃民逃亡祀银无着派员查缴事

〔征追孔庙邹县尼山柜祀田佃户抗欠田租（四一四三）之十一〕

太子太保袭封衍圣公孔 为移会事。照得

尼山八柜祭田，坐落 费境。每年应征祀银，向由该小甲催征缴纳，以供祭祀。现因该处教匪肆扰，焚掠村庄，各佃户均皆逃避无踪。且附近各户亦多被裹。所有祀银，无从催缴。现当麦熟之际，除出示晓谕，并委员赍奏官刘登魁前诣祭田处所。查明地段，招人收割核价，完纳祀银，并变价抵发割麦人夫工食外，值此贼氛逼迫，诚恐该处或有匪徒，从中藉端阻挠滋事，拟合移会。为此合移

贵县。烦查文内事理，倘有匪徒滋事，希即拘拿究办，实为公便。须至移者。

右 移

邹 县

咸丰十一年四月二十二日

为花户承种水田不纳草租又藏匿不面事出示晓谕

〔征催孔庙独山屯祀田草租鱼利（四）（四一二三）之十五〕

袭封衍圣公府为晓谕事。照得独山湖自

钦拨祀田以来，历据该屯官造具花名、段落清册，呈送前来，以凭查验起租。查近来竟有花户承种水田，栽有霖草，硬不纳租。屯官验系亲邻，屡次开导，置若罔闻。委员赴湖查验霖草，该花户藏匿不面，实属可恶。本宜提究，姑且从宽。除已往不究外，合行晓谕。为此示仰该花户人等知悉，自示之后，如再蹈前辙，硬不认租，定将该花户移送地方官，照欺隐祀田之例，从重究办。勿谓本爵言之不预也。各宜凛遵毋违。特示。

同治二年九月初一日

圣公府

札独山屯官速造近年花名地段并飭催本年草租银两事

〔征催孔庙独山屯祀田草租鱼利（四）（四一二三）之十六〕

札独山屯屯官刘仰贤知悉。照得独山屯草租，口据该屯官造具花名、段落清册呈报，以凭查验起租。迄今数年，未据造报，殊属玩延，合行札飭。为此札仰该员，札到迅即将近年各户承认水田地亩，按照界内所栽霖草段落若干，逐一清查，据实造具姓名清册，先行申送本爵府，征收草租，以供祀典。倘该屯官与各花户通同隐匿不报，定将该屯官并花户提案，照欺隐祀银之例办理。所有本年应征草租银两，飭催花户赶紧将应纳草租催齐存储，以便该员来屯查验霖草时交付委员带曲，以备应用。凜之慎之。毋违此札。

同治二年九月初二日

圣 公 府

票仰伴官张瑞祥往独山查勘霖草顷亩并催齐新陈草租事

〔征催孔庙独山屯祀田草租鱼利（四）（四一二三）之二十九〕

袭封衍圣公府孔 为飭委事。照得独山湖内草租，历据该屯官造具花名段落清册，以凭查验起租。连年未据造报，殊属玩延，合行专员飭查。为此票仰该员，遵照前往独山屯，着落屯官按照界内查勘今岁霖草段落顷亩若干，据实造册详报。该屯官倘敢通同匿报滋事，定将该屯官并该户治罪。所有草租银两，会同该屯官将新陈草租催齐，交付委员带曲，以供祀典。去员亦不得徇隐延误干咎。速速须票。

右票仰伴官张瑞祥准此

同治三年六月初九日

圣 府 行

票仰伴官张瑞祥往独山查勘罽草段落顷亩并催齐新陈草租事

〔征催孔庙独山屯祀田草租鱼利（四）（四一二三）之二十七〕

袭封衍圣公府为饬委事。照得独山湖内草租，历据该屯官造具花名段落清册，以凭查验起租。连年未据造报，殊属玩延，合行专员飭查。为此票仰该员，遵照前往独山屯，着落屯官按照界内查勘今岁罽草段落顷亩若干，据实造册详报。该屯官倘敢通同匿报滋事，定将该屯官并该户治罪。所有草租银两，会同该屯官将新陈草租催齐，交付委员带曲，以供祀典。去员亦不得徇隐延误干咎。速速须票。

右票仰伴官张瑞祥准此

同治三年六月初九日

圣公府行

札独山屯官迅造草租清册并完征去岁缓限祀银速出示晓谕事

〔征催孔庙独山屯祀田草租鱼利（四）（四一二三）之二十八〕

袭封衍圣公府札独山屯屯官刘仰贤知悉。照得独山屯草租，历据该屯官造具花名段落清册，以凭查验征收草租，久经办理在案。查连年未据造册呈报，实属有意抗延，本应提究，姑且从宽。除已往不究外，合行札飭。为此札仰该员，札到迅即将各花户承认水田地亩，按照界内所栽霖草顷亩段落若干，逐一清查，据实造具姓名清册，定限于八月二十日先行申送本爵府验看，以便飭员前往查勘，并征草租，以供祀典。倘屯官与花户通同隐匿不报，将该员并花户提案，照欺隐祀银之例办理。再查该员去岁据屯户刘崇元等以霖草湮没，恳请豁免前来，惟屯银以供祀典，本不能稍缓须臾。据该员详请本爵格外施恩，将应纳之租暂缓，本岁带征。接札后出示晓谕，所有旧欠草租，赶紧完纳。如有观望不纳者，即着该员提案追比。毋忽（违）此札。

同治三年十月初十日

圣公府行

札屯官届造花户段落清册申送查验倘仍前侵蚀定提惩究事

〔征催孔庙独山屯祀田草租鱼利（四）（四一二三）之三十〕

札署独山屯屯官刘中芳知悉。〔缺〕

钦拨祀田以来，花户栽有霖草，历据该屯官造具花名段落清册，以凭查验起租，以供祀典，久经办理在案。查同治三年呈送草册，注有二十七段，所有解到草租，甚属寥寥。难免有侵蚀情弊。本应提究，姑从宽免。今届造册之期，合行札飭。为此札仰该员，遵照旧章造具花户切实段落清册，先行申送。仰后委员前往查验。倘该屯官与花名通同隐匿不报，一经委员查出，定当该员并花户提案惩办。凛之慎之。毋违此札。

同治五年九月十九日

圣公府行

札独山南北屯官为届期造送租草姓名段落清册听候查验事

〔征催孔庙独山屯祀田草租鱼利（四）（四一二三）之三十五〕

札署独山屯^北南牌屯官^{刘中兴}知悉，案查独山屯自^{朱延礼}

钦拨祀田，耕民变舟以来，花户栽霖蓄鱼，以供祀典。历据花户赴该屯官处报草，该屯官遵照向例，造具花名段落切实清册申送，以凭查验起租，久经办理在案。今届造册之期，合行札饬。为此札仰该屯官，札到遵即造具姓名段落界趾（址）清册，定限八月二十日先行申送前来，听候委员前往查验。所有委员到屯供应之处，遵照旧规预备。毋得漫视，致干查究。凛之慎之。毋违。此札。

同治七年七月十二日

圣 公 府

独山屯赵家庄屯官宋庆文禀为屯船装载祀银请予验收事

〔孔庙独山屯祀田湖船管理（四八三二）之三十五〕

署管勾官兼署独山赵家庄屯官宋庆文谨

禀

上公爵前。敬禀者，窃卑职奉

委收办屯船祀银，当将头次抽收祀银，禀解在案。兹于二月十三日起，截至三月十二日止，计一

月正。值天气干旱，河水消涸。所有船只，实难行走。以致赴局投报船只仅一百六十四号，

均由卑职按章发给护照。一月以来，各屯船共报装载五千八百五十石。按石折收祀银，共折收京钱一百一十七千文。除坐支局费一半外，实应解京钱五十八千五百文。理合解兑，伏乞

宪台查核验收，实为公便。肃此具禀。恭请

福安。伏维

慈鉴

卑职庆文谨禀

同治十年三月十三日

札独山南北牌屯官为晓谕花户申送草册以便征收草租事

〔孔庙独山屯屯官佃户等稟报灾荒缓免祀田徵租（四一二五）之四十〕

袭封衍圣公府札独山北牌屯官刘中兴、兼理南牌屯官李承绪知悉。案查该屯自耕民变舟，该花户裁草捕鱼，完纳祀银，以供祀典，久经遵办在案。兹据去年该屯官详，据花户以黄水涨发较往岁深有尺余，详请蠲免前来，除详批驳并委员协同长催查勘去后，旋据稟覆，蒙札驰往该屯会同屯官履历史查。虽黄水陡长尺余，不能成灾，碍难蠲免，理合稟覆。且查同治元年至九年，前据详报草册，共计一百（三十）余段之多，未能全行淹没，亟应飭查。今届造册之期，合行札飭。为此，札仰该员，札到遵即出示晓谕花户人等，赶紧报草。限于月底申送草册，听候委员届期查勘，以便征收草租。倘该屯官与花户通同藉词抗违，定将该员并花户提案究处，决不姑宽。其各凛遵毋违。此札。

同治十一年九月二十四日

圣 公 府

札賚奏官等为查明鄂巨二厂涸出已种地亩佃户花名事

〔征追孔庙鄂城屯祀田佃户抗欠田租（五）（四一一六）之十六〕

袭封衍圣公府札賚奏官岳丕成知悉。照得鄂城厂柜祀田，业经涸出，均已播种麦禾。刻值二麦成收，所有播种地段、佃户花名，未据造册申送，碍难办理，合行飭查。为此札仰该员，札到遵即驰往该厂柜，协同屯官，即将涸出地段，已种麦禾亩数，周履查验，并将佃户花名，造具清册，详细禀覆，以凭核办。并飭令该屯官，赶紧督催，速为报解，以供祀典。该员尚其悉心办理，毋负委任。凛之，慎之。切切。此札。

札百户官杨法渊知悉。照得巨野厂平巨柜祀田，业已涸出，均已播种麦禾。刻值二麦成收，所有播种地段、佃户花名，未据造册详报，碍难办理，自应委员查明，以照核实。查该员籍隶之处，相近该厂。今该员又系该管。每遇春秋之际，即着该员预为查看，先行禀明，合行飭查。为此札仰该员，札到遵即协同管勾，即将涸出地段已种麦禾亩数周验，并将佃户花名造具清册，详细禀覆，以凭核办。该员尚其悉心办理，毋负委任。切切。此札。

同治十三年五月初十日

圣公府（行）

札署独山屯官为造报罾户清册以便起罾事

〔征催孔庙独山屯祀田草租鱼利（五）（四一二四）之一〕

札署独山屯屯官刘玉振知悉。案查该屯向栽罾捕鱼。前因湖水消涸，将地旱出，是以停委未查。今岁雨水涨发，栽罾之户，不至乏人。兹届造册之期，合行札飭。为此札仰该员，札到遵即造具南北二牌罾户段落清册，申送查验。所有石家口水田，久未委员起罾。着该员飭传小甲、箔头造报草册呈送，以便届期委员前往起罾，毋得迟延，致干未便。切切。此札。

光緒四年九月初五日

圣 公 府

圣府慎修堂为派郑绍立协同催办租务晓谕各户事

〔光绪年间处理孔庙各屯庄佃户讼案（一）（三九七一）之三十三〕

圣府慎修堂孔为晓谕事。照得泗汶庄旧有庄田一所，前经屡次失迷无着，后经圣公府差员查回称，为祀田带行收租。兹于今春本府查明，复归旧管业主。今与圣公府较明，已将旧小甲孙继文因盗伐官树，窃割麦禾，捏控妄禀，业经革除，永不复用。河滩地租一概不准伊等私张君太收。今特派旧小甲之孙郑绍立协同张广存催督办理租务，按户催□，不准脱欠。如有脱欠，按户指名稟究。自谕之后，众租户各宜遵照旧章，如数清交，不准耽延。如有任意迟延，不遵约束，即行查究不贷。各宜凛遵。毋违。特谕。

右谕通知

光绪十二年七月十九日谕

实贴泗汶官庄

屯田管勾申为春荒佃户逃亡请移文行县催收事

〔查究侵隐孔庙平巨屯祀田地亩（八）（四〇三三）之五〕

督理屯田管勾官魏肇范为征收疲玩移文行县事。窃卑职今春赴柜征收祀银月余，收祀银未足百两。悉因甲首疲玩成风，往往逾限不到。且逾限固在甲首，疲玩实在花户。凡甲首所管花户，俱系巨野、郛城、菏泽三县子民，隔境追究，传唤不灵。况今春年荒岁饥，逃流外方者十有二三。卑职再三急催，仅征祀银一千两有零。刻逢秋征之期，恐难催办。伏乞

爵宪先即移文行县，以助征收祀银。飭三县各出示晓谕各甲首花户知悉，凡今春拖欠银未纳者，各自按限赴柜完纳。如再疲玩逾限不到，送县追究，以供祭祀大典。理宜申详。为此备文申
详

爵宪鉴察核夺，恩准施行。须至详者。

右 申

袭封衍圣公府

魏肇范 详

光緒十五年八月 日

諭孔广志为看守夔相圃按季纳租事

〔派员管理曲阜城西古夔相圃孔圣遗迹（四九一六）〕

諭孔广志知悉。照得

夔相圃于二十八年派令孔继约看守，按季纳租在案。兹据前曲阜学徐一面查保孔广志忠诚可靠，着其看守，按季纳租。合行諭知。为此諭仰孔广志，即便遵諭前往看守，经理该圃，每年纳制钱十千文，按春秋二季呈缴。毋违。此諭。

光緒三十一年六月二十九日

二、管事人等侵吞租银

独山屯佃户张文善状告吴来兴等为鲸吞祀田事

〔查究侵隐孔庙独山屯祀田地亩（一）（四〇四〇）之一〕

启状人张文善，系独山屯中排甲佃户。

启为藐法欺隐祭田事。切有蚕蚕吴来兴等，财势滔天，横行不端。将祭田数顷鲸吞肥己，祀粮分文不纳。祭典无赖，明系欺隐。身冒死奔陈，叩天急剪元恶，庶祀粮有归。似此藐法欺隐，法理难容，情理难甘，叩乞

本府仁明老爷准拘电断，惩创蚕蚕，庶祀粮有归。哀哀上启。

被启人

吴守业
吴来兴
吴来宾

干证

马龙玄
王松

启状人 张文善

康熙十四年七月十六日

仰管勾查报

管勾申为张振元打伤吴道中事

〔查究侵隐孔庙独山屯祀田地亩（一）（四〇四〇）之二〕

至圣庙管勾胡绕辰申为藐法欺隐祭田事。七月十六日蒙

本府批，据启状人张文善，系独山屯中排甲佃户，启前事，被启吴守业等，干证马龙玄等。蒙批仰管勾查报。等因批行到职。蒙此，卑职即差伴当田得成前去拘拿一干犯证至。查讯得干证马龙玄供称，小的系鱼台县人，在南阳店上居住。七月间，小的适往独山屯赶集，见吴敏中之弟吴道中手持黄纸去发牒。有启状人张文善之子张振元赶打道中，将道中打破头，血流不止。小的惧怕，不敢劝，就走去。其欺隐祭田，小的非屯中人，又无地土，不口欺隐有无。干证王松未至。据启状人张文善供称，王松系有司百姓，往下边湖中就食，不在家。各等因。供称到职。缘系批词，卑职未敢擅便。为此，今将前由理合具文申报，伏乞本府批夺施行。须至申者。

计粘申 原状一件

右 申

袭封衍圣公府

康熙十四年八月初五日申

藐法欺隐祭田事

准息发落缴 十七

吴敏忠状告为张文善势霸田产打伤弟命事

〔查究侵隐孔庙独山屯祀田地亩（一）（四〇四〇）之三〕

告状人吴敏忠告为势霸藕地打伤弟命事。有巨恶张文善父子三虎，骗诈合屯，万姓含冤，害众成家。种种有凭，开单验证。祸因身有藕地八十六亩，年年纳粮，苦不堪言。今被势豪张文善平白霸占，身向理说，反动虎恶，将身弟打伤，命在朝夕。似此盆冤，无门控诉。叩乞仁明老爷恩准提审正法，庶势豪知惩，藕租有归。哀哀上告。

被告人张文善、张振元、张季存、李小安、李小春

干 证吴养浩 马龙□〔玄〕 □〔张〕振华

告状人吴敏忠

康熙十四年七月十八日

仰管勾并查报

管勾申为张振元侵夺地亩打伤吴道忠事

〔查究侵隐孔庙独山屯祀田地亩（一）（四〇四〇）之五〕

至圣庙管勾胡绕辰申为势霸藕地打伤弟命事。七月十八日，蒙

本府据告状人吴敏忠告前事，被告张文善等、干证吴养浩等。蒙 批仰管勾并查报。等因批行到职。蒙此，卑职即差伴当陆璞前去拘拿一千犯证至。查讯得告状人吴敏忠系吴道忠之兄，前词被启吴守业系敏忠之子，吴来兴、吴来宾系敏中之族孙也。敏忠因张振元打伤弟命道忠，故为代告。据本状干证吴养浩供称，小的有独山屯藕地十九亩八分。因为推差，将此地卖与张文善。同中杜明寰议价二两。立约之后，浼原中去讨价银，文善至今分毫不与。小的系吴敏忠一家，所卖之地与敏忠等地相邻。敏忠地三十六亩，被文善俱行侵夺。其昨日打嚷之事，小的在铁炉口住，未见。据干证马龙玄供称，地土事不知。止见张振元打破吴道忠之头是实。供同前词。干证张振华未至。缘因官词。据揭单干证张春贵供称，小的姑奶奶系张文善之父嫡妻，止生三女，未有子。张氏口口娶梁氏为妻，生子张文善。嗣后伊父死，继而梁氏亦死。文善发送合葬，竟不对小的说，将小的姑奶奶骨村〔棕〕抛遗在外，小的总未之知。及葬后，小的

适往白沙村俺叔家去，对小的说，将骨村〔椽〕撒了。小的随赴他林上观看，见有剩骨并朽棺板，即拾之归家，赴

府告理，有成案可考，至今朽骨与朽板现在。小的因势力不能抗，仇恨仍未伸。又据干证道人朱五供称，香火院有地十六亩，系鱼台县地，被张文善要去种十二亩，其地并未过割。他种着打粮食，小的纳粮银。又供，香火院福扇，俺师傅说被文善抬去。又供，香火院内匾在上玉皇庙内放着，被文善抬下，放在关夫子庙内，过了数日又抬上来。其余不知。及讯干证杨其文等，据原告吴敏忠供称，俱往下湖趁食，不在家。各等情。供称到职。缘系 批词，卑职未敢擅便。为此今将前繇理合具文申报。伏乞 本府批夺施行。须至申者。

计粘申 原状一件、揭单一件粘连

右 申

袭封衍圣公府

康熙十四年八月初五日申

势霸藉地打伤弟命事

一宗，撒的〔嫡〕母骨殖。张春贵证。

一宗，指称圣府老爷散香派七百余家，每封银一钱。杨其文证。

一宗，霸占香火园庙地十二亩，文善收粮食，道人纳粮。道人朱五证。

一宗，诈骗修盖三清阁银三两。吴玄锡证。
高七止证。

一宗，因学戏骗众家银五十两。刘三戒证。
刘会然证。

一宗，往洞上送酒一罈，要银三两。高七止证。

一宗，私卖官山二分，要银五两。汪相证。

一宗，强骗香社银二十四两。阎有德证。

一宗，盗卖徐道人船一只，卖银八两。本道人证。

一宗，夜越良人墙三家。李成龙、张法、马祥云证。

一宗，毁坏母骨。要香火园银四两六钱、白布十匹。道人证。

一宗，强要香火园酒壶四把、口口一把。道人证。

一宗，香火园门隔数扇，现作床用。道人证。

一宗，将孔老爷送香火园牌毁坏作床用。道人朱五证。

管事罗万象启为小甲接年吞使租银乞差拘革退事

〔征追孔庙平巨屯各厂庄祀田佃户抗欠田租（一）（四一〇二）之一〕

徐镇桥管事罗万象叩

启。为恳恩差人拘提小甲以完银两事。切 本庄小甲楚三岗，接年租银催收侵使拖欠，致象揭借补交。今岁又侵使银二十余两，目下算帐无处凑交。伏乞

老爷恩准差人拘比革退。感戴。上启。

康熙十六年十二月

准拘

周嵩启为董肇扬重索粮银借故殴辱事

〔雍正年间处理孔庙各屯庄佃户讼案（一）（三九二二）之十八〕

具启人周嵩

启，为凶恶借故殴辱不堪叩天作主事。切有董肇扬于去年将地肆亩伍分，凭中出卖与身。因伊久不在家，尚未过割。又有压伊地一亩，每年共该粮银七钱五分。年年俱交明于肇扬之兄董肇雍，分厘不欠。现有肇雍活口可凭。不意肇扬凶恶成性，于本月初二日登门，借要粮银为由。身言俱交明于肇雍，即触虎怒，不容分辩，将身衣服撕碎，殴辱不堪。幸有街邻劝拉，免遭毒手。似此凶恶借故殴辱，法理难容。叩乞

〔缺〕答恩准送县差拘电讯，依法严究。庶凶恶知儆，而良懦得安矣。衔感上启。

被告董肇扬 董肇雍 张之显系董姓家人

干证张九如 刘允封 刘君实 路敬宇

雍正三年七月

日具

移鱼台县为重开国课诬告关提事

〔征追孔庙独山屯祀田佃户抗欠田租（一）（四一一八）之六〕

袭封衍圣公府为抗粮不纳等事。本年七月初四日。准

鱼台县移前事缘由到府。准此，随即发票拘唤。即据张介宇等以重开国赋诬告关提恳恩验票回文消案以免关发等事具禀前来。禀称，切身等钱粮每年应限完纳，并无拖欠。因康熙六十年间岁荒款徵，故有些须未完之粮。不意今岁将身等张连池名下重开银一钱五分，张永盛名下错派银一钱八分，有差役聂朝路乘酒索逼。并不容身等执票对照，拥门唱骂。及至醒酒，自知理屈，恐身等控告，因将身等族间欠粮之名捏为违限抗粮，连名诬告。本县李老爷具文关提身等赴县，将原单印票当堂投对，实系重开错派，现有李老爷改正催单可凭。至于张介宇等名下钱粮俱已完纳，分毫不欠，亦有印票为证。但关文已发，无以挽回。身等无奈，赴府稟诉情由，恳恩亲验单票，回文消案，以免关发，庶贫户得安矣。等情到府。据此相应移覆。其果否重开错派，并张介宇等名下钱粮果否全完，希即移覆。为此，合移贵县，烦为查照施行。须至移文者。

一立案

鱼台县

雍正九年七月初八日

袭封衍圣公〔押〕

直隶总督咨为学录孔毓彤侵吞长垣县学田籽粒事

〔雍正年间学堂岗孔庙主祀孔毓彤违例私用官封被揭革职并追缴亏欠租银
(四一五〇)之九〕

太子少保兵部尚书兼都察院右副都御史总督直隶等处地方紫荆密云等关隘提督军务兼理粮饷
加一级纪录十三次又军功纪录一次李 为

飭查事。据直隶布政使司王布政使呈称，蒙官保尚书总督部院李 宪牌内开，雍正十二年二
月二十四日，据学录孔毓彤专差家人，备具国子监世袭学正用有铃印平行官封装入呈词一
纸，赴辕投递前来。本部院拆阅之下，内称

长垣县属学堂冈地方，

圣庙倾圮，请飭催修葺等情。遂检查案牍，雍正二、三等年，据该学录叠次将催修

圣庙，并控告杨越梓等霸占祭田各呈词，擅用国子监学正官封，经前院屡经发还，仍飭讯明。有
无假捏情弊，未覆在案。今该学录复又擅用国子监学正印记平行官封投递催修呈词，除原呈

存案，并将来差责惩，并移咨

衍圣公查覆在案。合行飭遵。为此牌仰该司官吏，照牌事理，即将长垣县属学堂冈

庙宇应否修理之处，飭令该县作速查明详覆。一面将该学录平素行止如何，在该县地方有无多事之处，一并查明覆夺。毋违。等因。到司。蒙此，当经转飭遵照去后。兹据大名道咨，据长

垣县知县朱懋德申称，遵查卑县学堂冈乃

至圣与先贤言志之处。创建

庙宇，由来已久。垣邑官民，先后捐置学田五顷四十三亩，向系垣民佃种。每年除课赋外，所余籽粒，俱藉以修葺之资。所以

庙宇不致倾废。迨康熙五十年间，学录孔毓彤指为祭田，具呈

圣公移查，前府行县，退佃归与毓彤管种，将每年籽粒盈余，尽饱私橐。岁修无费，民情涣散，以致

庙宇损残。乃毓彤不自悔其侵吞之失，辄以修

庙为词，具词冒渎。奉檄飭查。卑职前往学堂冈，瞻仰

圣庙，前后五层。亭坛殿宇共二十余间，并牌坊门墙等项，多有倾废。自应悉照旧制，就其损坏之处，修补添换。逐一估计，需用工料银六百六两零，尽可补葺。毓彤侈大其事，声称需费千

金，以及七千八百余金，俱属荒唐。应请将毓彤逐年占收学田五顷四十三亩之籽粒盈余银两，自康熙五十年起至今按年计追，着落兴修，足以敷用。并请嗣后所有盈余，永为修理

庙工之用。毋许以官民捐置之公项，侵收入己，庶

圣迹常新，而士民悦服矣。备查孔毓彤争管学田五顷四十三亩零，有课种于人者，有招佃代种分收籽粒者。其课种于人所收租价原有确数，其与佃分收之地，岁有丰歉不齐，并无租额折中。定拟按照管业年分，除去应完粮赋，总计收过籽粒盈余银七百二十九两零。拟合造具籽粒盈余，及

圣庙估需工料银数清册，并抄录控争原案，一并申送核转。再查孔毓彤系豫省仪封县人，其素行有无多事之处，无凭查覆，合并声明。等情，到道。核转等情前来。拟合据文呈送核夺，移咨衍圣公察究，并咨

河南总督部院转飭仪封县着落孔毓彤名下，将历年盈余籽粒，照数追出，移解长垣县查收，以为修葺

圣庙之用。等因，到本部院。据此，拟合咨会。为此，合咨贵爵，烦请查照，希将该学录孔毓彤先后擅用印封并违例装送呈词及侵用盈余籽粒，不修圣庙之处，迅

赐察究示覆施行。须至咨者。

计咨送 清册三本

右 咨

衍圣公府

雍正十二年十月十九日

票差伴役为严拿侵蚀祀银屯官小甲事

〔查究侵隐孔庙滕县境内祀田地亩（四〇六一）之一〕

袭封衍圣公府为严〔缺〕拿事。照得本府平阳屯屯官蒋润、甲首蒋贞安侵蚀祀银，贻误〔缺〕屡经差提，藏匿不出，合行给批严拿。为此，批差本役前去，无论远〔缺〕城州县照例先行挂号。如遇伊等，立即锁拿解究。倘有势〔缺〕拦阻，即禀所在官司添差协拿移解。去役如敢漏风徇纵，以〔缺〕贖买放，定行从重究治。亦不许借生事端。须至批者。

右批差伴役胡公乐
陈云彦准此

乾隆十一年三月十四日

圣府 押

限本月二十六日缴

内登号讫

移巨野县为屯官蒋润等侵粮抗提希添差协拘事

〔征追孔庙平巨屯各厂庄祀田佃户抗欠田租（二）（四一〇三）之二十〕

袭封衍圣公府为侵粮抗提移差协拘事。据经理屯田管勾□□□详称，平阳屯十年分甲首蒋贞安与该屯官蒋润，朋侵屯地钱粮一十六两有余，屡提不到，详请差拘等情到府。本府差役督催去后，□该屯官蒋润、甲首蒋贞安潜匿不出，抗违如故。查各屯钦拨祭田，以供

庙庭祀事。甲首按分催纳，无容拖欠侵肥。况屯官例由吏部额设，专□祀禄钱粮，统辖屯佃。

今该屯官蒋润与甲首蒋贞安朋比侵蚀，法无可贷。除再给批专差严拿外，查该屯坐落贵治，理合移明

贵县，烦为查照文内有名入等，希即添差干役协拿蒋贞安、蒋润。务获押解，以凭追究。事关祀典，幸弗濡迟。望切望切。须至移文者。

立案

巨野县

乾隆十一年三月

袭封衍圣公押

管勾申为独山屯官抗提租银帐目事

〔征追孔庙独山屯祀田佃户抗欠田租（一）（四一—八）之十九〕

经理屯田管勾周士楷为叩禀事。本月二十日据差役程之谋、董乐然等禀前事内称，小的蒙差提屯官赵发菊、刘大显本年祀银账目，以便转报。遵即于本月十三日前赴独山屯。该屯官言及少迟即连银并账一并发给。守候多日，又称

公爷欠伊银两，此项祀银尚不敷抵兑之数，任凭回禀参罚等语。小的无奈，理合回禀。等情到职。查独山屯祀银，除办用鱼果外，例系由职带销。今独山银两该屯官并不呈账转报，又不实交。府内银两之数，职碍难造报，拟合备由具申。伏祈

公爷差提销算施行。须至申者。

右 申

袭封衍圣公府

乾隆三十七年十二月

日申

叩禀事

平阳巨野等屯官禀为管勾官暴敛激变事

〔乾隆年间处理府庙属官讼案（一一）（三七三六）之四〕

具禀平阳屯屯官仇嗣尹、巨野屯屯官吕述若、杨万滋，为据实禀明恳祈 电照事。切

公老爷设立管勾，原为祀银征收，素有定规。今 周厅尊收粮每两加银一钱八九，或则二钱。人情汹汹不宁。兼以厅书钱文德藉系鄂屯户人，充平巨柜书，立法定要每户完纳五分，绝不遵甲首通等完纳五分之例。时值春荒，益之暴敛，因是于本月初十夜被苦民填塞官署，逼其非常大变。屯官不禀，连坐屯官犹小，诚恐有司详报大人具题，致

公老爷有失察之嫌。屯官等目击心惊，不敢不叩禀。公老爷大人恩准施行。

乾隆三十九年三月

日具

管勾周士楷申为屯官废弛屯务请及时整顿事

〔乾隆年间处理府庙属官讼案（一一）（三七三六）之七〕

经理屯田管勾周士楷为屯官不职废弛屯务拣要详明以便及时整顿事。切以屯官有表率屯下，经理祀银之责。必家道殷实，人品端方，稍通文理者，方能办事勤敏，克尽厥职。今查平巨屯官仇嗣尹、吕述若、杨万滋等三员昏愚性成，无赖习惯，骄野粗率，门闾不识。更兼曲蘖迷心，放荡无忌，于一切礼仪攸关，职守紧要之处，无不视若弁髦。他不具论，即如每年造办赤书，照写此簿，系屯官第一要务，自应小心核对，庶免错误遗累。无如平阳屯官仇嗣尹目不识丁，造办粮册，俱系假手于人。故将平五甲王宗凡名下祀田三十余亩，应完耗正银不过八钱余，冒开作八两一钱八分。经管该户甲首邹良臣赴柜质正，该屯官反言系找人写的，与己无干等语。查此簿既系冒开，赤书料亦冒造，请飭知册房查核王宗凡银地错误之处，先为更正备案。其他零星户口，容职细查讹错，另详办理。又据仇嗣尹因职究诘陈欠，率尔口首侵欺三十七年陈欠六两余，谅亦不止此也。至巨野屯官吕述若昏愆悖谬，固非一端，犹未若杨万滋之欺诈朦弊，败检尤甚。如巨四甲王浦应充本年甲首，该屯官并不将伊如名造入呈

送甲首册内。及至三月十八日王浦赴柜出首，并将应催王宣德、王复善等各户银两，按照分数封纳，该员舞弊，隐匿甲首知名，谅非王浦一人。是皆预为掇收侵吞之地。除未查明悉者，俟查明另详外，所有业经卑职访查确凿者，陈欠内有王林正银一两二钱一分，季若五正银一钱三分，杨万厢正银五钱八分，杨万书正银六钱一分，季若田正银一钱四分，季大壮正银一钱一分，曹永长正银一钱五分，杨春旺正银五钱二分，杨万福正银三钱，季加琬正银八分，季希浩正银一钱四分，季希贡正银九分，王可成正银一钱，方可顺正银八分，季大顺正银三分，朱应乾正银五钱二分，共十六户，正耗银七两零三分，俱被伊侵吞私肥。贪鄙误公，至此已极。且其攒造册籍，于所管牌甲内花户名下多派一分、二三分不等者，各有十余户，致使甲首花户人等哓哓质辨。似此戏玩，亦属不堪。再如平巨两屯庄、在共七千三百余户，历年屯官呈报甲首三百余名。以甲首与户口计之，每甲首一名承催不过二十余户。该屯官等如果实心办公，何难仍遵成例，于征前将甲首一名应管户口牌甲姓名及银数若干造成催单，每甲首发给一张，使其按照催办，自能一目瞭然。何至接年无甲首承催，户口愈闪愈多。查本年甲首中多不知应管户口为谁，且有并不知屯官报己充应甲首者。更有如陈汤恒承管六七分银之甲首，亦非一人。再如巨一甲王振见有地二十亩，自三十年派作三十六亩六分，粮银无着。洵及屯官，亦茫无以应。诸如此类，概难殚述。倘嗣后仍用伊等任事，诚恐一切公务，日见废弛，将来何由整顿。职有董正伊等之任，不敢徇隐覆庇，壅于上闻。拟合备由详明，伏乞

爵宪公爷电鉴，批示施行。须至详者。

右 申

袭封衍圣公府

乾隆三十九年三月

照详

日申

平陽屯官仇嗣尹稟为无故被冤关押事

〔乾隆年間處理府廟屬官訟案（一一）（三七三六）之八〕

具稟平陽屯屯官仇嗣尹，

稟为陈明下情，无故被冤事。切职于本月十四日与屯官吕述若、杨万滋同进管勾公署，有管勾衙役王子石对职言及初十日夜间将衙门磊塞，不知是何人，现在细查，意欲稟明

公爷。职二人同见管勾详问其故。周士楷无言回答，自觉有愧。控捏伸详职与吕述若大闹公堂打降，将职严押三天。职无奈私自逃出，急奔案下，伸明奇冤，万难甘心。伏乞公爷恩夺施行。

乾隆三十九年三月 日

管勾周士楷申为呈明赵家河管勾衙署被人垒门流言事

〔乾隆年间处理府庙属官讼案（一一）（三七三六）之十〕

经理屯田管勾周士楷叩禀

公爷。敬禀者，本月二十二日，蒙传 谕风闻赵家河衙门被坏垒了，收粮的戥子太大，下边定有乱子，差访稟覆等 谕。垒门之说，若果有其事，自应飞稟请示，照例严惩刁恶，以昭炯戒，岂有隐匿之理。但流布此言者，亦自有因。职于本月初一日到署，及初五日晚迅雷雹，起早开门看雨，见几个坏竖在门厦旁，当即查问，据书役钱文德等禀称，此系本衙门火夫在门外脱了几个坏，因昨晚上雨恐怕湿了，因搬及于此。职遂置之弗问。不意流言竟借此为名。且曲阜所传说者是十三，此事系在初六。彼时尚无封银之人，岂有职才到署，即被人垒门者。至戥子一事，仍照去年一样办理。如果突然加重，平巨甲首三百余名，谁肯踊跃输将。且公道自在人心，屯众岂能为流言所摇。闹乱之说，可必其无。总因今春带陈欠册下屯，屯官等各不自安，听屯官仇嗣尹稟词，即恐遭今日之谤。所以陈欠全未开催，意欲回曲时稟请训示，以待秋季办理，诂意流言已布矣。现在正当征收，职若随差官回曲，恐人心一散，断

難收往年分数。理合先行稟明。卑职方敢束装。恭请
公爷福安。伏乞

电鉴

卑职士楷谨稟

乾隆三十九年三月二十五日稟

巨野屯甲首仇大勇稟为管勾贪酷加耗民不堪命事

〔乾隆年间处理府庙属官讼案（一一）（三七三六）之十三〕

具稟巨野屯二甲甲首仇大勇

为贪酷剥民事。切照完纳祀银，例应每银一两，加耗一分，由来旧〔久〕矣。自周厅尊初下屯时，即改加十分，身以系

公爷委员，未敢擅动。詎意此次下屯，益增加耗。身于三月初九日称市银三两四钱，只完银二两九钱六分。似此贪酷，民何以堪。伏乞

公爷恩准施行。

市年银三定一件

乾隆三十九年四月初三日

平陽屯六甲首尹克己稟为重戕剥民事

〔乾隆年間處理府廟屬官訟案（一一）（三七三六）之十四〕

具稟平陽屯六甲首尹克己

为重戕剥民事。切照 欽撥祀銀，例應正銀外加耗銀一分。自周厅尊初下屯時銀一兩加耗銀十分。及至陳厅尊到后，忽改加三分，萬民銜恩無極。詎周厅尊此次下屯，大改前例。身于三月初九日稱市銀二十七兩七錢。托仇屯主親交，只稱銀二十四兩二錢七分。似此重戕剥民，身實含冤。叩乞

公爷恩准施行。

市平銀二十五定四件

乾隆三十九年四月初三日

平阳屯五甲首张淳稟为重耗剥民事

〔乾隆年间处理府庙属官讼案（一一）（三七三六）之十五〕

具稟平阳屯五甲甲首张淳

为重耗剥民事。切照洪武钦拨祀田以来，一切屯民完银，例定正银一两加耗银一分。自周厅尊初下屯时，改加十分，屯民敢怒而不敢言。及陈厅尊到任，忽改加三分，万民欢忭无极。迨周厅尊此次下屯，忽改加十分有余。身于三月初五日限完银，每银一两定照二千二百文扣算。又于十四日完银，称市银九两六钱，托宅门周铎交内，只称银八两五钱五分。似此重耗，民何以堪。伏乞

公爷电鉴施行。

市平银九定一件

乾隆三十九年四月初三日

平阳屯一甲首王经理稟为贪秽虐民事

〔乾隆年间处理府庙属官讼案（一一）（三七三六）之十七〕

具稟平阳屯一甲甲首王经理

为贪秽虐民事。切身于三月初八日称得市戥银二两三钱四分，意欲完银二两二钱多银。诟交内只称银一两九钱三分。身实无奈，只得吞忍。伏乞

公爷恩准怜鉴。施行。

乾隆三十九年四月初五日

平阳屯一甲首刘培禄禀为违例扣刻事

〔乾隆年间处理府庙属官讼案（一一）（三七三六）之十八〕

具禀平阳屯一甲首刘培禄

为违例虐民事。切照圣庙祀银，例应每银一两外加耗银一分。诂身于三月初七日称得市银五两六钱，及交内称志，只称银四两九钱一分。身实系贫寒，似此扣刻，实难赔补。伏乞

公爷恩准垂怜。施行。

乾隆三十九年四月初五日

拘喚东平厂小甲朱平治信票

〔征追孔庙东平厂祀田佃户抗欠田租（一）（四一三一）之二〕

信 票

仰役前赴东平厂，即将掇收祀银小甲朱平治依限拘喚赴府，听候追比。去役不得徇纵，致干责革。速速。须票。

乾隆四十二年正月二十一日差宋文兴

圣 府 行

限次月初三日销

提喚东平厂小甲阎廷柱信票

〔征追孔庙东平厂祀田佃户抗欠田租（一）（四一三二）之三〕

仰役即将东平厂小甲阎廷柱提喚前来，听候查讯有无在外滋事情弊。去役不得缓纵干咎。速速须票。

乾隆四十二年六月二十七日差戈永仁

圣府行

限本月二十九日销

飭催东平厂陈新祀银信票

〔征追孔庙东平厂祀田佃户抗欠田租（一）（四一三二）之十二〕

袭封衍圣公纪录一次孔 为飭催事。照得东平厂五十、五十一两年祀银，拖欠累累，自系该总甲恣意侵欺所致，合行飭催。为此，票仰该役前去严催，该总甲星速将陈新祀银，定于五日扫数全完，刻即解府，毋得迟误，致干未便。毋违。速速须票。

乾隆五十一年五月二十五日差张宗祥

圣府行

限 月初五日销

拘提东平厂怠玩失限总甲扈健信票

〔征追孔庙东平厂祀田佃户抗欠田租（一）（四一三一）之九〕

信 票

袭封衍圣公纪录一次孔 仰役前赴东平厂，即将怠玩失限总甲扈健拘提到案，听候追比。去役如有徇纵情弊，并行重究不贷。飞速火速。毋违。须至票者。

乾隆五十一年闰七月初六日差郝文魁

圣 府 行

限本月十一日销

提喚东平厂小甲扈进孝信票

〔征追孔庙东平厂祀田佃户抗欠田租（一）（四一三二）之十〕

信 票

袭封衍圣公纪录一次孔 仰役前赴东平厂，即将小甲扈进孝提喚前来，听候问话，毋得迟延干究。速速须票。

乾隆五十一年八月二十一日差张宗祥

圣 府 行

限本月二十五日销

立提巨野厂怠玩不力总甲张承先信票

〔征追孔庙平巨屯各厂庄祀田佃户抗欠田租（四）（四一〇五）之九〕

信 票

袭封衍圣公纪录一次孔 仰役前赴巨野厂，即将后开怠玩不力总甲张承先立提前来，听候追比。去役毋得徇延干咎。速速须票。

计拘提 总甲张承先

乾隆五十一年七月二十二日差颜茂坤

圣公府行

限本月二十七日销

立提东平厂失限总甲扈健等信票

〔征追孔庙东平厂祀田佃户抗欠田租（一）（四一三一）之十七〕

仰役前赴东平厂，即将失限之总甲扈健、贾克齐立提到案，以凭追比。并将所办毡件一并带来。去役亦不得徇纵干咎。毋违。速速须票。

乾隆五十一年十一月二十五日差宁怀义

圣府行

限本月二十八日销

严催东平厂本年及上年祀银信票

〔征追孔庙东平厂祀田佃户抗欠田租（一）（四一三一）之十四〕

袭封衍圣公纪录一次孔。仰役前赴东平厂，着落总甲扈健、贾克齐，即将本年祀银并上年拖欠陈银，一并迅速严催，按限完纳。如有抗延不完者，拘提到案追比。去役毋得迟延干咎。须票。

乾隆五十二年三月初九日差阮国挺

圣府行

限本月三十日销

立拘东平厂怠玩总甲扈健等信票

〔征追孔庙东平厂祀田佃户抗欠田租（一）（四一三一）之十八〕

袭封衍圣公纪录一次孔 仰役即将东平厂怠玩总甲扈健、贾克齐立拘到府，听候严究。去役毋得徇延干究。毋违。速速须票。

乾隆五十三年正月初九日差武瑞

圣府行

限本月十六日销

屯户张坤等稟为屯官借查屯地勒索钱财事

〔查究侵隐孔庙东阿屯祀田地亩（四〇四七）之八〕

具恩东阿屯屯户萧世隆、张坤、田大木、黄希尧、刘法贞、刘珩、李永清、黄士岱等。为实陈前情恳 恩电察事。切身等俱系本屯屯户，屯田地共地九十余顷。于四十六年八月间，蒙 恩清查本屯地亩。原任屯主萧世运，票催身等按地出钱，每亩京钱一百六十文，口称起解。身等屯户俱按数全完，分文不欠。当立碑文可凭。萧屯主已故，新任屯主黄默，又票催清岔〔查〕地亩。身等思屯户前按数出钱起解，萧世运要功名，身要性命。伊图当下富贵，身亦图平安。今又蒙札催，身等屯户不得不历陈实情，叩乞

公爷恩准电察，均感无既。

萧文水、黄存让、萧汝仓、黄义

公恩屯户

萧治太、阎进礼、田大本、张桂

刘 玺、萧世亨、黄作楨、黄泌

系办事人

萧汝柏、黄连、萧治邦

乾隆五十七年三月

日

咨刑部为家奴杨天祥等侵蚀祀银抗拒催缴事

〔嘉庆年间处理本府仆役讼案（一）（三九八〇）之六〕

袭封衍圣公府为咨请治罪不法家奴事。照得本爵署内有杨天祥、杨天纯兄弟二人，并非

钦拨庙佃，系豢养奴婢之子，曾经先后管收郛城厂祀银。詎料杨天祥侵蚀一百二十五两五钱，杨天

纯侵蚀一百四十八两三钱九分。窃思

钦赐祀银，乃

至圣血食所关，分厘为重。今杨天祥、杨天纯同恶相济，纵情肆行，竟敢侵蚀至二百余两之多。

本爵屡经催缴，伊兄弟始终抗拒，并不交偿，反怀恨在心，甚至有事呼唤不至，并大声疾呼，我竟不至，其奈我何之语。伊凶横刁诈，蔑视主母，欺凌幼主，一至于此。本爵于上年

十二月内，曾咨请 山东巡抚部院究办，当经委员提取，由曲阜县差役将杨天纯解省。杨天

祥大胆逃避，屡经院县差缉未获。今知杨天祥潜逃来京，即差家弁拿获伴押

赐第。相应咨明

贵部，即请差役锁拿杨天祥到案，再行提杨天纯来京，一同按律治罪，以维体制，实为公

便。望速施行。須至咨者。

右 咨

刑 部

嘉庆四年二月十六日

圣公府行

曲阜县移为查审杨天祥案希移发交银图记收帖事

〔嘉庆年间处理本府仆役讼案（一）（三九八〇）之十一〕

兖州府曲阜县为咨请等事。本年四月初九日蒙

本府帖文，蒙

布政司荆

抄案，嘉庆四年三月二十九日准

按察司王

刑部咨山东司案呈本部咨前事一案，相应行文该抚查办可也，等因到本署部院。准

此，查此案先因公夫人程氏称，业经本署部院恭摺具

奏，并札飭兖州府亲往曲阜县，将案内一千人证，押带来省审讯，并咨明 衍圣公在案。兹准前因，

拟合就行。为此仰司官吏即便会同臬司，转飭将公府所存历年交银清册，及杨天祥所存交银图记收帖，同案内一千人证，押带来省，以凭审讯，并将杨天祥一户是否公府家奴，抑系佃户，伊子杨士功是否该县庠生，应否例准考试居官之处，一并详细查明，报部可也。等因到司。蒙此，合行马递五百里飭提。为此，仰府官吏，即便作速提齐案内一千人证，同公府历年所存交银清册，及杨天祥所存交银图记收帖，押带来省，以凭审讯。并杨天祥一户，是否公府

家奴，抑系佃户，伊子杨士恭是否该县庠生，应否例准考试居官之处，一并详细查明具覆，以凭详请报部，毋得迟延，速速。须至札付者。等因到府。蒙此，查历年所存交银清册，已交出十一本在案。兹奉前因，合行飞飭，为此仰县官吏，作速移齐案内一千人证，及杨天祥所存交银图记收帖，押带来府，以凭转解。并杨天祥一户，是否公府家奴，抑系佃户，伊子杨士功，是否该县庠生，应否例准考试居官之处，一并详细查明，限即日内六百里驰覆，以凭转详，毋得迟延干咎。速速。计粘单一纸。等因到县。蒙此，拟合移会，为此合移

贵爵府，烦为查照文内事理，迅速将交银图记收帖，移发过县，以凭转解。幸勿迟滞施行，须至移者。

右 移

袭封衍圣公府

嘉庆四年四月初九日

移 押

曲阜县移为已革百户赵璟侵吞银两以产抵赏事

〔查究林庙百户赵璟宁阳县田产抵还欠缴本府款项（一六一七）之一〕

署曲阜县为咨请严速究追事。案蒙

本道帖文，准

袭封衍圣公府咨开，查上年本爵府送究恶奴赵璟等一案，经

前抚部院 藩 臬两司，议将该奴杖枷追缴银一千两，奉

旨依议转行在案。迄今一载有馀，并未追缴，等因到县。蒙此，当经敝县差传赵璟押追去后。兹据革职百户赵璟稟，为恳恩移会通报结案事。呈称，切革员自遭事之后，八口嗷嗷，衣单食缺，已近二载。业蒙 公府洞鉴，所有案内奉追未缴银一千两，无力缴还，只有宁境中家庄山地一段，除已压卖与众姓宅地四官顷外，尚有草房十二间，东坡地三顷四十五亩二分，已蒙宁主差役同案下公差并 公府差官清查明白，此外委无所有。为此哀恳，伏乞恩准将革员家产尽绝实情移报入官，以抵前项结案，感戴上稟。计粘抄约一纸。等情。据此，查此案前关宁阳，查明熟地二顷五亩。兹复差人协同 贵府，又查出生地一顷四十五亩，共地三顷五十

亩，约估与一千之数，所差无几，拟合移会。为此合移

贵爵府，烦查文内事理，希即将赵璟呈出地亩，应否准其抵兑追缴银两，赐覆敝县。并将赵璟押赴 贵府，照文枷责发落施行。

计移送

原约一纸 地亩清单一纸

右 移

袭封衍圣公府

共官亩地三顷四十五亩二分 合大亩上地二顷一十五亩六厘七毫

该银十四两四钱三分九厘二毫

嘉庆五年十一月三十日移

咨请等事

移押

宁阳县移为赵瓌以宁阳田产抵还欠款过割公府名下承粮事

〔查究林庙百户赵瓌宁阳县田产抵还欠缴本府款项（一六一七）之七〕

宁阳县为移烦查办事。本月十九日准

袭封衍圣公府移开，案照本爵府家奴赵瓌奉

旨追缴银一千两，前准曲阜县移开，该奴呈缴出贵治下山地共三顷四十五亩，当经委员賚文移明冰案验收去后。兹据委员勘明查收与原报之数相符，估计值银五百两。第查该奴在曲阜县所开清单宅场坡地熟地二顷零五亩二分，又未入贵县册内。步地一顷四十亩，系现归缴本爵府之数。又称共地七顷零，压与穆承霖三顷，又压与葛成教、刘汗成等五十亩，许士功、李有镜等五十亩等语。是该奴所缴之地，不但有入册未入册之分，且分压数姓，其过割立粮，自应逐细详查。确核，以免弊混，庶

国课有着，本爵府亦得免飞洒之累。拟合委员賚带曲阜县原文，移烦贵县查照来文事理，即飭贵承按亩分别肥磽，及有无升科，查照贵县科则改换本爵府户名承粮，仍开列清单，备文赐覆，以便核明存案，实为公便。等因到县。准此，查敞县南白社二十四册，有赵瓌行粮名赵泉玉，

实在大亩上地二顷七十二亩九分五厘八毫，该银三十四两二钱五分二厘三毫。大亩下地十三亩，该银五钱四分三厘八毫。共该银三十四两七钱九分六厘一毫。今

贵爵府收到赵璟官亩地三顷四十五亩二分，合大亩地一顷一十五亩六厘七毫，该粮银十四两四钱三分九厘二毫，另立

圣公府户名办粮外，查赵泉玉尚该银二十两三钱五分六厘九毫。除将过割等情备文关会曲阜县外，拟合移会。为此合移

贵爵府，请烦查照施行，须至移者。

右 移

袭封衍圣公府

嘉庆五年十二月二十二日

移押

移宁阳县为追缴赵瓌地亩尚有山荒石窝退还赵瓌着其完纳国课事

〔查究林庙百户赵瓌宁阳县田产抵还欠缴本府款项（一六一七）之十一〕

袭封衍圣公府为禀明事。本年十二月初六日，据鍾家庄小口鄭存先具禀云云，等情到本爵府。据此，随即委员覆查属实。本爵府查赵瓌应追缴银一千两，前据呈缴此项地亩，估计只值银五百两。今既查明尚有山荒石窝积年累世不能招认耕种之地，本爵府追缴前项，既未足数，岂再能代为完粮。自应退还赵瓌，着其完纳。为此备移

贵县，希烦查照文内事理，将本爵府已经租出并宅场等地通计大亩八十四亩七分，合官亩二顷五十四亩一分，查明科则，该纳粮银若干，另行开单备文赐复，以便完纳外，其所有下剩山荒石窝之地，仍即退回赵瓌，将粮拨归赵瓌户内，着令完纳，以输

国课。望速施行，须至移者。

右 移

宁 阳 县

嘉庆六年十二月十九日

圣公府行

百户官申为平巨二屯加征祀银一事讯录口供

〔征催孔庙独山屯祀田草租鱼利（一）（四二二〇）之十六〕

林庙守卫百户张怀珂，为申明事。本月十五日，蒙

爵宪批发平、巨二屯屯官李恒、王鸣冈等，据实申详，免误祀银一案口职。职即将平、巨二屯屯官李恒、王鸣冈讯问。屯官供称，今秋征收祀银，每两戥头加至二钱有馀，每两大制钱一千二百，职从中劝说，每两减制大钱一千一百，仅收二日，仍复如前数加收。众甲首前来缴册告状，不当甲首。职等恐人多前来闹事，先来申明。现有甲首杨起丹等投案可问。拿元宝一锭，重四十九两五钱五分，押银七两八钱八分，职当时较量戥头，他说吾奉大人荐来做官，十两作八两，银色不足，还要加色。众甲首隐忍赔累，不敢抗违，任意加收。众甲首恐年年加收，何日是止，所以申明在案，所供是实。又问平阳屯屯官李全信，供称，职管平一二两牌祀银，甲首、花户离署穹远，生员李龙宾、甲首王维乾等公保，有前任宋厅尊转详批准，留任守制，代办平阳屯一二两牌祀银，年清年款，报交署内，厅尊转详解府。黄厅尊到任，着职挪移银之项六、七、八三个月，共交元银一百六十五两，现有回照可凭。黄厅尊只算收过

元银一百三十二两，有札谕可验。戡头加二有馀，职对面说过，加四分、加五分这是有的，并无有加二四五之说。黄厅尊不容分辩，职隐忍不语。职算来长支银十二两，有征册可算。黄厅尊口说少银八两，又无有确据，不得不申明在案核算，所供是实。据管勾黄日照供称，八月十三日稟辞未蒙赏见，退回征收祀银之事，如何征解，均言，查历年章程，在户加四，庄户加五，耗银一概缴上。死亡逃户不准开销。至于到屯。问屯官与章程旧例原同，十两加一两，是实。并无有加二两之理。九月中旬报竣，百姓毫无一字怨言。十月初旬，忽有屯官并甲首齐来赴府，混捏稟详，不知是何意也。所供是实。各等语。是否理合先将问过缘由，备文申详，伏乞

爵宪电鉴施行，须至申者。

右 申

袭封衍圣公府

袭封衍圣公府批 据详各供，该管勾、屯官具已稟明在案，何须该员审问。仰再确实质讯，并将甲首等另行严讯，录供报夺。再本爵府查访得李全信、李恒等，在屯征收祀银，每两收大钱至一千四百文之多，现有庞杰等赴菏泽县控告，是否属实，仰一并讯明详报。

嘉庆七年十一月十九日

为洋前事

管勾黄日照禀为收银并无过押戡头以致民怨事

〔征追孔庙平巨屯各厂庄祀田佃户抗欠田租（四）（四一〇五）之二十四〕

管勾黄日照为据实禀明恩

恩详察伸屈事。月之十二日，在济宁旅店，敬接

宪札，据各屯官详禀云云。卑职不胜骇异，卑职自八月十三日赴屯，禀辞未蒙 赏见，不知是如何征解，不敢冒昧混行。曾请教王肇兴，据说耗银一概缴上，所有死亡逃户拖欠，及来往经费等项，不准开销，均在二分内取赔补，此系历年章程，越此违例。十六日到屯，李恒、王鸣冈、田靖三员均在署。卑职又问历年章程，据覆与肇兴同。卑职始信不虚，又问柜上监收，据覆各监各屯。卑职又说，我是初任，诸事不懂，总宜以抚字为重，方不失临民体统。今秋酌减，孤老贫者，除正耗外，戡头概免。各甲首交好银者，戡头取一，低银戡头取一五，鼓其不以铅铜唐塞了事也。三员一面监收晓谕，而各甲首无不欣颂踊跃投纳。自八月十七日开征，至九月中告竣，并未闻半句怨言。即三屯官朝夕相处，亦未言及民有怨语一字。今忽具呈缴册，不愿承充甲首控 府，不出怨民奔轶泣诉，而出于属员转详，是指粗于臂矣。突起风波，

令卑职无从稽省过处。再李全信六月十三日交元银二十五两，七月十一交元银四十两，十七日交元银一百两，三共银一百六十五两，系卑职借办八月祭用。伊说乞邻认息而来，卑职应照三分利息偿完。十月初三日，交纹银五十两，要抬申色，卑职着书办随伊往集钱店公估，伊即不愿，将银揭回。过数日，仍揭纹银来。卑职仍照市价申四色，作元银五十二两一钱。又外收元银八十五两一钱四分，前后总共收过元银三百零二两。伊秋季应交银三百十两，除收尚短银八两，账尚未结，执照尚未付，何知有加二之说。据说卑职尚借三十两不完，亦只算得加一，亦无加二，况伊银尚未找乎。卑职细思，总由卑职不肯猫鼠同眠，随声附和，办事认真，恐露彼等短处。故连名捏详，希耸

宪听，日后令卑职不敢正视彼等，诸事唯命是从耳。卑职虽一介寒儒，稍知礼义。不敢以身试法，不敢有负

宪恩，失两亲之保荐，坏一生之品行。如果浮收，兹被属员参揭，即当缴印，尚有何颜为长官。实系虚诬，明欺武断。顺则安，逆则危，刁风日炽，宪纲全无。将来屯官威权并著，而长官可以不设矣。沥陈始末原由，据实上禀。伏候

宪台详察，并请处分。

嘉庆七年十月

日

袭封衍圣公府批

据禀各等情，如果属实，该屯官何得混行详禀。仰候将该屯官李全信、李恒、王鸣冈，并甲首等饬提来府，讯明参究，此缴。

百户张怀珂申为屯官李恒等禀控管勾黄日照收银重押戡头及公府批

〔征追孔庙平巨屯各厂庄祀田佃户抗欠田租（四）（四一〇五）之二十三〕

林庙守卫百户张怀珂为申明事。前蒙

爵宪批发平、巨二屯屯官李恒、王鸣冈等一案，卑职遵即讯供，业经曾将问口由申明在案。复蒙飭委另将甲首一并严讯，卑职遵即讯问管勾书办，该屯官李恒、王鸣冈并甲首等各供。李全信供，职管平阳一、二牌，代征祀银，甲首毫无怨言。黄厅尊到任，于六七月间，着职预交祀银。职三次交银一百六十五两。问，六七月间，不到征收之时，为甚么预先借给他银子，显有别故。问，此银曾归还否。伊说，黄厅尊将此项算纳祀银一百三十二两，还利息银二两五钱，合加二有馀。问，你的银两清楚否。职未清算。问，既未清算，又不清耗。突以加二有馀申禀，糊粘甲首呈词，你这不是挟制长官么，你说厅尊征收加二，你在庄收花户钱多少。职不敢多收。既不多收，庞杰为何告你收花户家一千四百之多呢。伊说，职此案结过的，伊系诬告。既是诬告，为何八月遍贴谤帖，鼓众不纳祀银，又与你斗殴控荷泽县，现有荷泽县移文，查五月在府控案呢。似你这当安慰众心，将未完银子督飭催办才是，你还混禀。伊不

言语了。所供是实。李恒供，黄厅尊今秋征收祀银，每两收钱一千二百，职从中劝说，减收一千一百，仅收二日，仍复如前。问，伊时仍该劝说，尔知君有过则当谏，谏不行则当去，即不去亦当申禀。爵宪，伊时为何不来。伊说，银子太紧，赶办公务，不得前来。问，伊时花户被屈，倘有前来禀诉的，你亦不得前来么。似你这明系纵恶殃民，甲首为何缴册。伊说，甲首缴册不当，是恐过岁仍复如此，必要误了大典。问，过岁你受厅尊加几之征来，怎么早先申禀，刻下之事，尚不安慰众心。为过岁之计，混将原呈具详，是何道理，候详罢。伊不言语了。所供是实。王鸣冈供，黄厅尊下屯每两戥头加至二钱五分，收钱一千二百。职等从中极力劝说，减至每两收钱一千一百。仅收二日，仍复如前。他说是大人荐来做官，定要十两作八两。问，为何不陈历来的章程与他。伊说，说过，不听。既不听，就该一面安慰众心，督令催办，一面具文申详，请谕箴规，为何伊时不禀。伊言，职还教着个小学，不得前来。既读书，宜知仕而优则学。焉得以私费公。更宜知上下一体，为何纵着他征收，致屯民被累，你居心何安。伊言，今岁甲首隐忍不言，是恐过岁仍复如此，必误大典。问，刻下之事，情愿隐忍。未来之时，通同混详。成何事体，候详罢了。伊不言语了。所供是实。王允西供，八月二十二日，带元银九两拿进去，只称了七两一钱八分。押去银一两八钱二分，戥头实是甚重。问，既押你的银子，为何不即禀屯主。他说他是大人荐来的，小的不敢问。伊时不敢，为何这会一齐混禀，你这不是通同么。再问，押你银子可是实么，怎么你厅尊流水底册只有八月二十二日。王允西、王宗卜、王允和、萧文学四人，共完银十三两九钱八分，收现银十三两九钱三分，补钱六十文，并无此数。这不是妄捏了么。伊言不敢。恐过岁再如此。

未到过岁，何得预期过岁之事，下去罢。所供是实。杨起丹供，伴官当巨野头牌甲首，带元宝一个，重四十九两五钱五分。当时只称了四十一两六钱七分，押去银七两八钱八分。既押你银过多，你是深懂府体的，为何不速禀屯主，申明请示。到这业已报销之后，通同交册，成何事体。伊言，总是恐怕过岁又要加征，实难办理，所以交册。过年讲过年之事，该先不先，该后不后，候详罢了。所供是实。刘仲供，小的纳银六两六钱七分，用银八两五钱，押银一两八钱三分。小的思戡头太重，欲禀诉屯主，屯主禀了。蒙差提所以跟了来。问，你纳银子，你厅尊流水册上并无你的名字，你何得说是押你银子，真是老年糊涂，下去罢。所供是实。萧文学供，小的与刘仲纳的般多的银子，与刘仲押的般多。问，既被厅尊押的太多，为何不禀明屯主转详。伊说，庄农不暇。问，既不暇，为何充膺甲首。此时有暇，跟的他们来了，似你这不明是通同了，下去罢。所供是实。书办杨起棠供。问，你老爷下屯征收，你可知有加几。伊说，凡甲首带银几定几件拿在内称兑，开出条子来，才知几两几钱。按名合算勾票，不知有加几。问，历来章程每两加几。伊言，凡事老爷与屯主商议，书办不敢妄言。问，今年收银，甲首花户有怨言无有，戡头轻重可有议论无有，你要实说，不实说，定要责你的。伊说，比向来差重是真。既比向来差重，你老爷不得无不是，书办为何不举例谏证，坐视成败，亦难免不是。下去罢。所供是实。据卑职看来，各供言辞颠倒，意多隐讳，指东扯西，不无通同。应如何究处，卑职未敢擅便。理合备详申覆，伏乞

爵宪核夺施行。须至申者。

计申送

原案一宗

右 □

袭封衍□□□

嘉庆七年十一月三十日

为申明事

袭封衍圣公府批

据详各供，管勾收银重押戡头，虽无实据，而众口一词，不为无因。第该员既已呈告终养，亦不必深究。惟李全信征收平阳一二牌祀银，屡次被屯户呈控浮收威勒等情，殊属不成事体。反敢揭报长官，尤为可恶。仰即飭令告休。至李恒、王鸣冈于开征时，并不具禀，事后通同混禀，明系核制长官。本应一并参处，姑念因公起见，尚有可原。着传谕伊等小心供职。倘有在屯包揽舞弊情事，一经查出，定行参究。甲首王允西等，所供无据，于报销后，擅将征册呈缴，大属不合。书办杨记棠经手征银，并不禀明，恪遵定例，着一并严飭。此缴。

百户张环珂申为讯据屯官李恒等供关于管勾收银过重事

〔征追孔庙平巨屯各厂庄祀田佃户抗欠田租（四）（四一〇五）之二十五〕

林庙守卫百户张怀珂为申明事。本月初六日，蒙

爵宪批发平巨二屯李恒、王鸣冈等一案，卑职业已讯供缘由，申明在案。覆蒙飭委另将甲首一并严讯，据详各供，管勾收银重押戮头，虽无实据，而众口一词，不为无因。第该员既已呈告终养，亦不必深究。惟李全信征收平阳一、二牌祀银，屡次被屯户呈控浮收威勒等情，殊属不成事体，反敢揭报长官，尤为可恶，仰即飭令告休。至李恒、王鸣冈于开征时，并不具禀，事后通同混禀，明系挟制长官。本应一并参处，姑念因公起见，尚有可原。着传谕伊等小心供职，倘有在屯包揽舞弊事情，一经查出，定行参究。甲首王允西等所供无据，于报销后擅将征册呈缴，大属不合。书办杨起棠经手征银，并不禀明，恪遵守例，着一并严飭等情。卑职遵即将该屯官传谕。问据李全信，职管平阳一、二牌，虽无浮收实据，确有人在府控案，风声难免。情愿恩准职终养，感戴无既。问据李恒、王鸣冈等口称，黄厅尊在屯，戮头太重，该员俱各不忿，故有此举。职不合通同混禀，挟制长官，只求恩典开释。甲首王允西口称，

小的庄农人家，不懂事体。乡愚无知，赴厅完银，押的戥头太重，自己隐忍罢了，不合同夥跟来，只求 恩典开释罢。问书办杨起棠口称，当时收银知有怨言，亦曾谏禀定例，不听，当彼合该覆谏，书办一时识见不明，嗣后再不敢唯诺从事。只求开释 恩典罢。各等语。卑职理合将屯官等、甲首等、书办等情，备文申明。为此具申。伏乞 爵宪电核施行。须至申者。

右 申

袭封衍圣公府

嘉庆七年十二月初七日

为申前事

袭封衍圣公府批

据详已悉。仰即谕令回屯办事。缴。

佃户马守西稟为屯官重征孕生草租反捏控抗欠事

〔征催孔庙独山屯祀田草租鱼利（一）（四一二〇）之十七〕

具稟人马守西等，叩

稟

太爷台前。敬稟者，

为稟 李屯主诈财不遂，诬告抗违不遵事。切有马守西名下老租地二十亩，每年完京钱五百四十文，交家手赵法维收。当时孕生草二十四亩，外又完京钱六百八十文，交张居士、田成收。头次豫先张居士、田成要去京钱二千二百文。马延九名下老租地十亩，每年完京钱三百文，交家手赵法维收。当时孕生草十八亩，外又完京钱五百四十文，交张居士、田成收。头次豫先要去京钱一千四百文，张居士、田成收。马朝会名下老租地二十亩，每年完京钱六百文，交家手赵法维收。当时孕生草十亩，外又完京钱三百文，张居士、田成收。头次豫先要去钱一千五百文，张居士、田成收。未催租银以前，张居士、田成三名先要去京钱五千正。后有家手赵法维去催租银钱，三名共交京钱一千四百四十文。次后又有张居士、田成又要孕

生草地钱一千五百文。三次三名共完纳七千九百六十文。次后张居士、田成又催户家，复又重纳，言之无理。身言说老租银孕生以且全完，无可再纳。张居士、田成回禀李屯主，言说不纳。李屯主老羞成怒，稟称抗违。身为此叩恳

太爷恩准核夺施行。

嘉庆八年二月

平阳屯屯民彭西明稟为屯官诈财虐民事

〔查究侵隐孔庙平巨屯祀田地亩（六）（四〇三一）之十一〕

具诉平阳屯屯民彭西明，

诉为殃民事。切有革生李全信身膺屯官，〔缺〕心伤屯民改换文约，设官人丈量屯田，皆系剥削民财之新例。身屯田有三十五小亩，视为脂膏，因诈身财，情愿如其意。詎料将身反送〔缺〕泽县案下。蒙本县主秦镜高悬，断伊徵收祀银多索钱文之非。伊气不出，复将身洋送府署。伏思官剥民财，有干法纪。况有〔缺〕有何欺瞒。似此殃民，理合诉明。叩乞

仁明公谷恩准电察施行。上稟。

被禀李全信 李 好 李思存

干证刘凤仪并荷泽县断案

嘉庆八年四月初口日

袭封衍圣公府批 候讯。

移菏泽县为屯民控告屯官一案希将屯民李治业等移解事

〔查究侵隱孔庙平巨屯祀田地亩（六）（四〇三一）之十〕

袭封衍圣公府为移提事。本月初四日据平阳屯屯官李全信详称云云，等情到本爵府。据此，查

至圣庙祀田缺额甚多，皆由屯民欺隐之故。屡次查办，未经清理。是以设立印契，令屯民更换，以便稽查。今李治业、杨文志、高文玉等不遵更换。又控告屯官讹索多钱，是非难定。虽经明断，尚未深究。若屯官李全信实有讹索情事，殊干法纪，自应斥革。倘系李治业等抗违狡控，实属刁诈。本爵府

祀田分设五屯，岂能任各屯官藉此印契有累屯民。亦岂容各屯民违抗不遵，效尤讦控，均因（应）彻底根究，方可水落石出，严行究办。兹彭西明现已来曲投案，惟李治业、杨文志、高文玉尚未到案，现在立等质讯，拟合移提。为此合移

贵县，烦为查照文内事理，即将李治业、杨文志、高文玉等差传到案，发交去差押解过本爵府，以便质讯，实为公便。望速施行。须至移者。

计关提

李治业、高文玉、杨文志。

右 移

菏泽县

嘉庆八年四月初九日

圣公府行

屯官许鉴春稟为李全善等把持管勾衙门任意胡为事

〔征追孔庙平巨屯各厂庄祀田佃户抗欠田租（四）（四一〇五）之二十六〕

平阳屯屯官许鉴春叩稟

爵宪钧座。敬稟者，切有屯官李恒与子原任屯官李全善，父子把持管勾衙门，凡一切公事兴灭，不由长官。职忝系同寅，亦不敢稍负伊父子之意。平巨四屯，任其耦乱，业已二十余年。祸缘李恒与已故屯官许贞轩致讼，挟职借贷不遂之嫌，今年六月，伊补许贞轩原缺，着伊盟侄侯朝元顶补职缺。侯朝元与职有瓜葛之戚，恐挟其去年三月方丁父忧，今年六月即忍补官，未必交代，遂补另屯。李全善同侯朝元亲赴职处，言现已作官，当铺钱局所欠账目，概行抗还，浼职办详。先详

爵宪，后移县主。当以其制中补官，希图抗债，忍心害理，藐面逐出。因此结嫌，每欲置职于死地。本月十四日晚，职往管勾署内去，侯朝元自管勾署内归。见职独一，随商同李恒，叫李全善乘夜在要路截杀。更余公事毕，职自署还，至陈家庄后，四顾无人之区，李全善突起，声言欠伊纹银二十余两，业已十有五年，未偿分厘。不容分辩，即欲抽刀用武。幸职长行刘四

海来署接职，恰恰撞遇，央劝而散。伊犹骂不绝口。真乃有玷官箴。伏思职如果欠伊纹银二十余两之多，何肯十五年并不提及。且无借约中保，明系挟嫌栽赖，借词截杀。再查李恒系巨邑姚姓抄家

钦案内紧要人证，逃脱补官，有干缘事之条。合并禀明。为此备由具禀。伏乞
照禀施行。须至禀者。

右 申

袭封衍圣公府

嘉庆十七年十二月十六日具禀

前事

移郛城县为甲首等任意侵吞挪移祀银望差拘房族殷实户赔补事

〔征追孔庙平巨屯各厂庄祀田佃户抗欠田租（五）（四一〇六）之十〕

二月初一日，据屯田管勾王肇兴详称云云，等情到本爵府。据此，查屯田祀银，有关祀典，向系年清年款，从无贻误。现据该管勾详称，自十七年以来，各甲首任意侵吞挪移。藉称岁歉，不能催徵。而刘言、刘延朴、张鸣岐、宋兆文、宋光秩五甲首为尤甚，现共抗欠银一百九十余两。当经该管勾飭差严催，始则饰词抗延，继则藏匿不案。似此胆顽不法，祀典攸关，岂容若辈侵吞肥己。若不严行究办，切恐各屯效尤，祀银尽归乌有，害非浅鲜。兹据前情，合亟移烦拘追。为此备移

贵县，烦为查照文内事理，希即选差干役，立拘甲首刘言、刘延朴、张鸣岐、宋兆文、宋光秩等到案，按照后开银数，照数严追。倘有藏匿抗延情事，并望差拘刘言等房族殷实之户，勒令即日赔补，封固交差查回，以供祀典。感荷

维持，当无既极。祈速施行，幸勿缓延。望切望切。须至移者。

计开

南四牌萧皮口

甲首张鸣岐欠十八年祀银十四两三钱六分

南五牌宋家垓

甲首宋兆文欠本年祀银二十二两四钱九分

十八年祀银三十二两七钱八分

甲首宋光秩欠十七年祀银十一两六钱八分

北三牌张家垓西头

刘言欠本年祀银三十四两二钱六分

十七年祀银二十七两伍钱八分

十八年祀银三十五两三钱八分

北四牌张和榆庄

刘延朴欠本年祀银四两九钱

十七年祀银六两四钱七分

十八年祀银八两零四分

以上共欠祀银一百九十七两九钱四分

右 移

鄂城县

嘉庆十九年十二月初二日

巨厂小甲于存礼等稟因恶棍白昼用药迷人抢夺祭银事

〔征追孔庙平巨屯各厂庄祀田佃户抗欠田租（六）（四一〇七）之二十九〕

具稟巨厂小甲于存礼、吕深遂、夏廷伟住巨野县。

稟为白昼用药迷人抢夺祭银事。恩移缉事。切小的等充膺巨野厂小甲，催办祭银，按限完纳，从无失误。情缘小的三人，各办祭银十两零三钱，共银三十两零九钱。计三包，共合一总封。

于四月二十三日，差于衍星带银来曲，赴府交纳。至二十五日天夕时候，在曲阜颜家楼村西路上，遇见一人，伊言系贩猪人。同行二里多地，后有一人急忙赶上，声言汝等拾吾银子。

于衍星说，并无拾银子之事。伊言，必须翻过包袱始信。同行入即先解包袱，任其翻过。又向于衍星行翻，衍星言有

公府祭银在内，不许行翻。同行即打火吃烟，将于衍星喷了一口，于衍星即时着迷。伊即解包袱将银一封并大钱三百文一同拿去，遗下土布袋一个。于衍星倒卧在地，明明看见拿去，但口不能言，身不能动，无可如何。伊去已远，于衍星迷糊多时，渐渐醒来，始能行走。急进城赴县堂喊稟。次日即将于衍星押于捕班，后县堂问过二次，并无别情，遂将于衍星放回。至

今尚未出票行緝。小的等皆系貧窮之人，无力賠補，不得不據實稟明。叩懇
仁明公斧恩准移追施行。

道光九年五月初三日

移曲阜县为匪徒用药迷人抢夺祭银务获究办事

〔征追孔庙平巨屯各厂庄祀田佃户抗欠田租（六）（四一〇七）之三十〕

袭封衍圣公府为移追事。本年五月初三日，据巨野厂小甲于存礼等禀称云云，等情到本爵府。查该小甲等差于衍星贲送祭银一总封，计银三十两零九钱，赴本爵府交纳。行至颜家楼村西，乃有人称系贩猪人，同行二里余。后又有一人赶上，声言拾伊银两，欲来翻看包裹。迨不令伊翻看，而先前同行之人，即打火吃烟，将于衍星口喷着迷，抢去银两钱文。种种情节，显系前后二人一气勾串，在途迷人抢夺。当此

功令森严之时，竟有此等匪徒，于近城地方，白昼用药迷人，肆行抢夺。行旅何堪，殊堪骇异。合亟移会缉追。为此备移

贵县，烦为查照文内事理，希即飭差缉捕。将先前同行之人，并后来赶上之人，一并严行蹂缉，务获究办。将抢去祀银三十两零九钱如数追出，移送前来，以供祀事。庶足以儆匪徒而安民旅。望速施行，幸勿迟滞。须至移者。

右 移

曲阜县

道光九年五月初五日

圣公府行

巨野厂小甲于存礼等稟为捕贼缉办不力恳再移勒缉事

〔征追孔庙平巨屯各厂庄祀田佃户抗欠田租（六）（四一〇七）之三十一〕

具稟巨野厂小甲于存礼、吕深遂、夏廷伟，

为劣捕护贼缉办不力恳 恩再移勒缉事。切小的等于五月初四日，以白昼用药迷人，抢夺祭银等情，稟明 公爷案下，业蒙移会曲阜县主缉捕在案。今月余赃贼无获。伏思于衍屋被抢之后，四月二十七日，有蒙阴县投文差役，亦被迷药被抢。曲阜县交伊大钱一千五百文，差役回籍去讫。小的所催祭银，系办祭重典。该捕直以小的为离乡之人，怠玩不力，视为故事。春季祭银尚未完限。小的等家俱贫穷，势难赔补。无奈再恳 鸿恩移会勒缉，庶赃贼两获，祭银得归，小的无赔垫之苦。焚顶上叩。伏乞

仁明公爷恩准再移勒缉施行。上稟。

道光九年六月十三日

总甲贾志礼稟为祀银被盗捕快明知不拿事

〔征追孔庙东平厂祀田佃户抗欠田租（一）（四一三一）之二十二〕

具稟东平厂总甲贾志礼，

稟为被窃祀银恩 恩移会比缉事。切总甲催办祀银，催来京钱一千五百文，用口袋一条包裹，于本年七月初七日夜间被贼窃去。总甲又催来京钱十五千，用口袋二条包裹，并总甲于八月二十六日夜间被窃衣物。开单报明 东平州主案下。当蒙稟差缉捕刘建德踩缉。无如刘建德明知系东平所管寿张集愤贼逃军王三秋窃去，刘建德故意不拿。总甲复将缉捕不拿缘由稟明 州主。迄今数月。又蒙

公爷催总甲上祀银，总甲实系无力赔补。无奈理合稟明。叩乞

仁明公爷恩准移会 泰安府宪，比缉施行。上稟。

道光九年十月二十三日

札独山屯屯官赵相臣查收鱼利毋令小甲箔头欺隐自肥事

〔征催孔庙独山屯祀田草租鱼利（三）（四一二二）之二十二〕

札独山屯屯官赵相臣知悉，照得石家口祀田霖草，前已飭委该员会同国家瑞前往查勘，收报鱼利在案。兹据该员稟称，该小甲王亭不服传唤，实属抗延。除飭差传讯外，合行札知。为此札仰该员，札到迅即前赴石家口，将查明二十一一段霖草内有王亭口称恩赏七段，有何明示，据实稟覆。其余霖草，逐段查明，收报鱼斤，毋令该小甲、箔头朦蔽，欺隐自肥。如有不遵者，立即指名具稟前来，以凭究治。该员等务须实心办理，不得稍有徇私，致负委任之意，致干查究。毋违速速。此札。为飭传事，据独山屯屯官赵相臣稟，石家口小甲王亭，查勘霖草，不服传唤，等情到本爵府。据此，除札飭该屯屯官赵相臣会同国家瑞逐段查收外，合行飭传。为此，仰役前赴石家口，押令小甲王亭将查明霖草逐段指明，委员收报鱼斤，毋令该箔头欺隐自肥。倘再抗延，立即带案以凭究治。去口毋得迟延，致干未便。速速须票。

道光十年十一月十二日

圣公府行

独山屯官赵相臣申稟石家口小甲抗查鱼利事

〔征催孔庙独山屯祀田草租鱼利（三）（四一二二）之二十一〕

署独山屯屯官赵相臣，为抗违不遵据实申明事。切卑职于十一月十四日遵札即赴石家口，传唤小甲王亭与箔头王福振等，查勘收报鱼利，并将王亭所称 恩草七段查验执照。不意王亭竟敢与箔头同谋，劲抗不遵。其所称恩草，亦并无执照，且令伊子王振前率领多人入馆混嚷。视此蒙弊欺隐自肥，违令抗法，若不究治，恐后此恶端更将靡所底止。据实陈明。须至申者。

右 申

袭封衍圣公府

小甲王 亭 王振前

箔头王福振 王喜如 王安如 王英如 王福秦

独山屯屯官赵相臣

道光十年十一月二十一日申〔押〕

札独山屯官赵相臣等往石家口查侵欺隐匿霖亩事

〔征催孔庙独山屯祀田草租鱼利（三）（四一二二）之二十〕

札独山屯屯官赵相臣知悉，照得石家口水田，今值起霖之时，恐有霖户、居民人等侵欺地亩，及滋扰情事，合行委员飭查。为此，札仰该屯官赵相臣，会同赉奏国家瑞，星即前往石家口，着落总甲、箔头，即将各户承认水田地亩，并所栽霖草段落若干，逐一清查，据实造册禀覆。如有侵欺隐匿者，查出立即具禀前来，以凭究办。该员等尚其悉心查验，毋得徇延干咎。速速此札。

道光十年十月初五日〔押〕

圣公府行

伴役张允功等稟告石家口小甲抗不许查鱼斤事

〔征催孔庙独山屯祀田草租鱼利（三）（四一二二）之十八〕

具稟东房伴役张允功、张玉太叩稟

公爷台前。敬稟者，切伴役蒙票前赴独山屯石家口，押令小甲王亭查明糶草，逐段查明，委员收报鱼斤。伴役遵即随同委员赵相臣前往石家口，不料小甲王亭与箔头王福振等同谋，抗不许查鱼斤，硬不算账。且王亭之子率领数人赴官宅滋闹不堪。伴役不与深较，如与深较，恐遭不测，理合稟明。叩乞

公爷恩夺施行。上稟。

道光十年十一月 日

独山屯南排屯官赵相臣稟告小甲王亭隐吞霖田事

〔征催孔庙独山屯祀田草租鱼利（三）（四一二二）之十九〕

署理独山屯南牌屯官赵相臣，为

申稟事。切有石家口祀田，历年有小甲王亭招觅人等栽养霖草，历年宪委国家瑞查霖，收报鱼利。适今岁蒙 宪委卑职会同国家瑞查勘霖草段数，收报鱼利。适国家瑞尚有公事，不能赴湖。卑职不敢迟延，遵札即赴石家口，传唤小甲王亭赴湖查勘，不敢稍有私徇。卑职已查明二十一段俱系祀田，尚有二十余段，王亭硬不叫勘查。据伊口称，尽系县地。卑职暗行访查，俱在祀田之内，显系王亭有隐吞自肥之意。且卑职查明二十一段霖草，王亭又口称蒙恩赏伊七段，报 宪止有十四段。卑职细查，伊霖俱系大段，报 宪者尽系小段。卑职尚未查清，国家瑞忽赴石家口。王亭一见旧委，再不与卑职见面。屡次传唤，王亭胆敢玩法，硬不服传唤。情因历年以来，国家瑞不知湖事鱼利，王亭蒙蔽自肥。所报鱼利，不过十分之一。今蒙 宪委卑职查勘，王亭不得作蔽自肥，故不服传唤。卑职为此申稟 宪台，恳恩电察。非奉 宪票差拘，伊必不服传唤，卑职亦不能再往查勘。为此申稟。须至申者。

右申

仁明公爷电察施行。

道光十年十一月初八日申〔押〕

滋阳县牒为租户情愿照旧纳租可否仍照旧章办理事

〔征追本府滋阳县境庄田佃户抗欠田租（一五六五）之四〕

兖州府滋阳县为据情牒覆事。据敝县东关居民史继舜等三十名公呈，为作弊肥己，藉势害民，叩天查卷主断事。情缘东门外花园庄有荒芜坡地数十大亩，有开垦种地者，有修井为园者，平埠之处，亦有建立房屋居住者。俱按每亩每年京钱四千，在曲阜县辅益堂纳租，系伊小甲征收。凡有买卖此地，书立退约存据，由来数代，现有百余年之约可验。已革小甲郑中华，现在小甲查万松，活口均证。突于本年二麦成熟之际，辅益堂小甲曲阜县之张廷干、伊子张士荣，串通伊至亲本城之高广勤、高广岳等，指称辅益堂名目，按地分麦一半。身等俱畏辅益堂圣裔之威，何敢抗违。迨后集至辅益堂查问，内外不通，伊等嗔身等查问之嫌，复称所种地亩，居住宅基概行变卖，不给分文等语。身等窃思，十一年间，本城白道街世子府大观门在辅益堂交租之居民，被小甲郑中华等作弊，幸蒙升任孔天批准，据呈移咨。公府，嗣后各民人安居无事，有卷可查。身等与伊，事同一体。此次再被高广勤等分麦肥己，藉势作弊，情何以堪。且民为邦本，食乃民天。如坠伊等术中，身等俱作饿毙之冤鬼，为此哀哀上叩。

等情到县。据此，查该处地亩，年远无稽，向系各居民租种，相安已久。自宜仍令耕种纳租，免滋事端。拟合抄录原呈牒覆。为此合牒贵爵府，请烦查照文内事理，该租户等既情愿照旧纳租，可否仍照向章办理之处，迅赐飭知下县，以便飭令遵循。望速施行。须至牒者。

右 牒

袭封衍圣公府

道光十八年六月二十五日

前事

牒

总甲李广辉稟为小甲华秀仑吞使祀银事

〔征追孔庙滋阳厂祀田佃户抗欠田租（一）（四一三六）之二十七〕

具稟滋阳厂总甲李广辉，叩稟

公爷台下。敬稟者，切甲蒙恩都（督）摧滋阳七厂祀银。现在六厂俱各将本年祀银按数清楚，惟
萝葡厂小甲华秀仑尚欠陈银五十三两，又拖欠本年祀银十六两五钱七分。甲屡摧不缴。及甲
细查佃户人等皆无亏欠，所欠之银尽被小甲华秀仑吞使。甲俱已查明，不得不叩乞
仁明公爷究追施行。

道光十九年十二月

日稟

示仰滋阳厂佃地人为此后祀银务交总甲事

〔征追孔庙滋阳厂祀田佃户抗欠田租（一）（四一三六）之三十〕

为晓諭征收祀银事。据滋阳厂总甲李广辉稟称云云，等情到本爵府。据此，查各柜厂庄应征祀银，例系年清年款，不容分毫拖欠。乃萝葡厂小甲华秀仑，于道光十八、九年竟敢拖欠祀银六十余两之多，实属胆玩已极。除移会滋阳县提案讯追外，合行出示晓諭。为此，示仰该厂佃地人等知悉，自示之后，务将各名下应完祀银交总甲李广辉完纳，不许再交华秀仑手。尔等倘敢故违，定将该佃指名提案追比。各宜凛遵毋违，特示。

滋阳县牒为小甲华秀仑拖欠祀银伊弟变产交纳事

〔征追孔庙滋阳厂祀田佃户抗欠田租（一）（四一三六）之二十九〕

滋阳县为牒覆事。准

贵爵府移追萝葡厂小甲华秀仑拖欠祀银，等因到敝县。准此，当经差传去后。兹据差役赵维乾稟称，蒙差传唤，小的遵票往传，华秀仑并未在家，迄今未回。现伊弟变卖产业，已交与总甲李广辉京钱一百五十千。理合稟明等情。据此，拟合具文牒覆。为此，合牒贵爵府，请烦查照施行。

右 牒

袭封衍圣公府

道光二十年十二月二十二日

四氏学教授尹肇秀申为查明独山祭田并无水灾事

〔孔庙独山屯屯官佃户等稟报灾荒缓免祀田征租（四一二五）之二十八〕

孔颜曾孟四氏学教授尹肇秀，为申明销差，兼报起程日期事。切卑职六年俸满，例赴各宪验看。正拟赴府间，旋蒙

爵宪札委前赴独山查勘祭田，卑职遵即前往。今勘得独山祭田并无被水情形，兹于道光二十九年正月二十六日旋署。即于是日起程赴府验看，拟合将查勘缘由并销差起程日期，一并申报。为此备由具申，伏乞

爵宪大人鉴察施行。须至申者。

右 申

袭封衍圣公府

教授尹肇秀

道光二十九年正月二十六日

管勾详为甲首李安伦硬顽恣横欺官抗粮请关提究办事

〔道光年间处理孔庙各屯庄佃户讼案（七）（三九六五）之三十六〕

署屯田管勾为硬顽恣横，欺官抗粮，详请关提，重祀典以昭

功令事。十月十六日据卞家屯里差华元中、霍汝道禀称，切有卞家屯甲首李安伦秋季应完祀银，三限之后，迁延支吾。及今掣柜之期，未完分毫。小的等执单督催，伊竟口称吾的钱粮今年不完，即有签票，亦不知道，汝等不过倚仗公府，吾见公府东房差人被人打伤，尚且了然无事，今年钱粮吾不完了，该当如何。小的等无奈，只得据实禀明，各等情到职。据此，伏思屯田祀银，为

至圣亿万年之血食，春秋两季征收，以供祭典，甲首催办，照限完纳，实分所应尔。詎李安伦应完秋季祀银，始则迁延支吾，后竟抗不完纳。况出言背谬，实属目无法纪，理合具详。仰恳爵宪移会

曹州府转飭巨野县，务将李安伦严拘到案，解发来府，以凭究追。庶奸顽知警，祀银有归，实为公便。为此备由具详，伏乞

鑒察施行。須至詳者。

計詳开

李安伦住巨野县城西大康保下家屯

右 详

裘封衍圣公府

管勾宋源

道光二十二年十一月十三日申

详请关提抗粮申首事

曹州府咨为甲首李安伦硬抗祀银已飭巨野差提到案追比事

〔道光年间处理孔庙各屯庄佃户讼案（七）（三九六五）之四十〕

特授曹州府正堂加三级军功加一级纪录十次潘 为欺官抗粮等事。案准

贵爵府移开，本年正月二十八日据屯田管勾官宋浪详前事详称，切有下家屯甲首李安伦硬抗祀银一案，经职据禀备文详请爵宪，当蒙移关巨邑，未准解发。伏思屯田祀银，

至圣之血食攸关，地丁钱粮，分毫为重。兹届春征，若不关提到案，严究示惩，恐群相效尤，将来祀银碍难徵收。理合仰恳爵宪鉴察，俯赐公文，移会曹州府转飭巨野县，务将李安伦严拘到案，解发过卑职，以凭追究，以警奸顽，实为公便。为此备由具详，伏乞照验施行。等情到本爵府。据此，查此案于道光二十二年十一月间，曾经据情备文移会巨野县提追在案。迄今并未解到，亦未据该甲首李安伦来曲完纳。兹据前情，拟合移会飭提。为此合移贵府，烦为查照文内事理，希即檄飭巨野县，迅将甲首李安伦差传到案，解送本爵府，以凭追比。事关祀典，望速施行。等因准此。除飭巨野县差传李安伦到案，解送追比外，拟合移会。为此合咨

貴爵府，請煩查照施行。須至移者。

右 咨 呈

襲封衍聖公府孔

道光二十三年二月初十日咨

札四氏学教授陈广治前往查明独山湖祭田有无水灾事

〔孔庙独山屯屯官佃户等稟报灾荒缓免祀田征租（四一二五）之三十一〕

札四氏学教授陈广治知悉，兹据独山屯官申称，现在独山湖祭田半被水淹，祀银难以征收，理合稟明，恳请委员查勘等情前来。查该教授办事认真，堪胜此任，合行飭查。为此札仰该员，札到遵即前往独山湖。即将祭田境界现在有无被水情形，详细查勘，据实稟覆，以凭核办，毋负委任。所有四氏学印信，暂交学录代理可也。毋违此札。

咸丰元年五月十三日

圣公府行

票役拘传独山甲首赵明允追究祀银事

〔征追孔庙独山屯祀田佃户抗欠田租（二一）（四一一九）之二十〕

袭封衍圣公府孔 为传案严究事。据独山屯屯官王允斋禀，甲首赵明允等吞并祀银，等情到本爵府。据此，合行追究。为此仰役前去，即将甲首赵明允等立传到案，以凭严究。去役毋得徇隐干咎。速速。须票。

计传

被禀赵明允 赵明喜 赵明宇 赵明臣 赵文贵 赵廷均 鱼行头赵殿英
差张允效

咸丰元年三月初九日

圣 府（行）

郾城屯官禀为祀银被劫请移县追缉事

〔征追孔庙郾城屯祀田佃户抗欠田租（五）（四一一六）之二〕

郾城屯屯官王溪清为抢劫祀银详移县比缉事。窃照官厂破损，库楼改为征收局，数年来所收祀银，俱交该屯官收存备解。兹九月间

爵宪飭委来屯，协职征收祀银。开征后，初次寄存职铺宝银四十九两七钱，再次寄存纹银一百零七两六钱六分，彼此俱有账簿可查。不料被贼窥知底实，突于本月初四日夜，被群匪撞门入室，殴吓铺夥，明火搜抢。除抢去祀银一百五十七两余外，并抢去职铺换买纹银一百二十余两，本票京钱二百七十八千，现钱四百六十余千，衣服八件，俱系车拉马驮而走。当即禀明本县，已蒙爵宪移会本县，勒限比缉，庶祀银有着，不致有误。祀典，实为公便。须至详者。

右 详

太子太保袭封衍圣公府

咸丰四年十月十日

管勾申为巨野甲首吞霸祀银事

〔征追孔庙平巨屯各厂庄祀田佃户抗欠田租（八）（四一〇九）之十〕

屯田管勾为甲首抗玩吞霸祀银，据实详请，仰恳关究事。切自近年以来，各甲首疲玩成风，互相效尤。视祀银为己有，吞霸肥己。叠次差催，抗不到限。为此备由具申，伏乞爵宪恩准移会巨野县，将关提各甲首，速即拘案解发来府，以便究办。须至申者。

计详开

甲首刘兴为 蔡有声 伊法坤

右 申

太子太保袭封衍圣公府

管勾宋 濂

咸丰五年十一月二十五日

管勾申为菏泽平阳屯甲首把持祀银坚抗不纳事

〔征追孔庙平巨屯各厂庄祀田佃户抗欠田租（八）（四一〇九）之十二〕

屯田管勾为甲首抗玩吞霸祀银，据实详请，仰恳关究事。窃查菏泽县平阳屯甲首苗凤秋，世为佃户，身受府恩，充膺甲首，催办祀银。不思急公踊跃，胆敢将苗姓各甲首，尽行把持，坚抗不纳。为此备由具申，伏乞

官保爵宪恩准咨请

道宪，转飭菏泽县关提到案，解发来府，以便究办。须至申者。

计申开

甲首苗凤秋住菏泽城东南苗家屯

右

申

太子太保袭封衍圣公府

咸丰六年正月二十八日

管勾申为平阳屯各甲首抗交春季祀银事

〔征追孔庙平巨屯各厂庄祀田佃户抗欠田租（八）（四一〇九）之十八〕

屯田管勾为甲首抗玩吞霸祀银，据实详禀，仰恳咨提究办事。据李差李学崇禀称，切小的蒙差督催平阳屯陈家楼各甲首赶办银两，按限完纳，以供祭典。遵赴该处逐名严催，所有甲首陈广吉、陈道隆等，本年春季应完祀银四十余两，屡次催伊完纳，置若罔闻。伊等声言，俺陈家楼祀银春季不能完纳，非待秋后不可。即行文关提，亦是无益，任你回去禀罢。小的无奈，奔回据实禀明，等情。据此，查屯田祀银，

至圣之祭典攸关。设立甲首，承办祀银，四月完半，十月全完，以供祭祀之需，实甲首之分所应尔。该甲首陈广吉等，世为佃户，身受府恩，充当甲首，承办祀银。不思急公踊跃，胆敢任意抗横，实属目无法纪。此等恶习，若不关案究惩，群相效尤，则刁风日炽，祀银碍难办理。当经备文关提巨邑在案，迄今未准关发，理合备文详请。仰恳

官保爵宪恩准咨请

道府两宪，转飭巨野县，迅将甲首陈广吉、陈道隆等，逐拘到案，解发来府，以便究办。为此备由

具申，伏乞 照驗施行。須至申者。

計申开

甲首陈广吉 陈道隆 陈中美 徐元贞住巨野城西陈家楼

右 申

太子太保袭封衍圣公府

管勾宋 濂

咸丰六年七月十五日申

管勾申巨野甲首佃户李文会等抗交祀银事

〔征追孔庙平巨屯各厂庄祀田佃户抗欠田租（八）（四一〇九）之二十〕

屯田管勾为纠众抗霸祀银，详情请提究办以惩不法事。切照五屯祀田，自

钦拨以来，复拨民间自家无过者五百户，佃种祀田，充膺甲首，催办祀银。分春秋两季完纳，以

供

至圣先师之血食，向无豁免缓征之例。兹有佃户李文会、李方魁等，世为屯户，赋薄差无。身受府恩，安居乐业。不思急公报效，胆敢纠众抗粮。将众甲首应纳祀银，尽行把持，分毫不纳，任意抗横，实属目无法纪。此等恶习，若不关案严惩，互相观望，刁风日炽，祀银碍难催办。理合备文申请

官保爵宪，通咨各

大宪速飭巨野县，将纠众抗粮之李文会等拘案，解发公府，严行追比，以归款项，以供祭典，实为公便。为此备由具申，伏乞

官保爵宪迅赐移提施行。须至申者。

计申开

李文会住巨邑城西北小丁官屯

李方魁 杨起峰 杨起占住鸣凤保佃户屯

姚玉珂住巨邑城东姚家桥

黄道彰住巨邑城西黄家庄

张进岭住巨邑城西吴家堂

右

申

太子太保袭封衍圣公府

管勾宋 濂

咸丰六年九月二十八日申

管勾宋淩稟为屯官侵吞祀银请传案追究事

〔征追孔庙郛城屯祀田佃户抗欠田租（五）（四一一六）之七〕

屯田管勾宋淩 为屯官狡诈侵吞祀银，详请传案追究事。窃照屯官职守赤书征册，选派甲首，催办祀银，是其专责。春秋开征，在署襄办公事。所有东西两路散银，不下三百余两。西路散银向派张永安催。于去年秋季，张永安侵用京钱八十余千，业已移文郛城县押追在案。今春有巨野屯屯官王兆临，向职面稟，欲办西路散银。因伊系现任屯官，家道殷实，是以准令办理。共勾甲首银九十五两六钱三分，每两二千八百，合钱二百六十七千七百六十四文。共勾散银五十二两四钱三分，每两二千五百文，合钱一百三十一千零七十四文。贰共合京钱二百九十八千八百三十二文。不意奸诈之徒，利欲薰心，欲壑难满。自三月十八至六月初五日，共收过京钱三百一十七千文，除收下欠京钱八十一千八百三十八文，吞霸肥己，硬不交纳，躲避在家，亦不见面，旋即撤柜。似此奸诈之徒，若不严行究办，将来互相效尤，何所底止。为此备由具申，伏乞

官保爵宪恩准。差传押追，实为德便。须至申者。

右

太子太保裘封衍圣公府

申

咸丰六年七月

日申

管勾申巨野县甲首纠众抗粮吞霸祀银事

〔征追孔庙平巨屯各厂庄祀田佃户抗欠田租（八）（四一〇九）之二十六〕

屯田管勾 为恶佃藐法坚抗祀银，详咨提究办事。切照屯田祀银，向系年清年款，从无豁免缓征之例。所以赋薄差无者，皆因

至圣之祭典，不可废也。詎迩来各甲首疲玩成性，奸猾取巧。一有水旱，借此推故，抗不完纳。

案查甲首杨万举、李大纯等，世为佃户，充当甲首，催办祀银。不思急公报效，胆敢纠众抗粮，吞霸祀银，劲不完纳。此等恶习，若不关案严惩，效尤成风，祀银碍难催办。恐误祭典，理合备文申请

官保爵宪，通咨各

大宪，速飭巨野县拘案严惩，解发 公府，移行曲阜县管押。将应完祀银严行追比，以归款项，

以供祭典。为此备由具申，伏乞

照验施行。须至申者。

计申开

杨万举 杨承家 杨至寒 杨至孟 李大纯 宣世德皆住巨野县城东佃户屯 吕

秉义住巨野县城东阳官屯

右 申

太子太保袭封衍圣公府

管勾宋 濂

咸丰六年十月二十四日申

移曹州府为拘提巨野甲首杨万举等人事

〔征追孔庙平巨屯各厂庄祀田佃户抗欠田租（八）（四一〇九）之二十九〕

太子太保袭封衍圣公孔，为移会檄飭拘案关解事。案据管勾官宋源申称云云，等情到本爵。据此，查该甲首杨万举、李大纯等，世为佃户，充膺甲首。并不实力催征，胆敢纠众抗延，吞霸祀银，实属目无法纪。若不严行究办，特恐相率效尤，贻误祀典，所关非细。兹据前情，相应备文移会。为此合移

贵府，烦为查照文内事理，希即札飭巨野县，速即差拘该甲首杨万举等到案，签差妥役，押解来曲，以凭讯办，实为公便。望速施行。须至移者。

计移提

杨万举 杨承家 杨至寒 杨至孟

李大纯 宣世德皆住巨野县城东北佃户屯

吕秉义住巨野县城东阳官屯

右 移

曹州府正堂

咸丰六年十一月初三日

咨东抚为押解巨野甲首陈广吉等来曲事

〔征追孔庙平巨屯各厂庄祀田佃户抗欠田租（八）（四一〇九）之三十二〕

太子太保裘封衍圣公孔 为咨催事。案查甲首陈广吉等抗欠祀银一案，前经备文咨提在案。

迄今日久，未准咨覆，亦未准巨野县关解一人来曲。查屯田额征祀银，有关祭祀之用，不准稍有拖欠。且此项屯地，赋薄差无，银数较之大粮有减。即遇有荒歉，亦向无缓征之例。而该甲首陈广吉，又系身家殷实。胆敢任意把持，以致各佃户观望不前。若仍移会巨野县催提，势必仍复宕延。转瞬春征，若不将该甲首陈广吉等提案严办，有误祭典，所关匪细。自应咨请委员，驰赴巨野县将该甲首陈广吉等，守提到案，押解来曲，以凭讯办。兹据该管勾详请查核前来，除咨抚部院 藩司 充沂道外，相应咨催。为此合移咨

贵部院道司请烦查照先今文内事理，希即檄飭委员前往守提，实为公便。望速施行。须至移咨府烦为

者。

计咨
移提

甲首陈广吉 李文会 蔡有声

右 移咨

巡抚 山东 部 院

山东等处承宣布政使司

山东等处提刑按察使司

分巡抚山东兖沂曹济道

曹州府正堂

咸丰七年正月二十六日

移会鱼台县为提讯甲首抢夺屯民莲花并吞侵犯祀银事

〔征追孔庙独山屯祀田佃户抗欠田租（二）（四一一九）之二十五〕

太子太保裘封衍圣公孔 为移会讯究事。本年六月十三日，据独山屯屯官刘仰贤详，据屯民张继颢呈称云云，等情到本爵府。据此，查该甲首张克稳等，武断一方，把持抗公。该屯民均受其挟制，以致祀银不能按限交纳，实为屯田之蛊。今该屯民张继颢，栽种莲花，变卖钱文，以玩祀银。而张克稳胆敢抢夺莲花，率众殴打，更属目无法纪。若不严行惩治，不足以儆戒。兹据前情，相应备文移会。为此合移 贵县，烦为查照，希即将张克稳等传集到案，严行讯究。所有应纳祀银，如数完纳，毋任有拖欠，以重祀典，实为公便。施行。须至移者。

右 移

鱼 台 县

咸丰八年六月十六日

圣公府（行）

独山屯屯官详为甲首催粮自肥屡追不交乞准提究事

〔征催孔庙独山屯祀田草租鱼利（四）（四一二三）之四十二〕

具详。独山屯屯官刘中兴，

为催粮自肥有误祀银，详恳提追以重祀典事。切有甲首门兴业，应办祀银京钱二十四千文。甲首王景舜，应办祀银京钱二十二千文。均分春、秋两限报缴奉府，以供祀典。距今岁春三限着差屡次催问，两甲首分文未缴。秋三限又着差屡次催问，支言粮户拖累。及暗地访查粮户，均言完纳。显系两甲首随催随使，殊属玩法。卑职出于无奈，不得不以催粮自肥，有误祀银，详禀公宪案下。恳乞公宪恩准提追，以重祀典，庶甲首知惩，而祀银不致有误矣。

上叩

仁明公爷恩准施行。

计详

甲首门兴业 王景舜系邹县羊山庄人

百户彭春榜稟为闵继方接租官地强暴横行事

〔咸丰年间处理府庙属官讼案（六）（三八三六）之八〕

具稟百户彭春榜，年四十一岁，住沂州府费县城东大柳汪村。

为据情稟明叩 宪移府亲提讯办事。切职村有官地五顷餘亩，与民地毗连，旧系村民佃种。嘉庆年间，有地棍孙岩纳租渔利，欺压村民，牵累闾村。呈控上宪，有卷可查。迄今数十年，屡更租户。必谕该庄头贾天爵保举妥善之人，村民始得悦服。自咸丰五年，突有许圣文、闵继方勾通皂总王宽，诡计接租。在职村内挖窖聚赌，硬截官地旧路。又用恶棍贾天枯独看官青，妄捉畜牲，勒钱逼赎，借租官地为护符，无恶不作。咸丰六年，又私串恶棍贾天枯出本名冒充庄头，妄报官田被沙压水冲两顷余亩，有伊冒名稟帖为证。蒙程县主烛其奸诈，批着书役勘验，伊等又将靠河民地八十余亩，绘图入官注册，有卷为据。职兄弟摊地五十余亩，现有文契可凭，临审呈验。咸丰七年十二月间，许圣文又与王宽勾讼，串通约地冯池，捏稟庄头贾天爵隐匿地册，并具清岔官地。职家地亩多与官地毗连，被王宽逼去京钱三十千，有水样杂货铺兑交可证。万出无奈，始与村邻贾元、杨凤鸣等以寻害愚黎等情公稟县案。蒙批，

传案讯究。今四月初五日，县主堂讯，谕职多事滋讼，罚职京钱一百千，具结完案。泣思许圣文、闵继方等接租三戴，捏害数次。仍踞职村，任意寻害，较前更甚。职兄弟邻里，以血产七八十亩，绘图入官。因职蒙选百户，罚钱百千，情实难甘，职因而由县控府。蒙批，查阅呈词含糊不清，如果该职平日安分守己，岂有经该县堂讯之下，罚汝钱文修庙之理，显系拉砌，不准。职又于今五月间以再叩提审虚愿坐诬事，复控月余，未蒙批示。许圣文、闵继方等接租官地，强暴横行，任意扰害，伊于何底。职因系府属，理合奔轶据情禀明。伏乞仁明爵宪大人恩准移府，亲提讯办，合村感戴无既。沾仁上禀。

咸丰八年六月二十三日

郛城厂总甲稟为庄头宋光先舞弊银册有名无人等事

〔征追孔庙郛城屯祀田佃户抗欠田租（五）（四一一六）之十一〕

具稟郛城厂总甲张大谋，

为诡弊祀银，恳恩赐札以定催办事。切郛城屯南五牌宋光先，催办小厂祀银三十余年。宋光先于同治三年六月十八日病故，伊妻宋高氏托伊甥吴金魁代催秋季。宋光先不知如何舞弊，银册有名，无人完纳，因此无人接办。总甲恐误祀银，为此稟恳

公爷赐札屯官，将宋氏圩长宋光月、宋大夏等传厂，以凭催办，庶祀银不误矣。上叩。

同治五年正月 日

札鄆城屯官查明庄头宋光先生前是否舞弊事

〔征追孔庙鄆城屯祀田佃户抗欠田租（五）（四一一六）之十二〕

袭封衍圣公府札鄆城屯屯官 知悉，案据总甲张大谋禀称，切云云等情，到本爵。据此，查祀银系祭祀要款，岂容册内有名无人，致滋贻误。宋光先虽已病故，自应着落宋氏圩长宋光月、宋大夏等，查明究系何人承粮，以重祀银。合行札飭。札到，该屯官立即遵照将宋光月、宋大夏并吴金魁等传案，确切讯明根究，现在此项地亩究系何人承粮种，是否宋光先从中舞弊，抑另有别情，据实详报，毋得徇情延玩干咎。切切。此此。

同治五年正月二十日

圣公府行

稟为刁生张锐等硬霸霖草事

〔查究侵隐孔庙独山屯祀田地亩（六）（四〇四五）之二十八〕

具稟。

独山屯屯民

刘中嘉 刘玉振
张培峦 刘承德
朱在顺 刘美宜

为割霖曠阻，勾串讹霸，恳 恩提讯究惩，以供 祀典，以恤屯民事。切生村独山屯，地居注下，原无膏田，惟赖霖草为养命之原。年年栽霖，上以供祀典，下以养屯民，由来已久。今岁三月间，栽草七十余段，屯官业已造册注明，以待查验。所栽霖之地，水深四尺有余，并无大粮，皆系栽霖旧迹，历无争差。陡有彭家庄刁生张锐，新进书房，弄权作威，欺压屯民。以惯讼为能事，以讹诈作生理。纵其族人张国秀、张汝条、张继谦、张克稳等，割打霖草，毁坏霖苗。着看草人拦阻，伊等不容理较，逞凶殴辱，砸坏船只。伊等复起诈心，指湖荒为大粮，硬霸霖草十数段。并勾串白山村郭孟顺、郭孟林、郭天都、郭淑堂等，仗伊之势，亦指湖为粮，讹霸霖草十余段。生等栽草一段，屯民数十家费钱数十千。将霖霸去，屯

民之性命难保，租银之所出无着。不惟欺压屯民，亦且藐视公府。伏思既系伊等有粮之地，何不言于方裁霖之始，因何争于既裁霖之后。讹霸显然，为此公恳。鸿慈，提讯究惩。庶祀银得供，屯民得安矣。焚顶上叩

爵宪大人恩准施行。

同治七年七月 日具

袭封衍圣公府批 据禀张锐、张国秀等，硬霸霖草，是否属实，仰候委员查覆核夺。

七月二十日

增生张锐等稟为北牌屯官率众越界霸产事

〔查究侵隐孔庙独山屯祀田地亩（六）（四〇四五）之二十九〕

具稟。前署独山南牌屯官增生张锐、屯民张克香、张继谦、张汝调等，为越界霸产，恳 恩委查提究，以清地界，以安良懦事。窃自独山屯南北两牌分屯以来，职等世为屯户，隶属南屯所管彭家庄居住。祭田藉租而外，余系县地。道光年间，均系熟田，地段坐落，四至边界，现有征册、租单、文契历历可考。嗣于咸丰元年黄河决口，运道淤塞，将田淹没成湖，历年不涸。职等惟赖菰蒲丛生，乘时捞取变卖钱文，得以上供祀典，下养身家。迨于本年五月初间，突有现署独山北牌屯官刘中兴，喊令朱在顺等，以今夏湖水漫溢，水深之处，尚未长草，遂纠率独山北屯众户，将职等村南现成荒草粮地占去十二段。又串南阳马来功，纠南阳众户，将职等村西现成荒草粮地占去四段。伊两处串通，互相倚角，逐日率众把守，不许职等捞取擅动。职叔张克用等向伊拦阻，诿伊恃伊势大，欺职族单，遂喝令众人，将张克用所乘之船，木石交下，擱沉水底，几致丧命。幸有职族张克香等，奔救回家。正欲赴县喊冤，适职于五月十六日在府回籍，方始得知。职以职初应府差，不敢多事。遂赴

独山，意欲情说，被汪金鏞挽留。且言伊均未在家。嗣经孔继文等调处数次，诂伊等坚执不让，遂潜赶来曲，不知砌捏何词，朦禀职等在案。伏思伊等在南屯告沉地内，所占多多。职等何以不问，再职等承粮地段，坐落距独山八里之遥，祭田藕租均有征册，并原认单临审呈验可据，县地亦有文契可凭。况均系屯民，既奉分牌，自应各安本业。职业被伊等霸去，则伊占有粮之地，职等承无地之粮。兹若不禀，自此永成伊业，职等何以完粮，何以养生。势出无奈，不得不据实禀明。哀恳 鸿慈 恩准委勘，将马来功一并提究，庶两屯屯民各安本业，而良懦亦有生路矣。为此叩恳

老太太 恩准委查讯断施行，职等世世感戴无既矣。焚顶上叩。

计粘坐落四至边界壹纸

同治七年七月 日

袭封衍圣公府批 此案昨据张培峦等呈控，已札飭委员前往查明，一俟禀覆到日，再行核办。

七月二十日

札伴官张瑞祥前往独山屯将南北牌互控各情逐一查验事

〔查究侵隐孔庙独山屯祀田地亩（六）〔四〇四五〕之三十一〕

袭封衍圣公府札伴官张瑞祥知悉，案据独山屯屯官刘中兴，以割界霸产，有误祀典，详请提案究追等情，并据屯民张培峦、刘中喜等禀同前情到本爵。据此，正在核办间，又据前署独山南牌屯官增生张锐、屯民张克香、张继谦、张汝调等禀称，以越界霸产，恳恩委查提究，以清地界等情前来。查栽种霖草，向有地界。兹据刘中兴所详，屯民张培峦等所禀，系张锐、张国秀等欺压讹霸。张锐、张克香等所禀，系屯官刘中兴令朱在顺等越界霸占。两造禀词，孰是孰非，均应确切查明，方昭核实。合行札查，札到，该员等遵即前往该屯，将两造所禀，逐一查验，据实禀覆，以凭核办。毋得徇私隐饰，致于并究。切切此札。

计抄发 原详禀三件

同治七年七月二十一日

圣 公 府

增生张锐禀为呈明地段恳恩传讯事

〔查究侵隐孔庙独山屯祀田地亩（六）〔四〇四五〕之三十六〕

具禀。沐恩前署独山南牌屯官增生张锐，

为据实再陈，呈明地段，恳恩讯追事。窃职等以越界霸产，禀独山北牌屯官刘中兴等一案，已蒙委查，理宜静候。第案关粮赋，谨将地段、坐落、界址再为陈明。职族张姓一户，住居西牌彭家庄，属独山南牌屯官所管。承种祭田地二十二顷八十九亩，征银四十八两。藕租地四顷三十八亩，又节息地一顷，均坐落村东南、村西里许。外有大粮荒田地二十二顷，坐落村四围并村东北、村西北。马厂地十顷六十九亩，坐落村西南。均有征册可据。伊等霸占职村东南地十二段，西北地四段，共地两顷六十亩，尽属近庄屯地。惟村西地内交错县田，亦有祖遗红契可凭。现近冬初，正当起草捕鱼之时，伊等刘、朱、张均系巨族，并冒充屯户之马来功，恃伊势大，欺职族单，势必纠众强抢。职等懦弱，安能拦阻，终必酿成祸端。职以粮从地出，希图免祸，不得不再为沥陈。伏思职与伊等世为屯民，共沾 鸿恩，碑记所载，独山两屯祭田七百一十四顷，东至坊岭，西至温水河，南至达达店，北至凤凰山。自

先公设官分屯，伊等刘、朱、张三户，属北牌所管。职户与郭、梁、赵三户，属南牌所管。官既分设，地各有界。照例均分，南牌界内应摊三百五十七顷，今伊等霸职粮地十六段以外，其余已经豁粮地内，被伊等吞占多多。职今若不辨明，自此永成伊业，将南牌界内伊已占尽。职等纵欲裁纳租，更有何地可裁。若非向分地界，伊北牌界内何以不许南牌人裁。且伊稟职移粮，系南牌所分西牌之北界地段，坐白山迤西，温水河迤东。屯田原与县地毗连，犬牙相错，内有间杂数段，被县民马来功霸占，亦不得不稟明 县主。且马来功系南阳恶棍，并非屯户。刘中兴始言系伊屯民，又称系伊夥计，串恶霸产，利外取利，不辨自明。朱在顺前犯满徒，恃恶不悛，刘中兴视为腹心，劈空吞占，更属强霸。为此，据实再陈，绘图呈明，叩 叩 恩准传讯究追。庶地界可清，祀银有归，而职等世世感戴无既矣。焚顶 上

老太太
公 爷 恩准电核施行。

同治七年九月十四日具

计开

彭家庄地段，坐落郭家谷堆古车路迤西，三×河迤东，大横路迤北，距独山庄八里。

东至郭家庄郭姓

四至 西至南阳镇梁姓
南至赵家庄赵姓 均系独山南屯屯户

北至县粮户众姓

祭田地二十三顷有餘。

藕租地四顷有餘。

张锐等呈为屯官恃众越界霸产叩恳拘究事

〔查究侵隐孔庙独山屯祀田地亩（六）（四〇四五）之三十七〕

具呈人张锐 张国秀 张继谦 张克稳

为越界霸产，叩恳拘究，以安良懦事。切生村地段坐落南阳镇三×河迤东，独山迤西，郭家垌堆大横路迤北，尽属大粮，并无圣府屯田。东至白沙郭姓，西至南阳梁姓，南至赵家庄赵姓，北至大粮户众姓。经咸丰元年黄河决口，运道淤塞，历年积水不涸。至去岁滨湖之地，青草丛生。生村居民，惟赖冬月捞取湖草捕鱼为业。冀候运通水涸，得种完粮。詎于本年五月间，忽有独山屯屯官刘中兴，屯户朱在顺，恃伊户大丁多，素行凶恶。纠独山村众户，将生村东南草地霸去十二段。南阳马来功纠南阳众户，将生村西北草地霸去四段。生等与伊等理较，经孔继文、石清波、汪金镛、徐德、王以忠调处，伊等不惟坚执不让，潜赴圣府冒认走马活租，误赖生等有粮之地。伏思生村地段系大粮，有忠四又七册，马场荒由有黄方册可查，又有红契、白契临审呈验。且有地邻、地保可问。更可痛者，生村承粮之家一百餘户，自被水逃亡殆尽。所餘四十餘户，尚多寄居外村，现今归本村者二十餘户。彼此强邻恃恶串谋，纠众越界霸产，若不奔叩仁天恳恩查讯究处，则强梁者吞噬无忌，而良懦者悉为鱼肉矣。焚顶叩乞。

增生张锐等稟为屯官抗违不遵纠众持刀堵路抢劫事

〔查究侵隐孔庙独山屯祀田地亩（六）（四〇四五）之三十八〕

具稟。沐恩增生张锐

屯民

张汝调
张克香

张克用
张继谦

住独山屯南牌彭家庄，为抗违不遵，纠众强抢

恩 恩提究，以肃府规，以安屯民事。切职等以越界霸产等词，控独山北牌屯官刘中兴等一案，于十月初七日蒙 恩批示官收，并飭委员前往眼同起草，张贴告示晓谕，尽行入官以后，各依疆界，亲自栽种，不许强霸吞占等谕。金批严明，职即日遵批回籍听候，詎刘中兴恶霸性生，胆敢抗违不遵，并不候委员到屯，竟于十月十六日，喊令朱在顺、马来功等纠率多人，并四方恶棍，各执火炮、枪刀，逐日堵职家南马头路口，百般辱骂，断绝咽喉，不放买卖船只人等出入往来。一面将职马头迤东承粮草地，逐段私行强起捕鱼，俱有草底可据。似此藐法，若不急奔来府，叩恩 鸿慈

恩准提究，不惟职村屯民悉为鱼肉，而府规亦从此难肃矣。为此
上叩

老太太
公 爷 恩准电核施行。

同治七年十月

日具

札委员胡福为霸草互控案飭于附近村庄另行起箔以息讼端事

〔查究侵隐孔庙独山屯祀田地亩(六)(四〇四五)之四十三〕

札胡福知悉，案查屯官刘中兴与屯民张锐互控越界霸产一案，前经本爵批示委员前往官收，不准再起争端。昨据该生张锐等禀称云云等情。正在查办间，又据该员胡福禀称云云，各等情。据此，查此案既经本爵委员前往该屯，验收草段，该屯官刘中兴自应遵照批示，听候验收。何以该屯官并不守候委员到屯，私自起草三段，殊属恃强藐法。本拟该员回曲再行分别办理，今据该员所禀，到屯日即会同该屯官按照段落，节次验收十五段，下馀一段，彭家庄屯户聚众把持，不许再起，又复互相争执，实属不成事体，合行札飭。札到，该员遵即传谕彭家庄各屯户知悉，前次该屯官不候验收，私起三段，本有应得之咎。今彭家庄屯户仗众把持，亦属不遵批示，彼此均有不合。着该员于附近村庄另行借箔起草，不准再起争端。倘该屯官及屯户等有意抗违，滋生事端，着该员立即禀明本爵，以凭先行斥革，移送有司衙门惩办，决不稍贷。各宜凛遵毋违，此札。

同治七年十一月二十三日

圣公府〔行〕

为独山屯南北两牌互争草段事出示晓諭

〔查究侵隐孔庙独山屯祀田地亩(六)(四〇四五)之三十九〕

袭封衍圣公府为出示严禁越界霸种事。照得独山屯屯田被水之区，向来栽种霖草捕鱼，以供祀银。上年该屯官与屯民张锐互控成讼，彼此争执，实属不成事体，当经本爵委员前往查办在案。现在又届栽草之时，务须各依地界栽种。南牌屯民，不准往北牌栽种，北牌屯民，不准往南牌栽种，以免争竞，而息讼端，合行出示严禁。为此，示仰该屯官并屯民人等知悉，经此次严示之后，尔等各宜遵照，各按疆界地段栽种霖草，不准再有侵占强霸情事。倘敢故违，或被告发，本爵定当从严惩办，决不宽贷，毋谓言之不预也。凛之，慎之，毋违。特示。

同治八年三月三十日

圣公府

管勾详为甲首疲玩祀银难催事

〔征追孔庙平巨屯各厂庄祀田佃户抗欠田租（九）（四一一〇）之五〕

督理屯田管勾厅魏肇范为征收疲玩移文行县事。窃卑职今春赴柜征收祀银，月餘收祀银未足百两，悉因甲首疲玩成风，往往逾限不到。且逾限固在甲首，疲玩实在花户。凡甲首所管花户，俱系郟城、巨野、菏泽三县子民。隔境追究，传唤不灵。况今春年荒饥馑，逃流外方者十有二三。卑职再三急催，仅征银壹千两有零。刻逢秋征之期，恐难催办。伏乞

爵宪先即备文行县，以助征收祀银。令三县出示晓谕各甲首花户知悉，凡今春拖欠未纳者，各自按限完纳。如再疲玩逾限不到，送县追究，以供祭祀大典。理宜申详，为此备文申详爵宪鉴察核夺施行。须至申者。

右 申

袭封衍圣公府

光緒十五年八月 日

佃户王瑞森等稟为假公济私擅开租斗草秤事

〔征追孔庙曲阜县各厂庄祀田佃户抗欠田租（二）（四一三四）之四十二〕

具稟。

南池庄佃户

王瑞森 张兴成
张广蕴 孔宪铤等

为假公济私，擅开租斗草秤，叩 恩电察明确，清源涤弊，以便完纳事。切该庄佃户忆认田宅租草种树以来，戴德之久，身死难忘。万有可已，曷敢贸然公稟，深一己之罪，伤 尊主之心。情缘素赴西仓纳麦、豆、谷租一抬斛，倒至四升二合五，正供已足。再进斗尖七合三，耗费亦完，共计一斗五升，不闻五升数外另有加添。旧纳租草一个，称至十五斤为度，未尝十五斤外更长斤秤。碑刊明文，照然众庄。詎自光绪九年之后，不亲自验收，司事者利欲薰心，典守者侵蚀过当。欲巧取而无术，遂额外以加添。私开租斗，暗长草秤。佃户受害，莫所为报。向纳一斗五升者，近纳六升，仍然不足。向纳草十五斤一个者，近称三十斤一个，尚有蒂欠。佃户受害，莫此为甚。日思转稟 公庭，痛陈一切。奈 天威不违颜咫尺，下情实壅于 上闻。邈若河山，恨何如也。兹闻

仁明公爷勇智天锡，网开三面，泽被群生。故不畏责遣，屈膝遮道，公恳

鸿慈。乞万一恩准电察明确，清源涤弊，佃户等得循旧章完纳租草，感戴无既。焚顶上叩。
光緒十六年十月初一日

廩生把总等稟为严定章程以杜弊端事

〔征追孔庙曲阜县各厂庄祀田佃户抗欠田租（二）（四一三四）之五十一〕

具稟。

廩生颜士勋
把总王锡海

颜怀远
颜锡林

孔昭群
颜怀正

等谨稟，

为稟示再陈，恳 恩赏示，严定章程，以杜弊端而恤庄民事。切生等于去年十一月间，具稟书役杜锡成朦官舞弊等情一案，当飭百户官出示晓谕，禁止舞弊。核查黄米庄完纳黄米，原作祭酒，供奉祀典。杜锡成如果舞弊儿戏公事，罔知法纪，殊属可恨，例应究办。但时值年终，将近封篆，碍难办理。待来年开篆，即将兑纳黄米地亩，亲勘明确，造册查明核办等情。蒙示之下，生等感德如解倒悬。兹仰口春理宜查办，生等不揣冒昧，据实再陈。伏思完纳黄米，向有定章。米以乾圆洁净为准，斗以平斛响挡为则。至于斗尖落地，书役收取。今贪得无厌，斗外之米，往往多于斗内。间有与之争辩者，书役硬诬为例，否则律以抗违。是以任其勒索，一限不足，下限再补，而小民深忧完米无预定之数。为此公恳

仁明公爷恩准赏示，严定章程。查现在完米一斗，计重六十馀斤，额外提米六斤，以加一为率，用作书役斗尖地皮之费。有完五升者，则提米三斤，而验米以半斤为期。则在庄民固不得为

多，而书役亦不得为少，庶几两为公允。伏乞
恩准核办，以杜弊端而恤庄民，则感德者当世没世不忘矣。

光绪二十五年二月 日

衍圣公批 查征收黄米，向有一定章程。庄民书役历久遵办，无不尽知定章，何能从中舞弊。

且完米之户甚多，非独尔等数人。尔等独以一面之词，一再混淡，无非好事健讼，妄生
希冀。实属可恶已极。本应严惩，姑从宽免。倘敢再蹈故辙，定发百户重责，以为好事
健讼者戒。此斥。

七月十四日

百户吴焕章稟为户头虚诳丁粮叩乞赏谕飭查事

〔光绪年间编审庙佃户丁（五〇六三）之六〕

具稟百户吴焕章，年四十六岁，系奉天承德县民籍，居新民屯，

为匿户不献，偷漏丁粮，恳 恩飭谕赏查谕县，以免废祀巨典事。窃于道光二十八年关东康平县界，有札萨图郡王隶籍高振玉等同姓三十二人，耻为奴辈，来府稟明系高柴贤裔，情愿出籍回掷草户当差，蒙恩批准，复行奏明。不料高振玉等所种之地，与 僧王邻边。而僧王时见高姓出籍，即赖高姓所种之地一千五百田系余之地，不准 郡王撤去。郡王无奈，会议高振玉等赴 圣府当差，将所种之地，稟明 圣府，以作享祀微仪，免去 僧王霸吞。迄今五十馀年，竟未转详。时有户头高广义等居心不良，将 圣府七屯之丁粮虚诳在手。赴曲多次，并未交差。至光绪二十年，因有圣裔孔广武不平，来府稟明。适值伊处倭人犯顺，不便确查。故前任百户刘专差至卑职家，留下户单等件，令卑职代为详查。卑职当即往查一次，实有 圣府丁粮。又至户头高广义家讯问根由，伊竟半含不吐，卑职始知偷漏多年。至光绪二十年倭人平定，卑职春季来府稟明。乃百户官刘查册七日，未得详细，又令卑职重查。卑职又至

伊处，将出籍之碑文全形捶来，以作漏丁之干证。将 圣府之地亩全图画来，以作漏粮之确凭。又将 圣府之地亩均系何人领种，姓氏历历开清，以防后日反口。为此禀明鉴核。应如何飭查，伏候钧裁。孰意来曲六十餘日，递禀一月有餘，碑文地图均被百户匿去，未知是否转详。奈因久未蒙批，卑职所以面禀。倘若再被朦胧，卑职苦心枉费，圣府香资日亏。况关东五大户民，卑职仅查于一。至今如是受难，其馀定闻风而越越。只得禀明，叩乞

仁明爵宪大人 恩准，是否赏谕飭查，是否协同办理，赏示金批。肃此具禀，恭请勋安。伏乞
重鉴。卑职谨禀。

光緒二十六年六月 日

独山屯南牌屯官禀为北牌屯官贪得无厌霸征南牌事

〔征追孔庙独山屯祀田佃户抗欠田租（二）（四一一九）之三十七〕

具禀独山屯屯官王承芝，

为霸征祀银，搅乱屯规，叩恩赏示祇遵，以免贻误事。窃独山屯向分南北两牌，两人管理，征收祀银，以供祀典。前职奉札接办南牌屯务，当因北牌无人，飭即代办征纳。本年春季，三限祀银，已经征起两限。下馀一限，催办未齐。不料有屯官明祥，身代队伍丁役多人，前往言伊系北牌屯官，兼理南牌，混行派差，讹诈屯民，无恶不作。甲首、佃户不知虚实，摇摇头无主。职专人赴府问明，伊实系北牌屯官，与南牌无干。当径说合，除北牌春季两限征收祀银归职办祀完纳，下馀归明祥办理。以后各管各牌，两无相干。不料明祥贪得无厌，硬要霸征南牌。忽差恶役赵福聚，将职南牌甲首赵文才抓去严押，勒令将南牌所征办祀之项，归伊管理。职即欲让伊征收，奈丁期不远，尤恐失误大典，实干未便。为此不得不据实禀明。叩乞

仁明公爷恩准赏示祇遵，以免贻误。施行。

光緒二十六年七月 日

署理管勾官李孔壁申为书役蒋丕训等吞瞒祀银等情乞究惩事

〔征追孔庙平巨屯各厂庄祀田佃户抗欠田租（九）（四一一〇）之十九〕

署理管勾官李孔壁为申详事。窃卑职书役蒋丕训、杨承恩、蒋丕岳狼毒性成，跋扈习惯。于前任孙交卸时，伊等威逼泪流。又于前任王交卸时，伊等聚众哄散堂规，复捏禀

冰案。其始顺终逆之状，卑职署屯时业已稳知迭见。故上年接任之初，实不敢用，因而斥革。怎

奈伊等央求楚老爷二次手信。卑职看同寅颜面，将伊等复用。今卑职署理将满，伊等挟前斥革之嫌，虎踞衙内。凡署中公事，处处与卑职矛盾。于是卑职三示谕单，仍详为劝戒。伊等不惟不遵，反肆咆哮。尔时本当详报，恐与征赋未便，故未遽申。无如伊等愈为罔法。约举其罪，实为律所难赦者有六。一、吞瞒祀银。平二册甲首苗长华、苗万春完纳钱粮，伊等窃用，竟未勾银，现有书办徐广义言明。巨五册徐广进纳钱二千文，伊等又窃用，竟未勾银，现有书办杨延龄作证。卑职所闻知者仅此，而未闻知者不知尚有谁何。二、差账不结。例来里差勾银，先勾后纳，前任皆然。时已摺册，伊等竟在衙中焚香誓咒，使皆抗欠。窥察里差情形，俱畏伊等恶霸，有不敢不随之势。三、舞弊殃民。凡甲首投柜完粮，伊等暗将每百补

足算明外，补底子二文，大拂

至圣仁民爱物之心。卑职闻知此事，力杜贪弊，将伊等所收底子二文，提出一文，以赏出力差役。孰知伊等借此愈行机变之巧，将甲首完粮每百又加一文，以苛取屯民。四、挟官罔上。凡遇地亩争讼呈状之时，而杨承恩递状必曰准，否则伊退，有后言者屡屡。即甲首刘淑冉之族刘梅，以屯作厂，贿串刁割等情一案，卑职按原告呈词并事中人调处情节，秉公断结，大有不合伊等所欲，口角已露。五、吞霸工食。凡衙中书役人等，按月支发工食，并各赏钱，伊等俱为吞霸，分文不与。现有书办禀帖，粘申可凭。六、不遵衙规。卑职认真征赋，伊等抗言春季不许分数征足。卑职以言轻责，伊等置若罔闻，重则反为抵牾。约此六罪，欺屯民、欺甲首、欺卑职并以欺

爵宪大人而毫无忌憚。况伊等未得充当头目以前，词讼无几。自充当头目以后，即上控者亦复不少。其调唆诈财之情，已属显然，倘不剪此恶魁罪首，诚恐上有妨于征赋，下以剥乎良民，即署中公事举行多碍矣。所有宜申缘由，拟合具文申详爵宪大人查核严惩。为此备文具申，伏乞

照验施行。须至申者。

计详送

书办蒋丕训

班头杨承恩

头目蒋丕岳

计粘稟帖一纸

右 申

钦命稽查山东全省学务 赏戴双眼花翎袭封衍圣公孔

署理管勾官 李孔壁申

光緒三十四年四月 日

衍圣公批

来详并各稟阅悉，该员身为官长，不能约束书差，致使互相攻诘，尚复成何政体，殊为不取，应候查办，以儆效尤。惟该管勾责任以征解祀银为第一要务，本年已过夏丁，而祀银所欠尚多，不知所司何事，大属荒桀。仰即赶将祀银扫数解清，勿稍蒂欠，致干未便。切切。

百户吴焕章禀为户头高广义居心不良诬骗丁银叩乞核办事

〔光绪年间编审庙佃户丁（五〇六三）之五〕

具禀百户吴焕章，年四十六岁，系奉天省承德县民籍，居新民屯。为匿户不献，偷漏丁粮，愚 恩赏差飭查渝县，以免废祀巨典事。窃于道光二十八年，关东康平县界有札萨图郡王之旗民系庙户高振玉等三十二人，耻居奴辈，来府禀明，伊系高柴贤裔，情愿仍回掷草户当差，蒙 恩批准，复行奏明准理。高振玉等所种之地，本系 郡王之荒边（时有倚与 郡王为邻之王，因高姓出奴，即赖称高姓所种之地，系属伊府荒边，不准本 王撒地）。郡王无奈，因将此地拨与 圣府。迄今五十馀载，高姓所种之地，年年开辟，高姓分宗之户，岁岁增添。时有户头高广义等，居心不良。将圣府七屯之丁粮，诳在伊手。赴曲多次，并未交差。至光绪二十年，因有 圣裔孔广武来府禀明。乃伊处倭人犯顺，不便确查。故前任百户刘专差至卑职家，留下户单等物，令卑职代为详查。卑职当即往查一次，实有 圣府丁粮。又至户头高广义家讯问根由，伊竟半含不吐，卑职始知偷漏多年。至光绪二十二年倭人平定，卑职春季来府禀明，乃百户刘查册七日，未得详细，又令卑职重查。卑职又至伊府，将伊蒙恩之碑

文全形垂来，以作漏丁之干证。将伊 圣府之地亩全图画来，作漏粮之确凭。又将 圣府之地亩均系何人领种，历历开清，以防后日反口。伏思高广义等，既沐圣府之恩，因何昧良。卑职虽系虚职，若不与 圣府出力，亦枉为 圣公之人员。况光绪十六年间，卑职蒙 恩禀见，伸冤行文护庇，此恩终未得报。所以不惮千山之劳，不惜盘川之费，不辞往返之苦，仅求 圣府祭典隆，倘若

恩准赏差偷县，则君师之恩可以报，偷漏之风自然无。为此禀明，叩乞
仁明爵宪圣公爷老人家，是否核办施行。

光緒二十六年五月 日

衍圣公批

两禀俱悉。既据尔所禀属实，仰候专差移文承德县查办。该员亦自得认真协同办理。

六月二十三日

佃户禀头目张玉典恃强恣肆滥收粮租事

〔征追孔庙曲阜县各厂庄祀田佃户抗欠田租（二）（四一三四）之五十二〕

具禀人佃户屯地户张成义，为恃强恣肆，滥收粮租，禀恳

恩准查究事。窃有佃户屯头目张玉典，数载以来，办公岨岨，每于贫穷地户无力赴城者向其交租，辄用大斗收纳，以多为少，侵吞渔利，图肥己囊。且又不安本分，酗酒妄为，时在村内口角滋扰，气焰汹汹，肆无忌惮，人皆望而趋避，未能与之理辩。窃思租赋设有定额，奚容任意苛敛，据为利藪。乃各贫户交租，受累无穷，隐忍莫诉。时日久长，其将伊于胡底。张玉典强梁恣横，罔上徇私，身与之共事，目睹情形，于屯务甚有关碍，曷敢扶同徇庇，缄默不言，致罹误公之咎用。特据实湊陈

冰案，伏乞

公爷俯察究惩，以免贫户受累，则此后屯事可期整顿矣。

光緒二十八年四月二十八日

此系张成义愿顶张玉典小甲，可以酌查。

屯官刘凤仁禀为岳维寅违示不遵藉端勒索恳请严究事

〔查究侵隐孔庙平巨屯祀田地亩（九）（四〇三四）之三十〕

具禀屯官刘凤仁，年六十一岁，住曹州府菏泽县。为违示不遵，藉端勒索，恳 恩严究，以安屯民，永免后患事。窃去年五月间，岳维寅以量地尺杆前后不符控职一案，蒙 恩堂断了结。旋又蒙 恩出示晓谕，各屯以后如有买卖屯田，须以官尺杆为准，以前姑念愚民无知，从宽免咎云云。各屯屯民，无不感戴 大德，颂声载道。不料今秋管勾李接任后，不知如何勾串岳维寅，忽于九月间，又将职与职之胞侄步云在管衙门仍以尺杆不符呈控在案，当时职出外不家，仅将职胞侄步云票传管押。及职回家，恐遭毒手，未敢遽然投案。伏思此案去年方经了结。蒙 恩示谕免咎，今岳维寅竟敢复控，管勾公然票传管押。不惟抗违 恩示，贻害职 等。倘各屯效尤，争端日起，此患将何所底止。为此情出无奈，匍匐来辕，叩乞 仁明公爷恩准严究施行。

光緒三十三年十月 日

衍圣公批

已批岳维寅禀内矣。十一月二十一日

平阳巨野屯甲首王以顺等稟为书役假冒浮收恳求查究事

〔征追孔庙平巨屯各厂庄祀田佃户抗欠田租（九）（四一一〇）之十六〕

具稟。

平阳二屯甲首王以顺 刘存山等，
巨野 邹怀清 陈守甲等，

为假冒浮收，叩 恩查究以符旧章而免屯民受害事。切屯田祀银，向归管勾官经理，每年按上下忙两季，飭差催令甲首转催屯户，按时完纳。如至时不清，均责令甲首代为垫备清账，以凭解兑。缘向赴署柜完纳祀银，折收清钱，每大钱百文，完纳足数，并不短底。外收大钱四文，以作解费火耗之用。历有年所，并无增减情弊。本年三月祀银上忙起征时，拒房书蒋培训、班役杨承恩向甲等口称，现在解款毫费较重，官已稟明 爵宪。须由完银项下加数，以资赔补。不久则赏给章程，着甲等赶紧晓谕各屯户，每大钱一百文，外再加添大钱六文。此奉 宪谕，不准抗违。如有抗违，定传究办。甲等遂遵谕通知，屯民畏惧，均照数完纳，现在已齐。甲等稟请章程晓谕，以昭核实。岂料班房书役言词含糊。甲首胡忠佑，即亲为稟见管勾老爷，言无章程，屯民不愿加数，老爷当许，业在 爵府稟办，秋后即给。胡忠佑未允，老爷即将加数退出，有胡忠佑质证。及甲等闻知，再向书役催问，不惟不给章程，反恶言相

向。屯户不信，老爷无言。并未与甲等算账，即于四月二十二日夜间，私自撇署走避。屯户向甲等不依，甲找书役，置若罔闻。似此情由，难免假冒。如不禀明查究，甲等受害何所底止。为此禀明，叩乞

仁明公爷恩准查究施行。

光緒三十四年五月

日

管勾衙门书办禀为李管勾任用亲信浮收祀银事

〔征追孔庙平巨屯各厂庄祀田佃户抗欠田租（九）（四一一〇）之十七〕

具禀管勾衙门书办蒋培训、总役杨承恩等，叩禀

公爷台前。敬禀者，切书等在管勾衙门当差多年，小心奉公，并不敢生事。委缘管勾征收祀银，向系役杨承恩等催甲首转催祀银，赴柜完纳，系书蒋培训等经收。向有定章，每大钱百文足底外，收解费四文。书等遵旧章征收，并无浮冒，今已多年。自李老爷到任以来，带来堂侄李师伟，官亲杨延苓。诸日指官撞骗，声名甚劣。冒称幕宾，硬派在书等房内管事。本年三月上忙起征，不知李师伟与老爷如何商酌，着书等传知甲首晓谕各屯，以后征银加价，每大钱百文，除前足底收费外，再加大钱六文。书等当因自来并无增价，恐滋事端，即亲为禀明。谕云，系奉 宪谕，如有丛错，老爷一面全管，与书等无干。书曷敢抗违。现在生事，老爷与官亲幕友，均故为推诿，以致甲首、屯户向书等不依。书等恐干未便，为此禀明。叩乞

公爷恩夺施行。

光緒三十四年五月 日

衍聖公批 据稟閱

悉。尔等既称当差多年，自应深知利害，何以竟敢私相浮收。查核情词，显系事后分脏不均，互相攻诘。非特不成政体，亦属胆顽已极。且征收祀银，最为要务。尔等虽系书差，亦不得辞其责。现查祀银所欠尚巨，仰即赶紧征缴报解，勿稍迟延，致干重究。

五月初八日

示諭甲首屯民人等为现在开征祀银悉照旧章勿得怀疑事

〔征追孔庙平巨屯各厂庄祀田佃户抗欠田租（九）（四一一〇）之二十七〕

赏戴双眼花翎袭封衍圣公孔，为出示晓諭事。案据署理管勾李恒心详称，自九月初七日设柜开征祀银，至今尚不踊跃。总缘前任李孔壁私自加征，甲首、屯民不无怀疑，恳请出示前来。除咨抚院外，合行出示晓諭。为此示仰甲首屯民人等知悉，现在开征祀银，悉照旧章，并无丝毫加派。尔等勿得怀疑，务即争先输纳。倘敢任意迟延观望，定即按户传追，决不宽贷。各宜凛遵毋违。特示。

光緒三十四年十月十一日

圣公府行

移巨野县为前署管勾李孔璧父子挟嫌不顾公事烦提讯究办事

〔征追孔庙平巨屯各厂庄祀田佃户抗欠田租（九）（四一一〇）之二十二〕

赏戴双眼花翎袭封衍圣公孔 为移事。案据署理管勾李恒心详称，窃卑职奉委接任管勾事宜云云，拟合具文详请鉴核移办，等情到本爵府。据此，查此案前据该管勾李恒心申称，以

藩宪转奉

抚宪札飭，据前署管勾李孔璧申称，权蠹书役蒋丕训等侵吞祀银，飭查催缴等情一案，行令传讯等因，业经贵县禀差传讯。惟查书办蒋丕训、差役杨承恩等，并无侵吞祀银情事，系李孔璧在任时私行加征，自吞自用。前已禀蒙批飭，现在书役人等正在催办下忙祀银之际，碍难遵传候质，恳请鉴核等情，当以该书差等果有侵吞祀银情事，本爵府早日押追，无待交卸管勾之李孔璧出头申控。全系私相攻诘，无关公事。随即备文移会

冰案，现在该差李登先，正在押解本年下忙祀银来曲之际，李孔璧之子李符乾，竟敢怀挟前嫌，勾串差役，将李登先带去私押。役所解祀银致有错误，咎将谁归。似此祇图报复私仇，

不顾公事，实属胆大妄为，目无法纪。况李孔璧尚系本爵府有职人员，若不从严惩办，何以昭炯戒而警将来。兹据前情，合行移会。为此合移
贵县，请烦查照文内事理，希即将此案人证，提案讯明，从严究办，以儆效尤。并将讯断情形，备文移覆，幸勿迟滞。望速施行。须至移者。

右 移

曹州府巨野县

光緒三十四年十二月十二日

圣公府行

管勾官李孔璧稟为书役蒋丕训等挟嫌抗不伺候事

〔征追孔庙平巨屯各厂庄祀田佃户抗欠田租（九）（四一一〇）之四十三〕

署理管勾官李孔璧。叩

稟

爵宪大人台下，为畏罪生奸事。窃昨以恶役蒋丕训、杨承恩等吞瞒祀银跋扈舞弊等由，详陈在案。今风闻伊等抬柜后，在衙中备酒席，钩串甲首王以顺并刘姓、胡宗喜等一同前来，不知若何作为。但王以顺与恶役杨承恩久已交厚，又于光绪二十六年为卑职所禀，刘姓甲首即刘梅之族，昨经卑职堂判，前具详文。而此案票伊等至今仍抗未销。胡宗喜以寸余宽白纸条两个，尚写本号各大钱五千文。卑职本不愿收，时已口角，无奈收纳。条已带来，伊等知此嫌隙，暗为钩串，奸刁曷极。且又闻伊等来城，已出三日，未与卑职一见，抗不伺候。今逢大丁，恐有失误，预为详禀。为此稟恳

爵宪大人查核施行

署理管勾官 李孔璧稟

光緒三十四年五月

日

署理管勾李恒心详为前任李孔璧父子勾串贿买官府劫押李登先事

〔征追孔庙平巨屯各厂庄祀田佃户抗欠田租（九）（四一一〇）之五十〕

署理管勾李恒心为详请移办事。窃卑职奉委接任管勾事宜，征收平、巨各屯祀银，遵即飭差实力催办。现光绪三十四年下忙祀银，业已征齐，赶紧装车，带同书役押解来府交兑。于十一月初九日，路经巨野城，天晚住宿张姓客店。饭后正在同书差算账间，更馀时突有十余人拥开店门，闯住屋内。卑职查问，据言系前任管勾李孔璧之子李符乾，同巨野快役赵金容、郭华田等，未容再问，立将卑职差役李登先抓去。卑职不知底细，赶即赴巨野衙门投刺究结，又被门丁私拦，不为通报。巨野县绝无会面，又闻将李登先私押。似此情形，显系李孔璧父子勾串贿买，朦蔽欺诈。如不详细说明移办，卑职公事以后难办。拟合据情详请爵宪鉴核移办。为此备由具详，伏乞

照详施行。

右 申

欽命稽察山東全省學務 賞戴雙眼花翎 襲封衍聖公府

光緒三十四年十一月 日申

三、房产租税

顺治九年济宁州官宅等处地基租及买办清册

〔征催本府济宁州官宅房基租银（一）（四八五九）之一〕

顺治九年十二月二十一日

济宁州官宅等

处地基租清册

济宁州买办南菜南果等项于后

计开三月二十六日发票

香信壹斤 使银伍钱伍分

蘑菇贰斤 使银柒钱

笋尖拾斤 使银壹两伍钱

清耳叁斤 使银壹两肆钱肆分

羊肚貳斤 使银玖钱

杨梅貳斤 使银肆钱

桂梅貳斤 使银肆钱

圆片貳斤 使银肆钱捌分

海粉壹斤 使银肆钱伍分

葡萄伍斤 使银伍钱

天花貳斤 使银壹两壹钱

糟鱼拾斤 使银捌钱

海参貳斤 使银壹两壹钱

豹鱼貳斤 使银壹两壹钱

上菜肆两 使银壹两貳钱

南酒拾包 使银贰两貳钱

盐笋叁斤 使银伍钱肆分

虾酱壹斤 使银伍分

上白大米貳包 重壹百肆拾斤 使银肆两捌钱

以上觅人脚价 使银伍钱

共使过银贰拾两零柒钱壹分四月初一日交进

四月初四日一票买办

官粉伍斤

使银壹两陆钱伍分

胭脂壹斤并锤壹百个使银贰两壹钱

满帽壹顶

使银壹两壹钱

烛拾斤

使银壹两

造船木匠安家

使银肆钱

盘费

使银贰钱

请造船头役

使银贰钱

脚价觅人

使银叁钱

共使银陆两玖钱伍分四月初七日记进

六月初十日交

木耳叁斤

使银壹两贰钱

蘑菇伍斤

使银壹两柒钱伍分

羊肚叁斤

使银壹两贰钱贰分

门冬贰斤

使银肆钱

盐笋贰斤

使银叁钱

圆片贰斤

使银肆钱

橘饼叁斤

使银陆钱

红花壹斤 使银贰钱伍分

香信壹斤 使银伍钱伍分

南酒贰拾包 使银叁两陆钱

葡萄伍斤 使银肆钱

茶席伍乾 使银壹两贰钱伍分

槁贰枝 使银肆钱伍分

竹杆拾根 使银柒钱

竹椅肆把 使银壹两

江米肆包 使银拾两

烛叁拾斤 使银贰两柒钱

酒房踏曲买药材 使银壹两玖钱叁分

造船木匠 支工价银叁两

刑与厅刘爷送礼

赁膳果觅人 使银肆钱

雇船觅车子并脚价 使银壹两捌钱伍分

灯笼壹对 使银壹钱

以上共使银叁拾肆两零伍分

与刻字匠安家 使银伍钱

	刻字匠并伴当盘费	使银伍钱
	画门神买颜料数	
	连四纸叁拾陆张	使银陆钱伍分
	京文纸壹佰贰拾张	使银陆钱
	印书纸壹皮	使银伍钱
	文号纸壹皮	使银肆钱贰分
	大桑皮纸贰拾伍刀	使银壹两伍钱
	铜菴叁斤	使银壹两贰钱
	黄香叁斤	使银贰钱柒分
	黄丹叁斤	使银玖钱
	银朱拾贰两	使银柒两贰钱
	南蓝锭花叁斤	使银贰两柒钱
	官粉肆斤	使银壹两贰钱
	墨捌定	使银捌分
	白矾贰斤	使银壹钱贰分
	水胶拾斤	使银伍钱
	松烟叁斤	使银叁钱
	滕黄陆两	使银陆钱

石青半斤 使银肆钱捌分
共使银拾玖两贰钱贰分
年纸壹分 使银伍钱伍分
小甲段守志工食银贰两
鲁桥修房肆间 使银捌两叁钱陆分
杨登修房壹间 使银贰两贰钱伍分
王保修瓦房壹间 使银壹两捌钱
以上共使银拾贰两肆钱壹分
外开帐欠地基于后
孔彰欠银陆两壹钱
孔尚周欠银壹两壹钱肆分
郭天益欠银玖分贰厘
郑充宇欠银玖钱
以上共欠银捌两贰钱叁分贰厘
官宅地基壹佰叁拾伍间半每间壹钱
共该银拾叁两伍钱伍分
东园地基贰百叁拾肆间半每间壹钱
共该贰拾叁两肆钱伍分

天井闸房地基门面
地肆拾陆间玖两贰钱
官房陆间肆两肆钱肆分

共该银贰拾玖两陆钱肆分

关南头地基壹佰叁拾柒间

共该银拾叁两柒钱

谷亭地基 该银拾两

鲁桥房租 该银柒两伍钱

以上陆处共该银玖拾柒两捌钱肆分

以上修房使银拾贰两肆钱壹分

以上共欠银捌两贰钱叁分贰厘

以上通共买办共使过银捌拾肆两肆钱捌分

以上三项共银壹佰零伍两壹钱壹分贰厘

长支银柒两贰钱捌分贰厘

交管事张思让叩

顺治玖年十二月二十一日

顺治十、十一年济宁州地基买办册

〔征催本府济宁州官宅房基租银（一）（四八五九）之三〕

顺治十一年十二月二十三日递

济宁州十年十一年地基买办册

济宁州官宅等陆处房租地基银两于后

计开

官宅地基壹百叁拾伍间半每间壹钱

该银拾叁两伍钱伍分

东园地基贰百叁拾肆间半

该银贰拾叁两肆钱伍分

天井闸门面肆间 该银拾陆两

地基肆拾陆间 该银玖两贰钱

官房肆间 该银肆两肆钱肆分

三项共该银拾叁两柒钱

关南头地基壹百叁拾柒间

该银拾叁两柒钱

谷亭地基 该银拾两

鲁桥房租 该银柒两伍钱

以上陆处共该银玖拾柒两捌钱肆分

顺治十年三月十八日交买菜等物于后

羊肚壹斤 使银伍钱

清耳伍斤 使银壹两捌钱伍分

香信贰斤 使银壹两叁钱

笋尖拾斤 使银壹两贰钱

蘑菇贰斤 使银壹两肆钱

紫花菜半斤 使银壹钱肆分

糟鱼拾斤 使银捌钱

银鱼叁斤 使银陆钱陆分

麒麟壹斤 使银贰钱

鹿角壹斤 使银壹钱

脚价银 使银贰钱壹分

以上共使银捌两叁钱陆分

鰾伍斤 使银贰两壹钱

罈十一个 使银贰两柒钱伍分

烛伍拾斤 使银肆两

脚价 使银伍钱

葡萄伍斤 使银伍钱

四月十四日交

松子三斤 使银玖钱

烛壹百斤 使银捌两

往来三日盘费 使银柒钱

以上共使银拾玖两肆钱伍分

四月二十三日交

羊肚叁斤 使银壹两叁钱

瓜仁壹斤 使银贰钱肆分

眼圆肆斤 使银柒钱

新茶壹斤 使银壹两伍钱

葡萄拾斤 使银玖钱伍分

荸荠叁斤 使银贰钱肆分

盘费二日 使银贰钱贰分

蒲包四个 使银肆分

以上使银伍两壹钱玖分

六月二十四日买酒房药材

陈皮斤半 使银壹钱玖分

桂皮壹斤 使银叁钱陆分

甘草贰拾两 使银肆钱

砂仁捌两 使银陆钱肆分

草果半斤 使银肆钱

白芷拾贰两 使银贰钱

藿香叁两 使银壹钱贰分

白茯苓肆两 使银伍钱肆分

莲蕊贰两 使银肆分

半夏陆两 使银壹钱捌分

香附肆两 使银肆分

江米四包 使银拾壹两肆钱

草纸一块 使银贰钱贰分

脚价

使银柒钱貳分

罈八个每个貳钱伍分使银貳两

以上共使银拾柒两肆钱伍分

八月初一日交

徽茶叁斤

使银壹两捌钱

粗茶一篓

使银伍钱伍分

恭纸四块

使银壹两

蝦酱貳斤

使银壹钱壹分

鰾伍斤

使银壹两玖钱

往来三日盘费

使银貳钱貳分

以上共使银伍两伍钱捌分

十二月二十七日交

胭脂壹斤

使银貳两貳钱

粉貳斤

使银捌钱

香二封

使银貳钱

年纸一分

使银伍钱

以上使银叁两柒钱

修官宅房三间

包工觅人 使银拾柒两

买坯四千 使银捌两

拾坯脚价 使银壹两伍钱

买石灰十三担 使银肆两玖钱

买钉玖斤 使银柒钱陆分伍厘

木匠五日工价 使银壹两伍钱

买沙木二根 使银壹两贰钱

买绳壹斤 使银叁分贰厘

买白布贰尺 使银陆分

盆二个 使银贰分

铁壹斤 使银贰分

觅夫一名上砖瓦 使银叁钱

饭食 使银壹两伍钱

合龙门红绢贰尺 使银壹钱贰分

利市纸马等项使银叁钱

以上共使银叁拾柒两贰钱壹分捌厘

小甲段守志工食银贰两

郑冲宇 欠银柒钱陆分 房七间半
孔 彰 欠银壹两伍钱 房十五间
孔尚周 欠银柒钱 房七间
以上通共使出银玖拾捌两玖钱肆分捌厘
以上三宗欠银贰两玖钱陆分
九处长使银柒两贰钱捌分贰厘
以上通共使出银壹百零玖两壹钱玖分
长使银拾壹两叁钱伍分

顺治十一年三月一单初四日交进

香信二斤	使银一两五钱
清耳二斤	使银六钱
蘑菇二斤	使银九钱四分
羊肚五斤	使银三两
笋尖十斤	使银一两二钱
金针三斤	使银二钱一分
糟鱼十斤	使银八钱

银鱼三斤 使银四钱九分

紫菜一斤 使银三钱

海米十斤 使银一两六钱

白糖十斤 使银一两七钱

麒麟三斤 使银四钱四分

大椒一斤 使银二钱二分

渠红半刀 使银二两三钱

脚价盘费 使银四钱七分

以上共使银十五两七钱七分

买烛五十斤 每斤一钱三分五厘 使银六两七钱五分

南米一包 使银一两九钱

茶二斤 使银一两二钱

蘑菇二斤 使银九钱

甘蔗十枝 使银六钱

五月初十日一票 以上共使银十一两三钱五分

香信二斤 使银一两六钱

白糖十斤 使银一两六钱

蘑菇二斤	使银八钱四分
羊肚二斤	使银一两二钱
清耳五斤	使银一两五钱
笋五斤	使银五钱五分
糟鱼五斤	使银四钱
鱼翅一对	使银一两
海参二斤	使银九钱
麒麟一斤	使银二钱四分
草纸一块	使银二钱
烛五十九斤	使银七两七钱六分五厘
桶一个	使银三钱
盘费二钱	
脚价银六钱	
以上共使银十八两八钱九分五厘	
五月二十四日	
老爷吩咐买	
金花酒二坛	使银二两八钱
脚价	使银四钱五分

盘费 使银二钱

以上共使银三两四钱五分

五月二十四日一票 酒房药材

江米四包 使银八两四钱

白茯苓四两 使银三钱六分

陈皮一斤半 使银二钱九分

砂仁八两 使银九钱六分

甘草二十两 使银三钱二分

半夏六两 使银一钱二分

香附四两 使银四分

草果六两 使银三钱五分

白芷十二两 使银九分

藿香八两 使银四钱五分

桂皮一斤 使银五钱

脚价 使银八钱

盘费 使银三钱

以上共使银十二两九钱八分

十月二十八日交

香信二斤 使银一两四钱五分

清耳二斤 使银六钱

磨菇三斤 使银九钱九分

羊肚一斤 使银三钱八分

笋五斤 使银六钱五分

海参一斤三两 使银七钱七分

鲍鱼一斤十三两 使银一两一钱八分

大椒一斤 使银二钱二分

烛五十斤 使银三两五钱

竹杆八根 使银五钱

脚钱 使银二钱

以上共使银十两零四钱四分

十二月初十日一票

买酒坛一百 使银二十五两脚价在内

年纸一分 使银五钱

料香二封 使银二钱

以上共银二十五两七钱

鲁桥修堂房三间 使银二两二钱

又翻盖门面二间 使银三两八钱一分

小甲段守志工食 使银二两

以上通共使出银一百零六两五钱九分五厘

内除司房现发银八两五月初十日发

三年长使银十二两一钱零五厘

管事小的张思让叩交

顺治十一年十二月 日

出示严禁闲杂人等擅进都城赐第骚扰事

〔本府北京赐第房租赤历（四八五六）之一〕

为严禁事。照得都城太仆寺街圣公府 赐第一座，乃本爵府入都朝觐汤沐之第。理宜洁静严肃，以昭体制。乃近来风闻有闲杂人等，擅行进府骚扰糟蹋。如此胆玩，实为可恶。除谕令看管府第之人，严行约束外，合行出示禁止。为此谕仰一切闲杂人等，毋得仍蹈前辙。倘敢故违，仰该管府第之人，立即指名驰奉本爵府，立即移送司坊衙门，从重究治。尔该管府第人，亦不得徇情瞻隐，致干处究，为宜。凛遵毋违。特示。

雍正元年本府北京钦赐府第房租赤历

〔本府北京赐第房租赤历（四八五六）之二〕

雍正元年拾壹月 日。管事王国臣叩递

钦赐府第房租赤历

计开 赐第房屋于后

大门叁间

二门壹间

厅房叁间

楼房叁间

上房伍间

后街邻街房捌间

上房东配房叁间

上房西配房叁间

每月取银壹两陆钱

每年取钱柒千

每年取钱拾壹千

楼东头叁间有一间走道 每年取钱捌千捌百

东穿房叁间 每年取银叁两叁钱

穿房后上房叁间 每年取钱拾壹千

厅东头房肆间 每年取银陆两陆钱

厅前东配房叁间 每年取钱拾壹千

东马栏上房叁间 每年取钱拾叁千贰百

东马栏西配房五间 未赁
红带子占二间

东马栏东配房叁间

大门东铺面陆间 红带子占房一间
系孔长班典与人家
成衣铺叁间 每年取钱贰拾伍千贰百

豆腐房贰间 每年取钱陆千

未赁

楼西头厨房贰间

楼前西配房叁间 每年取银伍两

厅西头房四间 每年取钱拾壹千

厅前西配房叁间 每年取钱拾壹千

厅前西配房南头接房壹间孔长班住

大门西铺面陆间半 西边叁间半 每年取钱肆拾千零捌百文
东边叁间 每年取钱拾捌千

西夹道徐盖房贰间 自孔长班管着就
没纳租

大门里迤西王国臣自盖房肆间 每年地租银壹两

大门里迤西孔长班自盖房肆间 官房五间未纳租

西马栏张士连自盖房柒间无租

肆间未赁

西马栏西房陆间 肆间未赁 每年取银贰两
贰间

西马栏北头邻街上房陆间 每年取钱拾玖千捌百文

每年共取银叁拾伍两伍钱

每年共取钱壹百玖拾叁千捌百文

伴役韩永桐禀为蒙票差赴济宁确查房租事

〔征催本府济宁州官宅房基租银（一）（四八五九）之十四〕

具禀大门伴役韩永桐

禀为蒙票差赴济宁确查房租事。切小的查得州右堂侵占是实。身见州右堂，并未理说借地基，只说丈量王君爱地基多少，该纳租银多少。州右堂说，所占地基多少，情愿任租。此宅原系王姓买到，有文约可凭。王姓妇人因本州子民，右堂系本州官员，不敢不借。此宅上有榆树一株，王姓恐后属他人，情伐倒，现在宅内上存。此宅东邻系民地，右堂修盖堂房三间。东头占民地，西头占官地。一屋占官民二地，有不清处，王姓恐后失迷。具此禀明。

伏乞

公爷恩夺施行

乾隆三十八年九月

日

租户王君爱稟为济宁州右堂侵占官基陈明原由事

〔征催本府济宁州官宅房基租银（一）（四八五九）之十五〕

济宁州租户王君爱叩

稟。为侵占官基恐后失迷陈明原由事。切身于济宁州城里东北隅察院街路北，买到王鍾泗宅基一区，上带砖井一眼，盖房居住。凭中说合，价银贰拾柒两整。现有文约可凭，四至分明。此宅基原系

圣公老爷官租宅基。每年按例纳租银叁钱，不敢拖欠。因身家贫，常常贸易在外。忽有本州右堂程老爷修盖私宅，紧临身宅之南。于八月初旬，着役人李姓至身家，向身妻借宅一区，以图宽便。身妻回说，此系公老爷官基，身系女流，丈夫又不在家，不敢主张。役人说借也要借，不借也要借。遂将榆树一株伐，筑起新墙，树根可凭。身妻不敢拦阻，即着人上宁阳县俱说此事。身思回家不敢理说，欲不声明，又恐后日失迷官基，身反干罪。身无能贫人，无奈不得不叩恳稟

仁明公老爷恩准，差查主夺施行。

乾隆三十八年九月十六日具。

候差查覆到夺

郛城屯官申详为郛城县主利涎颇重勒税祀田事

〔清厘孔庙祀田地亩（二）（四〇一〇）之二十一〕

郛城屯屯官七月初五日申详事。详为

勒税祀田据实陈明事。切萧皮口集有宋恒和旧开当铺宅房一座，于嘉庆十年卖于薛存忠、张莪、孔玉刚管业。于十一年十月业经遵照屯中旧例，开粮过户，粘连印契，该户完纳祀银。

事缘说合人孔继光诈索用钱，未满足其欲，遂于郛城县以恃强欺懦等情，控薛存忠、张莪、孔玉刚三人在案。县主缘此即将薛存忠等票传到县，勒吊文约，逼税县契。存忠等当时稟明卑职。卑职即将伊等开过日期查出，并伊等契约移送郛城县核查。詎意县主利涎颇重，仍现蒙押，令存忠等另税县契。存忠等复向卑职稟称，以为所买祀田宅房，业经遵照旧规办理。兹县更令税契，生等虽系寄庄，托在屯下。祖父以来，世受

公爷庇荫，焉敢由县税契，变乱

府规。卑职缘此具详前来，伏思此项祀田原系

钦拨，至我

国朝历数百年，凡有买卖，无问寄庄，实在之户，并未闻有由县税契之例。今郛城县忽欲格外网利，特为法司，逼勒小民，着祀田亦皆另税县契。卑职愚昧罔知，例制祀田税契应投县与否。卑职虽不敢抗违法司，亦不敢不恪遵

府体，为此，据实详请

公爷案下，伏乞

照验施行。

右 申

袭封衍圣公府

郛城屯屯官薛云标具

嘉庆十二年七月初五日

监生薛献廷禀为讹诈不满朦洋漏税息提查核事

〔清厘孔庙祀田地亩（二）（四〇一〇）之二十二〕

具禀监生薛献廷年二十七岁住郛城县肖皮口。为讹诈不满串蠹朦洋息 恩移转提卷察核事。切生庄肖皮口宅基连周围地亩，俱系祭田。民间认退粮银，粘契过割，皆由屯官办理，与有司毫不相干。庄内有宋恒和当典一座，久已歇业。伊夥万永宁托孔继光等说合，时价纹银一千两，愿退与生与张羲、孔玉刚承认。生等当即粘契分割，毫无不清之处。祸因中人用钱，定要纹银一百五十两，生等议照三分，孔继光嫌少不要。于本年五月，以恃强欺懦等词，禀生与张羲于县案。蒙批，着词证薛宏潭等处理具覆，毋任滋讼。当经书役李振纲、曹百兴处得，仍照官中之例用钱，成三破二。万永宁出钱二十两，生等公出京钱六十千，俱各如数交讫。诎该房李贵龙诈钱不遂，不候词证具覆，旋即朦朧出票，传生进城，据称吊约税契。生当禀屯官，蒙将印契移送县案附卷。李贵龙朦蔽县聪，逼生再投县税。生不愿一契二税，致触贵龙之怒，不知如何算禀县主，遂以漏税等事朦洋

抚藩各宪案下。生恐被陷害，不得不据情禀明，恳恩据情移会抚藩两宪，提查县卷内所附印

契是否漏税，不讯自明矣。上叩

圣府公爷恩准施行。

嘉庆十二年七月二十日具

移郛城县为薛献廷买宅吊契另税请销票宁释事

〔清厘孔庙祀田地亩（二）（四〇一〇）之二十三〕

袭封衍圣公府为勒税祀田据实陈明事。本月初五日，据郛城屯屯官薛云标申称，云云等情。本爵府正在备文移会间，兹于本月二十日，复据肖皮口监生薛献廷呈称，云云各等情。据此，查屯户买卖房屋、祀田，所有契约，应须过割投税，例由该屯屯官经理。如有必须钤用印信，亦由该屯官申详到本爵府用印给领。历久遵行无异，从无在地方官投税之例。今该生薛献廷等所买宋恒合房屋一所，已据该生等将契据投税在案。兹缘中人孔继光索诈用钱，未遂其欲，乃以恃强欺懦等词，具控薛存忠、张莪、孔毓刚三人于贵县案下。现蒙票传，吊契另税，但该生等既已投税，亦无一契两税之理。且系本爵府体制攸关，未便致有更张。兹据前情，拟合移会，为此，备移贵县，烦为查照来文事理，希即转详，销票宁释施行，实为公便。须至移者。

右 移

郛 城 县

嘉庆十二年八月十五日

圣公府行

小甲王琳稟为吕堂抗纳房租事

〔征催本府济宁州官宅房基租银（一）（四八五九）之二十九〕

具稟。济宁新闸口小甲王琳叩稟

公爷案下。切蒙差催济宁河东三铺各户租银。有冯宗佩将房屋偷当于吕堂居住，每年该租钱三千一百文。小的屡催，仗恃河标外委，硬抗不纳。小的又协同崔继文往催，詎料吕堂声称，非

小的稟案移会州主不纳。小的再催，置之不面。理合稟明。叩乞

公爷恩准，备文移追施行。上稟。

被稟吕 堂

嘉庆二十二年五月十八日

移济宁州为吕堂偷当官房抗不纳租希传案押追事

〔征催本府济宁州官宅房基租银（一）（四八五九）之三十一〕

袭封衍圣公府为移追事。本月十八日，据新闻口小甲王琳禀称云云。等情，到本爵府。据此，查新开口处房屋，均系祀田官房。岂容偷当，抗不纳租。乃冯宗佩将房屋偷当吕堂居住，辄敢仗恃外委，抗不纳租，实属藐玩。拟合移追。为此，备移贵州，烦为查照文内事理，希即将吕堂传案，押追房租清楚，移送过本爵府，以儆抗玩。望速施行。须至移者。

右 移

济宁直隶州正堂

嘉庆二十二年五月十八日

圣公府行

咨河道部堂为希飭令汶上县丞退出官房事

〔征催本府济宁州官宅房基租银（一）（四八五九）之三十六〕

袭封衍圣公府为咨追事。案据济宁新闸口小甲王琳稟称云云。等因。据此，当即备文移会济宁州讯追去后。旋准移覆云云，到本爵府。准此。查新闸口处房屋，均系

至圣庙祀田官房，攸关祀典，岂容偷当盗典。今准济宁州查明冯宗佩系绍兴人，已携眷回籍，而吕堂现署汶上县丞，难以传唤。但事关

圣庙祀银，吕堂身任职官，应知盗典有干例禁。拟合咨请飭追。为此，备咨

贵部院，请烦查照文内事理，希即飭令该县丞吕堂将官房退出，以便征收祀银，实为公便。望速施行。须至咨者。

右 咨

总督河南山东河道部堂

嘉庆二十三年三月初二日

圣公府押

河督为据吕堂禀称咨覆事

〔征催本府济宁州官宅房基租银（一）（四八五九）之三十七〕

兵部侍郎兼都察院右副都御史总督河南山东河道提督军务叶 为据禀咨覆事。据运河洪道禀，据运河同知张承斐禀称。窃卑职前奉钧檄转蒙河宪牌开准

衍圣公府咨请，飭查署汶上县丞吕堂现住房屋，不肯完纳公府地租。如果实系官房，飭令追出，等因。当经转飭行查去后。兹据该员吕堂禀称，查济宁南关外新闸口，凡隶

圣公甸地址盖房居住，均纳租钱，交付该房小甲王琳赴

圣公府完纳，此向例也。卑职于嘉庆十八年间，曾典冯宗佩房屋一所，坐落

圣公甸地址。当立契券时，议定书明，每年应纳租钱仍于冯宗佩名下完纳，与吕姓无干。书明画押，有据可凭。数年来俱系冯姓输纳。该小甲从未向卑职处催问租钱。忽于二十二年六月内，小甲王琳赴圣公府捏禀卑职抗租不完，

圣公移会济宁州出差传讯，彼时因卑职在曹河防汛，是以遣令长随阮奎抱呈具诉，并将房契呈验。至年二月间，小甲王琳复起衅端，赴

圣公府捏禀。又移会济宁州，卑职复具禀陈情，蒙州批，现据差禀冯宗佩原籍绍兴，业已携眷去济。除再飭查关传，并先行牒覆。

衍圣公外，查冯宗佩既未到案，无凭质讯。其传到之阮奎先行省释。等因。兹卑职接奉飭查，知小甲王琳又以盗典等词赴

圣公府捏禀，移咨河宪查催退屋。窃念卑职典冯宗佩房屋之时，不独立有契券可凭，且有中人罗琅玉、孙子无，现在济宁均可讯证。此时若将房屋退出，而卑职之典价既无归着，将来冯宗佩回赎房屋，作何交代。此明系小甲王琳以冯宗佩携眷去济，租钱无从催纳，故将卑职捏禀，以代冯姓完租。惟思此项系

圣庙祀银，未便悬旷。所有二十二年以后租钱，照据小甲王琳禀称，每年该完地租京钱三千一百文，卑职且先代其垫纳。俟冯宗佩日后赎房时，卑职与之推算归还。兹蒙飭查，谨将典住房屋完纳地租缘由，并抄录原典当契券，据禀覆呈请核转。深邀恩便等情。据此，职道覆查无异，理合据情转禀。仰祈俯赐察核，转咨

衍圣公府，实为恩便。等情，到本部堂。据此，除禀批发，并将抄券存案外，相应咨覆。为此，合咨

贵公府，烦请查照核办施行。须至咨者。

右 咨

衍 圣 公 府

嘉庆二十三年四月二十五日

严禁租户拆毁变卖房产事

〔征催本府济宁州官宅房基租银（二）（四八六〇）之八〕

袭封衍圣公府为严禁事。据济宁房租总甲王明哲禀前事。禀称，切有新开口三圣堂并附近房屋，现在该租户等意欲拆毁变卖。恐租银无着，有干查究，伏乞恩准给示，严禁拆毁施行。等情。到本爵府。据此，合行出示严禁。为此，示仰该户租户及总甲知悉，务须遵照。如有前项租户，辄敢拆毁变卖者，该总甲立即指名具禀前来，以凭提案严行究治。该总甲倘敢徇隐不报，查出重究不贷。各宜凛遵毋违。特示。

道光八年四月初五日。

圣公府行

百户据实详覆为贾乔氏控沈氏一案讯断缘由事

〔道光年间处理孔庙各屯庄佃户讼案（四）（三九六二）之十八〕

林庙守卫百户为据实详覆事。切于道光十一年四月十一日，据贾乔氏禀沈宗信为讹霸宅基，恳恩查卷讯究一词。禀称，切氏祖〔租〕到南池庄南门里宅基一段，连园在内，每年纳租银一两二钱八分，由来已久。詎有沈宗信硬行霸去一分馀，氏夫当即禀明

爵宪案下，蒙 恩悬示，将霸去之地断归氏家。不意伊违抗 宪批，不惟地不退出，反将树株硬行伐卖。氏复据情禀明，蒙批前任王主案下。未及审讯，氏夫复被殴伤。氏夫又禀前任张主案下，迄今年馀，因氏夫物故，至今未蒙讯追。伏思虽系租地，必有定额，如任意霸占，皆蹈此辙。现闻仁台莅任，清正廉明，为此据情禀明。等情到卑职。据此，当即批准查讯，案关房租，邀请册房管事吴孟华、大房租管事刘福，各带册籍，前赴该处。绘具图形，用县库铁尺，犁划界址，勘丈明确。随即带原被告人等带案堂讯，詎料沈宗信系 凝静堂租户，不遵讯断，而贾乔氏又无文约，案悬未结。兹于八月初四日，贾乔氏禀沈宗信为讹霸宅基，夺剥租税，反行辱骂，恳恩查卷讯究一词，上控

爵宪案下。蒙批，据控沈宗信霸占宅基等情，是否属实，仰百户查明讯夺。等因到职。蒙此，卑职伏查此案，前于四月二十五日曾经卑职亲往踩丈明确，绘图在案。因两造各有情弊，碍难断结，是以悬搁。兹蒙前因，无庸复丈，遵即差传讯办。詎沈宗信屡次抗传不案，而贾乔氏叠控不休，卑职勒限比差，始于九月初十日传齐两造，研细堂讯。追起贾乔氏原约，实系在王百户案内失落。文约无凭，难成信讞。卑职谨照勘丈情形讯断，各具清结销案。合将踩丈讯断缘由并供图，粘连原卷详覆，仰祈爵宪鉴核。为此备由具详。伏乞照验施行。须至详者。

计详缴

原卷二宗

宅图二纸

供单一纸

甘结二纸

右
洋

袭封衍圣公府

守卫百户刘永振

道光十一年九月十二日

圣公府大房租户贾丕贵

房基三分一厘八毫

该纳银一两二钱八分

凝静堂大房租户沈宗信

房基二分九厘

该纳银八钱七分

贾乔氏出路

宽一步六分五厘 长七步七分

宅基

宽十一步三分 长十四步三分

连出路共成地二分九厘零五丝


坑 长八步五分，宽五步八分，成地八厘二毫一丝六忽七微。

小园 长八步一分三厘，宽五步八分，成地七厘八毫五丝九忽。

沈宗信宅基

中长十五步七分，北宽五步八分，南宽五步二分。

成地一分四厘三毫九丝二忽



移济宁州为租户拖欠租银拆毁房屋事

〔征催本府济宁州官宅房基租银（二一）（四八六〇）之十〕

袭封衍圣公府为移提事。本年四月初三日，据济宁州总甲王秉龙禀称云云。等情到本爵府。据此，查各租户房租，向系按季交纳。今秦树麟拖欠租银业已三年，抗不呈缴，并将房屋拆毁，殊属不合。亟应提案追究，庶租银不致无着。拟合移提。为此，备移贵州，请烦查照文内事理，希即将租户秦树麟传案，飭差解送本爵府，以凭究追。实为公便。须至移者。

右 移

济宁直隶州正堂

道光十二年四月初四日

圣公府行

告示为租户抗欠房租并饬差拆房驱逐让出空基事

〔管理曲阜县境本府官宅房基（四八五七）之十三〕

袭封衍圣公府为出示晓谕认租事。据大房租管事吴景周禀称云云。等情到本爵。据此，查房租定例，向系年清年款，分毫不准蒂欠。而戈兴业虽病故，该房住居人等，并未按年完租，理应将地追回，饬差驱逐外，合行出示晓谕。为此，示仰该处居住人等知悉，所有自行修盖之屋，即速拆毁，让出空基。如敢抗违不遵，去差即便带案，以凭移县究办，决不宽贷。其各凛遵毋违。特示。

为饬差驱逐事。案查戈兴业承纳大房租一款，拖欠三十餘年。兹据大房租管事禀明，蒙经出示晓谕在案。合行饬差，为此仰役前赴该处，勒令居住之人，将屋拆毁，让出空基，以便招佃完纳房租。如居住之人硬不挪移，即行带案，以凭究办。去役毋得徇情，致干查究。速速须票。

同治十一年四月十四日

圣 公 府

汶上南寺庄小甲为乾元杂货铺抗欠房租稟请催讨事

〔查究侵霸本府汶上县庄田宅基暨禾粮公物（一六二六）之十三〕

具稟汶上县南寺庄小甲何海峰，

为据实稟明恩 恩作主事。窃小甲今岁四月初一日，蒙恩

赏办南寺庄小甲事宜，其庄务房租，应小甲催取。有城内乾元杂货铺，欠去年房租钱十九千，本年房租钱三十五千二，共该钱五十四千文。屡催屡抗，分文未交。不意伊东周隆桂，反于本月初四日，以仗势力欺凌，毁伊器物，捏控小甲于汶上县主案下。蒙准稟传，不得不星驰来

府，据实稟明。伏思小甲有催租之责，未敢惰懒。似此讨则被告，怠则误公，若不稟请移会讯究，以后租粮何以催讨？为此叩乞

公爷电鉴作主，实为公便。施行。上叩。

增源杂货铺 侯永贵

四邻

高姓茶馆 李 四

光緒十五年七月初一日

汶上县申为小甲何海峰控周隆桂抗欠房租讯断缘由事

〔查究侵霸本府汶上县庄田宅基暨禾粮公物（一六二六）之十四〕

署兖州府汶上县为申请销案事。案蒙

爵宪札开。据小甲何海峰具控周隆桂抗欠房租等情一案，飭即传集讯追给领。等因到县。蒙此，遵查此案，前据卑县恩生周隆桂，以立意拐讹等情，喊控何海峰，并开呈失物单到县，当经卑县传案，讯缘周隆桂租赁何海峰经管房屋，开铺生理，照约纳租。因周隆桂与何海峰账未算清，周隆桂即将房租拖欠不给。何海峰旋将隆桂铺房锁封，即经周隆桂控。经讯悉前情，当以周隆桂有意拖欠，固属不合。而何海峰自行擅封，亦属非是。各予薄责示儆，并令中人宋兴彬等将账三面核算清楚，再行讯夺去后。兹蒙前因，复经伊等将账算清，集齐讯明。去年房租何海峰长支京钱九千三百三十文，今年正、二、三、四、五等月，应计房租京钱二十九千一百五十文，除扣长支外，周隆桂应找付京钱十九千八百二十文。周隆桂原租此房内有邓保元置买协成号瓦房四间，泥屋六间，共价京钱一百二十千文。邓保元以原价转卖于周隆桂，注明租约，似非以原价断归，不足以昭公允。除扣短欠房租京钱十九千八百二十文，

应找给周隆桂京钱一百千零一百八十八文，已如数付给。周隆桂已将宅房腾交清楚，永断纠缠。除取结附卷外，所有讯断缘由，是否有当，理合具文申请爵宪鉴核销案。再卑县所有房租，委员议令按季呈缴，不由小甲经管。除遵照出示外，合并声明，为此备由具申，伏乞照验施行。须至申者。

右 申

太子太保袭封衍圣公府孔

署知县 张茂贵

光緒十五年八月初八日

四、佃户土地纠纷与抢割田禾

生员徐宏烈稟为乡约强迫赎买地亩伏望严审正法事

〔顺治、康熙、雍正年间处理兖州府属贡监生员讼案（三九九六）之二〕

治下生员徐宏烈

稟为恃酒行凶凌辱服兄事。切照治生于顺治六年，盗贼蜂起，军务繁兴，政烦赋重，民不聊生，土地置而不问之日，买到徐鹏万名下荒宅，荒地数亩，约明价足，并无争差。及至太平无事，屡索赎取，昨因治生乡间收麦，迫立约取赎。治生亦未肯轻许，鹏万恃酒行凶，凌辱百端，闾乡共见，人人痛恶。乡约李谦等证。窃思土地荒芜之日，便思卖出推差，太平无事之时，即欲强逼取赎，又且凌辱兄长，似此法理难容。伏望

府主老爷严审正法，庶人伦彰著，风俗表正，凶恶知惩，懦得安矣。须至稟者。

被稟人徐鹏万

干证乡约李谦

順治十七年五月初八日具

准拘。

徐鵬程

范县民卢管启为租银行税尽归一人事

〔康熙年间处理孔庙各屯庄佃户讼案（一）（三八九八）之二〕

具启人卢管系范县民。

启为哀天怜准究审剔弊归产事。切身等本族共祖产荒熟地六顷，原数进卖府内。今蒙老爷天恩，将原产放赎，批定价银四十两。众家揭贷苦凑，方得交完。举家得业，栖身活生，铭刻肺腑。不意被馋臬萧孟秋狼贪无厌，簧口朦捏，租银行税尽归身等，复票行查，致身等惊惶难安。其本年租银行税，现有徐杰承管收纳，身等过岁方得耕种。诡谋显然，乞本府老爷电准批拘，详审斧断，沉冤得伸。叩天上启。

被启 萧孟秋

汗单一纸证

康熙元年八月十五日叩具

准发票拘。

户人孟文脉启为乞究地价以完官银事

〔康熙年间处理府庙属官讼案（一）（三七一九）之一〕

具启人孟文脉系户人。

启为乞究地价以完官银事。切有孔尚岱将地三亩，上带大枣树二十三株，出当与身弟孟文玉。当价银十四两，原价回赎，文约、中人存证。今将枣树杀伐一空，地不回赎。前具启

□台，恃势藐玩，坑身官帐未完，碎骨无处。乞

□亲审斧断。叩启。

被启 孔尚岱 孔尚爵

干证 约中孔尚美 并文约

康熙三年七月初一日具

准行。

伴当等启为请示禁止满兵放马食践禾苗事

〔孔庙平巨屯佃户屯官等稟报灾荒缓免祀田征租（四一一一）之一〕

具启。现役伴当陈三策
蔡廷车系平阳、巨野二屯佃户。

启为恳恩请示事。切身等俱现在巨野地方居住，苦种麦禾，办纳祭祀祭口。昨被满兵放马，已食践大半，又被霜打，苦不堪言。今又有满兵在彼放马，恐食践太甚，钱粮何所办纳，群乞

老爷天恩，请示禁约。庶麦禾稍有所获，而群佃得以安生。感恩上
启

具启人

刘应口 陈养秀 刘汉臣

卞若林 王汝瑾 蒋贵玉

李朱典 王汝玉 许学善

吕洪任 李凤仪

康熙十四年四月二十九日

准给示。

告示为禁止满兵马匹践食禾苗事

〔孔庙平巨屯佃户屯官等稟报灾荒缓免祀田征租（四一一一）之二〕

巨野平阳二屯示

为息恩讨示禁约事。据现役伴当陈三策〔缺〕稟前事。稟称，身等现居^{平阳}巨野屯地方，苦〔缺〕。办纳祭祀钱粮。昨被满兵在彼放马，〔缺〕又遭霜打，苦不堪言，钱粮从何办〔缺〕天恩，讨示禁约。麦禾稍有所获，而〔缺〕各等情到府。准此。合行出示禁约，〔缺〕该屯屯官佃户知悉，如遇牧放马兵丁人等〔缺〕马食践麦禾者，尔即稟报前来，以凭〔缺〕该管衙门究治不贷。特示。

东抚咨为孔衍江率众抢麦刺伤人命一案原被告干证人供词事

〔康熙年间处理孔庙各屯庄佃户讼案（一五）（三九一二）之一〕

巡抚山东等处地方督理管田兼理军务兵部右侍郎兼都察院右副都御史加一级又加四级王 为抄抢无休懦民不生乞天急救事。康熙四十年三月二十八日，据按察司呈称。据兖州府呈称，康熙三十九年五月二十六日，据邹县人朱藩状词前事。告称，切身庄农，赖地活生，蹇遭势监徐之龙等，于本年四月二十八日，率领打手司万真、徐镇乔并虎仆卢宣、地方熊好义等三十余人，将身麦禾抢割一顷。身向拦阻，群凶持械毒打，头破血流，死而复生。阎世俊证。控县，势捺不究。身将前情于本年五月初八日具控，未准。伊愈抄抢，又将身买到孔兴沾地二十四亩，尽情抢割。且四面短截，必以打死为快。致身苦力一载，家无呼鸡之粮，拆墙掀屋，阖家无藏身之处。日今破伤风发，命在须臾，不得不急奔天台，恩准亲提，急救良懦，一字若虚，立毙杖下，哀哀上禀。被禀徐之龙、徐伟、司万真、徐镇乔、卢宣、梁成选、熊好义。干证阎世俊、孔兴沾。等情，具控到府。据此，随行邹县确查具报去后，续据该县申称，蒙此，案照朱藩即已故民朱光先之子也。康熙三十七年九月十一日，蒙前府陈禀为抢割麦禾反

行截杀事。据该县申解犯人朱光先等到府，本府审取各犯口供在案。审得监生徐之龙、以武举孔衍江、民朱光先等争地抢禾，致讼行县严查。两造抗不服拘，提赴本府亲讯庭鞠之下，据之龙供，伊故父年幼，失迷地二顷四十亩，被衍江之兄衍浩及光先等占种，久经退明，即其所置两家地亩，多寡不一，然皆契卷炳据。又奉前府审断，是之龙父子相承之业，非衍江诸人所得覬觐也，明矣。何于夏之交江等复控，县批，秋后丈量，并不静候，强与之龙各佃户分去麦石高粮。今衍江尚称衍浩卖与徐姓二十五顷外，有剩余之地。且供连霸伊自置地两顷八十五亩，此毋论。龙父正买浩地十二顷余，属伊族孔兴浩，弟既有自置私产，则买自何年，卖自何姓？衍江不能一言辨析。如公产果多口余，前衍浩安肯退让？又不待衍江今日之争矣。光先卖地四十三亩，之龙曾遵断归回，尚未得受原值。乃光先于数年后借口短少，羽翼衍江，公然抢收，而犹嗷嗷希图宅地，刁横不更甚乎。虽质之窝里，故现两村乡长付子超等，止见光先殴骂之龙于马培门首，并无持械之事。其放火烧屋，亦无目击之人。但各佃户司廷俊等供，衍江、光先强分凿凿，知无辞于抢夺之律矣。衍江本应重罚，念属圣裔，姑从宽政。光先朴责示惩，其分过麦石、高粮、行县，照佃户供数追口之龙收领，地仍听之龙管业。该县前准丈量一词，并飭注销，以刘葛藤可也。除立案备照外，合行飭知。为此，票仰该县官吏，照票事理，文到即将朱光先责惩。其孔衍江等分过麦石、高粮，照各佃户所供数目查追给付徐之龙收领。仍取领状报府存查。计粘抄单一纸，内开孔衍江、朱光先各强分徐之龙麦粮细数，等因到县。又于康熙三十七年十二月初四日，蒙分巡东兗道兼摄兗州府事务宋，票为杀人放火事。本年十二月初一日，蒙巡抚部院王批。据摄府申详，朱洪先告徐之

龙等缘由。蒙批如详。从宽发□□□缴，等因到府。蒙此合行发落。为此，票仰本县□吏查照院批详票事理，即将朱洪先从宽，照不应重律折责枷示发落。至于徐之龙呈孔衍江等率佃抢夺麦禾、高粮之处，虽经前府审明断给，俱未取领，应照原词查追取具领状，并发落缘由，具文报查。计发院详一连，录完先缴。详册内开，该摄府东兗道副使加一级宋，看得朱洪先父朱应龙，原代徐之龙父徐履端看管邹县窝里村之庄地。当时也，履端年幼，应龙欺其无知，隐占其地九十八亩，并上带草房四十八间。相沿日久，视为己物。遂传与伊子朱光先、朱洪先管业，而履端仍莫之知。至康熙二十八年内，朱光先为暴，闾里凡被害之家，皆指其恶迹，列款公首，始将前项隐占地亩情由汗出。而光先、洪先不能隐藏，乃连名写立退字，将地九十八亩，草房四十八间，一并退给与履端收回管业。于三十二年内履端物故，光先又欺端子之龙幼稚可扰，复行告争。经前任喻藩司批行，前任祖知府审明，将地九十八亩并宅一座仍断给徐之龙照旧管业。惟另有地四十三亩，据朱光先坚供，昔年卖与徐履端，原非情愿，随断令朱光先备价取赎。今地价虽未交清，其地现系朱光先耕种收利。在徐之龙家素温饱，产业颇多，亦将此四十三亩之地价置之度外，不与之较多寡，夫亦可以已矣。不意朱光先怙恶不悛，于本年四月内又勾通武举孔衍江，妄称衍江之兄孔衍浩，将地二十五顷卖与徐姓外，尚有剩余之地，又称衍江自置地两顷八十五亩，亦被之龙霸去。借此情由，率佃抢夺徐之龙麦石、高粮。当据之龙赴府控告，经前任陈知府审明，将朱光先责惩。凡系徐之龙祖业地亩，仍听之龙管业。各取供在案。今朱光先之弟朱洪先，又以杀人放火上控宪轅。蒙批邹县查案。报该县遵将原案备录申详。又蒙批府审讯。摄府遵将各犯证行提到案，逐加研

讯。查孔衍江之兄孔衍浩，退给徐履端地，并朱光先、朱洪先退给徐履端地，共计二顷四十四亩，并宅一座，实系徐之龙父子相承祖业。经前任祖知府、陈知府 审明确，毫无疑窦，无容翻异，相应仍听徐之龙照旧管业。其许令朱光先备价取赎地四十三亩，现系朱光先耕种，无庸置议。又孔衍江等率佃抢夺徐之龙麦石、高粮之处，系陈知府审结之案，似亦无庸深求。惟是朱洪先于陈知府审结之后，又告徐之龙霸占伊地一顷五十亩，主使伊弟徐之伟率领多人，各持凶器，刀伤伊妻，火烧房屋，抢劫粮食等语，庭讯之下，尽属子虚。及诘问，洪先不能置辩，惟云伊不识字，状系请人代写，求宽宥罢。据此，则洪先一犯，除证告徐之龙霸地、抢粮、伤人等各轻罪不议外，查口口放火，故烧民房屋者皆斩，朱洪先所告徐之龙、徐之伟等放火焚屋之处得实，则徐之龙等应依律皆斩监候。今虚，朱洪先应照证告人死罪未决者杖一百，流三千里律，拟流发遣，应否行今按察司，再加确审招拟。仰或念无知，纲口一面，将该犯照不应重律祈责枷示以儆刁口。余审无干，均应省释。总出宪恩，摄府未敢擅议。拟合详报，伏候宪裁。等因。票行到县，该邹县知县卢薪孺，遵将朱洪先照不应重律折责枷示发落，具文申报外，一面照依府票单开孔衍江、朱光先，各名下强分徐之龙麦粮数目，差役追给去后，衍江、光先抗玩年余，升合未吐。至康熙三十九年四月十六日，据窝里村头熊好义稟，为打架事。稟称，切有司住等，于十四日已牌时候，打孔相公不堪，特报裁夺。中间不口冒报，所报是实。同日 又据四氏学生员孔口梓呈，为群棍打伤父命事。呈称，切恶棍司住，幼为和尚，壮为道士，专一在峰与野道合夥不法。前任韩父母严拿责惩，伊惧罪远遁。在生父与伊素无盃酒之交，更无一眦之嫌。忽于本月十四日，率领群棍十余人，尽持铁棍钢

圈鏢镰利刃，将生父叫出，蜂拥抬打。生父实老迈弱儒，不但不能支持，且难以逃走，以致双股打折，遍体无完肤，衣服扯碎，浑身无寸丝。幸有邻佑李述先喊叫救护，目今命在旦夕。叩恳亲口伤痕，严拿凶棍。倘生父命有亏，则人命有归。被呈司住、高连登等，不知名十余人，在司住地方二人名下报，干证李述先并本村地方，各等情。据此，当堂讯问熊好义打架情形，据供，并未见打，系孔兴梓自写报呈，勒令投递。随面谕兴梓速将伊父孔衍海抬来验伤，以凭拘审。而衍海抗不服验，则其无伤妄控不待问矣。本年五月初二日，又据窝里村庄头熊好义稟为稟报事。词称，切因徐之龙具呈一纸，蒙天批，着庄头巡查，如遇抢割之龙麦禾，令身拿获解县。于本月口一日，有之龙家人王奉典，被孔衍江率领多人，不知名，各持枪棒，照奉典狠刺左腿，现有枪眼可证，身畏孔家势重，不敢拿伊。事关凶恶，理合稟报。同日，又据朱藩稟为抢劫麦禾，打伤人命事。词称，切生种麦禾七十亩，举家赖以活生。昨于前月二十八日，有凶棍司住，率领本族不知名虎恶九人，并夥同徐振桥父子六人，不论生熟，尽行割去。生持理救护，反被殴打，遍身青肿，头骨毁烂，真无天无法。叩恳验伤验麦，差拘审究。被稟司住，不知名司姓凡人，徐振桥父子六人，干证本村地方熊好义，并麦查证各等情。据此，当堂验看朱藩并无伤痕。又于五月初四日，据贡监徐之龙呈为掠无休事。呈称，祸因康熙三十七年，孔衍江等抢割生家麦秋田禾，占住房屋，霸种地亩，业经声明在案。蒙抚院大老爷批允追给。票行到县，差役押追一年有余，并未退给。且衍江益肆凶恶，昨于本年四月十四日，捉生痛打，希图抢麦。生已稟明天台，蒙谕，庄头巡查，固息讼之美意也。奈衍江等不遵，于本月初一日，又在窝里村招聚多人，各持兵器，将生看庄仆人王奉典连刺

数枪，劈头刀砍，见有枪眼刀口可证。似此凶横不畏王法，何异反叛。若不早除，必生大患。哀叩为民作主，严拘正法，上呈。被呈孔衍江、孔衍海、孔兴梓、李裁缝、王三兄弟二人，不知名百余人，干证郑国俊、熊好义，等情。将王奉典抬至当堂验明，奉典头上偏右刀伤一处，右胁肋枪眼一处。据此，拘审间，朱藩抗不服审，复奔上控，致蒙票行查。遵即唤讯去后，本年六月十二日，据贡监徐之龙诉为违断产，强抢麦禾，杀伤人命，反行捏诬事。词称，祸因生父在日，在窝里村原有祖业地二顷五十亩，因

清初年荒，被朱藩故父朱光先占种九十八亩。后于康熙二十八年，光先为恶多端，被窝村居民郑国俊等公举到府，将此项地亩供出。伊恶惧罪，当堂将原地退与生父管业。当年又将自己地卖与生父四十三亩，至三十二年，光先窥生父病故，欺生孤孀，诬捏势宦霸产抄杀蚁命事，耸控本府。又以恶监霸产遗粮等事，枉控布政司大老爷案下，亦蒙送本府。遂蒙升任祖一事审明，断令光先备原价赎回所卖地四十三亩，并未偿价，已经种去。其所退地九十八亩，原系占种生家之地，断令生照旧管业，永断葛藤。当有和事人段锡玠等为证。又有杜绝一纸，并本府帖之可凭。不意光先贪心无厌，得陇望蜀，祸生不测。至三十七年，勾通武举孔衍江为护符，夥党多人强抢生家麦秋田禾六顷有余，占住生家房屋。朱光先乘机又强霸额外地二十四亩。生呈控本府，蒙批行县确查，差人下乡，查拿凶手，朱光先恐露真情，令伊弟朱洪先放火烧毁生房屋。洪先妻陈氏自击头颅以肆图赖，朱洪先遂以杀人放火等事，谎词妄控抚院大老爷案下。蒙送本府陈，审明霸占图赖情真，又蒙署府事东宪道宋，复审明确。将宅地断归与生管业，抢去麦秋杂粮，行县照数追给与生收领。将朱洪先反座问罪，呈洋抚院。业

蒙详允在案。迄今三载，断出杂粮并未吐给升合，宅地并未退给还，现今悬案未结，马魁礼证。且于本年二月间，孔衍江复又霸种生地二顷八十亩，若干粮银，累生赔纳。又于三月二十一日，朱光先病死在伊家，其子朱藩等竟移尸于生家屋内，停柩展赖，司万真、阎世俊见证。及至四月二十七日，令人赴乡收麦，变纳粮银。孔衍江等率领多人，替朱藩作护符，向生场内抢生麦禾。看庄仆人王奉典拦阻，被衍江连刺数枪，劈头刀砍。将场内麦禾抢去三百余束，现有枪眼刀口为凭，熊好义、郑国俊确证，业经呈明天台在案。因未蒙审理，不敢越渎。詎料衍江惧天究讯，露出真情，反唆朱藩以抄抢无休等事，无影谎词，耸控本府，希图展脱。内诬强抢麦禾，打伤人命，拆墙掀屋等语。及经行查，朱藩又以九十八亩、外有地二十四亩为辞，但九十八亩即朱光先于二十八年原退九十八亩之地。其二十四亩，乃系生父买到孔衍浩十二顷地内之地，俱系生家行粮地亩。今生收麦乃收自己行粮地内之麦，与伊何涉，胡云抄抢伊家。此等捏诬，难逃天台洞鉴，伏乞恩准照依真情，据实回覆。被诉朱藩、孔衍江、朱洪先、朱珂、朱珩、朱珩、孔衍海、孔兴梓、李裁缝、王三、王五、孙大牛、刘大汉、丰有臧、赵纯，余不知名。干证马魁礼、熊好义、王奉典、枪眼、刀口、郑国俊、段锡珩、廖登第、法庆司、万真、阎世俊。二十八年卷一宗，三十年卷一宗，杜绝一纸，薄中奇本府帖文三十七年卷一宗等情。又于六月二十一日，据武举孔衍江禀为泐陈颠末叩息并详事。禀称，易信王府藩产一处，坐落窝里，大变之后，尽皆荒芜。至顺治十年，徐繁认荒五顷，十一年孔尚任全庄尽认，两家构讼。具控荒院尽断于任，繁止存已耕熟地六十三亩。至顺治十六年，孔尚任、王天保等将荒熟地卖于生父二十八顷余亩。至康熙七年，生同孙治、徐繁

等自买到孔尚住宅地二顷八十五亩，约中凿凿。至十二年，繁子徐履端，乡榜得意，乘生有事，霸去二顷四十亩，立逼过割。至二十年，闾学公举履端，牵生为干证，将原地断归于生，现有原招在案。本县执照朱批过割可凭。至二十八年，履端春闹得志，逼买生兄衍浩本庄地二十五顷，价止五百两，照约开粮。外有原霸原退之地二顷四十亩，仍逼生兄写立退约，捏词云系伊家原业，因年幼失迷，今经查出，情愿退归本主，即此退约。霸情逼露，地系藩产，伊乃徐姓，不得认为己业。况端长生七岁，彼时伊父现在，不得捏作年幼失迷。生买任地之时，伊父现作同人，况前司断已明，地既退去，粮银未开。不惟二顷四十亩之地霸而又霸，且将约外之地全庄尽吞。地去粮存，至今赔累。生屡年控告，实万万不得已也。生控前任韩父母，奈与之龙师生情分数年，致讼终成悬案。生于三十七年具呈禀明，同佃户分收约外之麦一顷九十亩，以办接年粮银。之龙捏控前府陈，云生抢割，前府陈系伊父同年，情贿交通。去印之后，方批县追我，致生冤上复冤，情何以堪。生于春间种禾二顷，彼时龙亦无言。生不找节年籽粒粮银，各管本业。龙复具呈生抢割麦禾，伊却将朱藩麦禾抢割，然伐虞即伐虢之渐，定抢生所种之秋。生岂肯轻让于伊，两下抢割，势必打架。今藩控司批府，火票提各犯口供，叩恳并详，生即静听剖断。等情。据此，随将一千人犯拘唤到县，当堂秉公研讯，审问朱藩。五月初二日庄头熊好义报称，孔衍江率领多人，各持枪棒，将徐之龙家人王奉典刺伤，本县验明王奉典头上有刀伤一处，右臃胁有枪眼一处，已准拘审。同日你又告称徐之龙率领佃户司住等抢割麦禾，将你打伤，遍身青肿，头骨毁烂等语，本县验你无伤。且状内被告具称不知名，故将你状上批满纸谎词字样。但你同孔衍江原系一事，为何不候审理，又

赴上台告状。且你县状并没说拆墙掀屋，府状又任意添写，可见是谎词了。据供，官生种了九十八亩麦子，尽被徐之龙家割去了，官生才告状。诘问，查阅历来卷案，你窝里村止有赎回地四十三亩，那九十八亩地原是徐家的，你老子久已退出，立有退字，屡经上台申明。还有你老子前年强收徐家的麦子高粮，本县奉文差役押追，一年有余，升合不吐，你又把退出的九十八亩地种了，倒说是他抢你的麦。告这刁状，是怎么说呢？又供，那九十八亩地原是官生家的，官生又种了是实。又诘问，既原是你家的，你老子为甚么立字退与徐家呢？又供，当日官生的老子因有官司，怕徐乡宦势力，不得已立了退字。又问，五月初一日孔衍江领人打架，你也在跟前没有？又供，那日官生也在跟前是实。审问熊好义，据朱藩告称徐之龙率领司万真等强抢麦禾，把他打的遍身青肿，头骨毁烂，又拆墙掀屋，带你作证，你把情由说来。据供，小的并没有见打他，也没见拆墙掀屋，只求验朱藩有伤没伤就明白了。又问，你呈报王奉典被孔衍江领人刺伤，他头上刀伤是谁砍的，腿上枪伤是谁刺的呢？又供，小的没看清，只问王奉典就明白了。小的只见孔衍江骑着一个马，领有二三十人往徐家场内抢麦打架，王奉典被了伤，小的就来县禀报了。又问，那王奉典枪伤在右肩膀，你怎么报称左腿呢？又供，那时小的慌忙中只见王奉典腿上中了一枪，原没看清左右是实。审问徐之龙，你如何领人抢割朱藩的麦子，拆毁他墙屋，把他打伤？说来。据供，监生窝里村的地亩俱是承的祖业。这朱藩父子刁恶，监生受不尽他的害。他窝里村止有从监生手里赎回去的四十三亩地，也没与监生地价，其余并无寸地。他屡年霸种监生的地，俱经申明有案可据。至三十七年朱藩之父朱光先，又勾合孔衍江领人将监生麦子抢去六顷有余，监生赴上台具呈，朱洪

先就在抚院大老爷案下告监生杀人放火。俱蒙摄府宋道老爷审出真情，将他枷责，宅地俱断与监生管业，抢去麦禾行县追给，至今未偿升合。昨朱光先死了，朱藩又将他老子的尸抬到监生宅子上希图展赖。这九十八亩地仍然是他霸种着，至今三年，粮银是监生赔纳。故今年着人把这九十八亩地内麦子收了，变纳钱粮。五月初一日，朱藩又同孔衍江率领多人，持枪带刀，到监生场内抢麦。仆人王奉典拦阻，被他刀砍枪刺，几几毙命。现在伤痕已蒙验过，他霸监生的地，倒告监生抢他的麦。他刺伤监生家人，反说是监生打伤他。只求明断。诘问他那四十三亩地内麦子，你也收了么？又供，四十三亩地监生虽没得他价银，到底是奉上台断过退给他的地，那有收他这地内麦子的事。又问，九十八亩地与孔衍江无干，他为何领人来打架呢？又供，孔衍江和朱家从来是一夥，他前年强分监生的麦粮，蒙票押追，并不曾给。今年二月，又霸种监生二顷八十亩地。审问司万真，即司住。你是徐之龙家打手么？据供，小的是徐之龙家种地人，并不是打手。朱光先退出的那九十八亩地内，小的种了五亩，三十七年朱光先又霸种去了，今年徐之龙叫人把这九十八亩地内麦子收到场里。那日打架，小的丈母死了，并没在家，不知道是实。又问，四月十四日你为何把孔衍海打伤？供来。据供，小的并没打他，有何伤痕，谁是见证？只叫他自己说罢。审问郑国俊。王奉典的刀伤，枪伤是谁砍刺的？从实供来。据供，王奉典枪伤是朱藩攘的。刀伤小的没看清是谁砍的，小的只见孔衍江骑着马，带着刀，往徐家场里抢麦是实。审问王奉典。你是徐之龙家甚么人呢？据供，小的是徐之龙家仆人，在窝里村看收麦子。孔衍江、朱藩领人拿枪刀来场抢麦，小的拦阻他，孔衍江就把小的头上砍了一刀。朱藩把小的腿上攘了一枪。至今刀口、枪眼还没好。审问王五。你是孔衍江甚么人，你帮他打架呢？据供，小的与〔下缺〕

豫抚咨为何苏周纠众霸产希追销县照以杜后患事

〔康熙年间处理孔庙各屯庄佃户讼案（二二四）（三九二一）之二〕

巡抚河南等处地方提督军务兼理河道都察院右副都御史加四级李 为恩赐移文开垦古荒事。据布政使司布政使张伯琮呈，蒙本都院批。据本司呈前事内开，该本司查看得何苏周等在南阳县认垦荒地一案，蒙护院准

衍圣公移咨。行令该县查明何苏周等认垦古荒，坐落顷亩，缮造清册，出具印结。等因，随行。据南阳府详称，查得何苏周等认垦南阳属荒地一案，缘康熙五十三年间，何苏周等奸串地方张宝珍等，捏结投认有主之地。升任南阳县王令未经细察，出给执照。旋有卢殿等联名控告，经本府沈守，行县审出何苏周等，冒认捏结各情弊，批令追照驱逐在案。因何苏周等带照在逃，无凭追销，悬案未结。今蒙宪准

公府咨查，遵即行据署县详覆前来。卑职覆查何苏周等所领俱属有主之地，并非古荒，何得捏结生事。相应详请，转详抚宪，咨覆

公府，并追销县照，以杜后衅者也。等情，详覆前来。相应据详转呈，伏候咨覆等情。呈详

蒙批，仰候咨覆缴。等因，批司。蒙此，随行南阳府转行南阳县查照在案。今据南阳府申，据南阳县详为抗断脱逃，复肆抢占，号天亲查法讨以救一方生民事。本年六月十三日，据县民卢殿状告前事。词称，祸因土棍张应魁等，勾通

衍圣公屯厂何苏周、杜思惠、刘李芳，纠合百余十人，于去年三月内，投送

公府文书，捏造乡地甘结。将殿南召鸭虎坪行粮地亩及官工山场，并众姓民山、民地诬照冒领，概行霸占。殿等各具情词控县、控府。当蒙审明，委系霸占有粮民地。蒙府天金批枷责追照驱逐。而何苏周等自知理亏，带照脱逃。曾蒙县府申详，并蒙藩宪转详抚院大老爷，请咨

衍圣公追销印照行知在卷。詎张应魁等乘府天公出，前县升任，复串何苏周等统领多人，于本年二月二十二日再至南阳。居住张应魁家中，并分住各山，将殿及众姓地亩山场复肆霸占。持枪执刀，势同大盗。强收木耳，抢割二麦，小民畏威莫敢伊何。俱经控禀署县，并获有刀枪等凶器存库有案。因署县上省，未得审究。现今恃众横行，民不安枕，等情。又据民人裴有龙、卢群凤、卢太凤、韩养身、王进京、韩养粹、裴美吾、叶菁、方禹莫、王作人、裴有景等十一词，皆告何苏周、杜思惠、刘李芳并地棍张应魁等霸地抢夺。卑职查照各词，差役拘审去后，随据原役回称，何苏周等拘到，刘李芳、张应魁逃走无踪，无凭拘审，等情。即将现在各犯，证当堂研讯。问卢殿。这何苏周等如何占你的地亩山场，抢你的籽粒木耳？你从实说来。据供，去年三月里，那何苏周、杜思惠、刘李芳同地棍张应魁、张宝珍等带了许多人，来到南召地方。说他是衍圣公府里差来开荒，已经南阳王老谷给了印信执照。小的

们共有二三十家，都到城里告状，蒙太老爷批断，将张宝珍等各责三十板。何苏周等领照追毁，驱逐境外。何苏周们就带了执照逃回山东去了。到了今年正月里，又奉

衍圣公咨文，行查地亩。又蒙护府董老爷详请布政司大老爷，转详抚院大老爷，移咨

衍圣公追销县照。不想何苏周们见太老爷公出，借衍圣公的咨文，又于本年二月二十二日到小的南召地方，带了许多人，也有住在张应魁家，也有住在山上，霸地耕种，砍卖树木。到后来麦子熟了，抢割麦子。收木耳的时候，又抢收木耳。小的们连告了几状，在署事老爷案下，皆拿他不来，于今拿到了几个，只求作主，与小的们除害，小的们就有生命了。等语。又问，你们说他们拿枪拿刀，果是真么？供，他们来抢麦子，小的们也舍了命与他也打过几遭架，现抢有他们枪刀，都存在库里。这枪刀都经沈典史审过，他们也自家承认过，还有沈典史详文解上来的。又问，他们抢麦子、抢木耳，都有证见么？供，他们各处抢夺，有各处的见证，只求问各状上的见证孙安、张继悦们就知道了。等语。问原告裴有龙等十一名，各供与卢殿相同。随问据各词内干证孙安等十二人，同供，何苏周们抢麦子、木耳，小的们都看见来，原是真的。又问，你们既看见，为何不拦阻他呢？供，何苏周们说是他认的地，该他收割。还说卢殿们是夺种他的，况他们带刀拿枪，小的们也不敢拦阻他，只求详情等语。问何苏周、杜思惠，你们串通南阳的地棍，假捏甘结，骗取印照，霸占人的地亩山场，已经审明有案。你们不缴印照，就逃回山东去了，为何今年又纠领多人，复到南召，在山上住着，霸种地亩，强砍木头，又持刀拿枪，抢夺他们的麦子、木耳吗？供，这地亩山场，原是小的领了开垦的，

现有印信执照，就是小的们地亩山场了。他们原种不得就种了，也该小的们收割的了。诘问，你们五十四年去开垦，他们当时就告了你们霸地，你们并没有开垦，怎么说这地就是你们的地？他人种的谷麦，就该你们收了呢？供，小的认过了，自然就是小的们的了。又问，你领的印照拿出来看。供，小的们领的印照，同王老爷的文书，一总交送公爷府里去了。又问，开垦地为何拿枪刀呢？供，枪刀原有是小的们防身的，等语。又问张宝珍、张仲奇、高玉莪、马胡子、许三、朱章孟等。你们为何勾串何苏周等霸卢殿等他们众人的地，又抢籽粒木耳呢？同供，原是何苏周们说，他认了地，领了印照，这地亩山场都是他们的。叫小的们替他耕种，还他的籽粒，也有雇给他做工的，并不是小的们霸占。就是割麦子收木耳，都是何苏周们做的事，与小的们无干，只求天恩超豁。各等语供吐在案。据此，该南阳县知县郑勋看得何苏周、杜思惠、刘李芳等，皆

衍圣公府之屯户也。先在升任王令任内，假结诬县，冒认有主民地，当经控本府批审，蒙飭追照驱逐。而何苏周等即带照逃回。嗣奉抚宪准

衍圣公咨文，又经署令查详护府，蒙藩宪转详抚宪，咨覆追销县照在案。诘何苏周等奸险莫测，乘宪台公出未回，藉称

衍圣公咨查，复统多凶，再至南召地方，横行霸占，大肆抢掠，以致民怨腾沸。卑职据控查讯，如卢殿等所供，委皆实情，并无虚谬。惟何苏周等遁词早穷，祇以地亩山场，系伊己领，所有谷麦木耳，应伊割收为词。似此棍徒，真乃不知

功令为何物者也。何苏周等本应照强占民山律究拟，但查此案，原被证佑数十人，方今时际农

忙，若解宪解省，不无牵连拖累，有妨民业。况何苏周等假结骗照，强占抢夺各情由，久在宪照之中。除脱逃之张应魁，俟获日究结。其刘李芳一犯，既逃回山东，无从究处外，所有何苏周、杜思惠、张宝珍等，已经分别枷责，相应申请本府裁夺。等情到府。据此，该南阳府知府沈渊，查得山东民何苏周等，捏结认荒，业经护府董牧详蒙转详院宪批飭，咨转

公府，追销县照，以杜后衅在案。今据南阳县详称，何苏周、杜思惠等，复敢率众来宛，用强抢收谷麦木耳，藐法欺懦，殊属凶横。该县当将该犯讯明，分别枷责，详报前来。除飭令该县将何苏周、杜思惠二犯俟枷号满日，责惩递押回籍。无干之人，先行省释，以遂农时外，合即详请俯赐，转详院宪，咨明

公府，追销县照。飭令毋得再来生事，以靖地方。等情到司。据此，该本司查看得何苏周等认垦荒地一案，先蒙护院准

衍圣公移咨，行据南阳府详，据南阳县查明何苏周等所领，俱属有主之地，并非占荒。伊等捏结生事，当经据详宪台，咨覆

公府，追销县照，以杜后衅在案。兹复据该府县详称，何苏周、杜思惠等，复敢率众来宛，用强抢收谷麦木耳，藐法欺懦，殊属凶横。该县当将该犯讯明，分别枷责，详报前来。除飭令该县将何苏周等二犯枷号，满日责惩，递押回籍。无干之人，先行省释，以遂农时外，详请咨明

公府，追销县照。飭令毋得再来生事，以靖地方。等情前来。相应据详转呈。伏候移咨公府。等情到本院。据此，相应咨明。为此合咨

貴爵，請煩查照施行。須至咨者。

右 咨

太子少師襲封衍聖公府

康熙五十五年八月二十三日

南阳县咨呈为递押何苏周等回籍并希缴销印照事

〔康熙年间处理孔庙各屯庄佃户讼案（二二四）（三九二一）之三〕

河南南阳县，为抗断脱逃复肆抢占号天亲查法讨以救一方生民事。蒙本府批。据卑职申详前事。蒙批，查何苏周等冒荒占熟，生事地方，经护府转详，蒙院宪咨覆，追照在案。何物棍徒，复敢占抢，法难轻纵。仰即妥叙确供，勒追原照。另详以凭核转咨。解其刁棍张应魁、张宝珍等一并严拿详究。缴。蒙批，随复录供申覆。蒙批，仰候核转。缴。同日，又蒙本府信票行同前事，内开，据该县中，据卢殿等告，何苏周等复肆抢民山、民地详由到府。据此，除详批仰候据转外，合再飭知。为此，票仰南阳县官吏照票事理，文到，俟何苏周等枷号满日，重责发落，备文递回原籍，取具接递收管报查，等因。蒙批，案查本年六月三日，据县民卢殿状告前事。词称，祸因土棍张应魁等，勾通衍圣公屯丁何苏周、杜思惠、刘李芳，纠合百余十人，于去年三月内投送公府文书，捏造乡地甘结。将殿南召鸭虎坪行粮地亩，及官工山场，并众姓民山民地，诬照冒领，概行霸占。殿等各具情词控县控府。当蒙申明，委系霸占有粮民地，蒙府天金批，枷责追照驱逐。而何苏周等自知理亏，带照脱逃。曾蒙县府

申详，并蒙藩宪转详 抚院大老爷，请咨

衍圣公追销印照，行知在卷。詎张应魁等乘府天公出，前县升任，复串何苏周等统领多人，于本年二月二十二日再至南阳，住居张应魁家中，并分住各山。将殿及众姓地亩山场复肆霸占，持枪执刀，势同大盗。强收木耳，抢割二麦。小民畏威，莫敢伊何。俱经控禀署县，并获有刀枪等凶器，存库有案。因署县上省，未得审究，现今恃众横行，民不安枕，等〔缺〕有龙、卢群凤、卢太凤、韩养身、王进京、韩养粹、裴美吾、叶菁、方禹谟、王作人、裴有景等，各词告何苏周、杜思惠、刘李芳并地棍张应魁。〔缺〕夺。皆开有乡地证佐，各具控到县。卑职随差拘何苏周、杜思惠各犯证，当堂讯供在案。其口供无庸赘叙外，该南阳县知县郑勋，查得何苏周、杜思惠、刘李芳皆

衍圣公之屯户也。缘南邑先年荒地颇多，遵奉

上文，召民开垦。有地棍张应魁、张宝珍等，思占〔缺〕姓之地亩山场，随勾串 公府之何苏周等三人，假结诬县，冒领有主粮地，当据宛民卢殿等连名控宪。奉批前任王令查审，及王令审明详覆，蒙〔缺〕照驱逐，而何苏周等即带印照逃回山东。嗣奉

抚宪准

公府咨文，转行到县。又经署令查案详覆，并蒙护府详司，随蒙藩司备详抚宪，呈口咨覆，追销县照，于本年五月内行知在案。是何苏周等三人，其初至南邑，虽奉有

公府之文，并骗有前令印照。然地系有粮民地，伊等并未〔缺〕垦。其所执印照，又系奉各宪追销照也。在何苏周等，既奉宪批追照，自当祇遵缴销，庶几悔心之萌。詎知奸险莫测，怙

终不悛，又于本年〔缺〕乘本府因公远出，复统多凶，再至南邑之南召地方，横霸民地，大肆抢掠。以致民怨腾沸，抢地呼天。卑职据控审查其强占抢夺，俱经前令查明〔缺〕，奉有批行在卷。今庭讯之下，如卢殿等所供委皆实情，并无虚谬。惟是何苏周等遁词早穷，祇以地亩山场系伊己认己领，所有谷麦、木耳应伊割收为词，似此棍徒，真不知功令为何物者也。

查强占民山，律有杖一百流三千里之条，强占民地，亦应比照强占民山律。若何苏周等，合依律究拟招解口罪者也。但查此案，原告证佐不下数十人，方今时际农忙，诚恐牵连拖累，有妨民业。除将何苏周、杜思惠、张宝珍等分别杖责以示惩戒，其余〔缺〕刘李芳、张应魁等，并清从宽免究外，但若辈贪心无已，占夺不休，苟非仰藉宪台威灵，将伊等递解回籍，追销县照，恐伊等来去无时，不耕而获。万一若〔缺〕强而民不甘心，彼此相斗，变出意外，其酿祸貽害，必有不可胜言者矣。合无详呈宪台洞鉴前由，俯查旧案，准赐咨文并发递解牌票，将现在之何苏周、杜思惠〔缺〕犯，递解

衍圣公府，并清究追匿照，咨送毁销，庶何苏周等之奸心不敢复作，而南邑西北半壁之乡愚从此咸得宁枕。其有裨地方民生，诚非浅鲜也。等缘由申详本府，今蒙檄行备文，递回原籍，合将何苏周、杜思惠二犯具文呈解，为此咨呈

公府，烦为查收，并行示覆。仍希将何苏周原领印照差押追出，赐发下县，以便涂销转报。须至咨呈者。

计呈解

犯人二名 何苏周 杜思惠

右 咨 呈

太子少师袭封衍圣公孔

知县 郑 勋

典史沈德诚巡捕

康熙五十五年九月九日

抗断脱逃等事。

豫抚咨为何苏周等认熟作荒恃强霸产希追销县照以杜后患事

〔康熙年间处理孔庙各屯庄佃户讼案（二二四）（三九二一）之一〕

巡抚河南等处地方提督军务兼理河道都察院右副都御史加四级李 为

恳赐移文开垦古荒事。据布政使司布政使张伯琮呈，蒙护院牌开，康熙五十四年十二月初七日，准

衍圣公府咨开，据河南南阳府南阳县呈覆前事。内开，本年正月二十九日，承准袭封衍圣公府札付前事。内开，据郟城屯户人何苏周等稟称，切照河南南阳府南阳县，有古荒数千顷，奉文招募开垦。身等情愿自备牛力开垦耕种，照例起科。恐有势豪土棍阻挠揜越，深属未便，叩乞恩电下情，移明南阳县，给赏执照，以便认垦起科。何苏周认垦鸭虎坪古荒三顷，杜奉儒认垦白塔湾至胎塔坡古荒五顷，刘李芳认垦石竹寺古荒六十亩。等情到府。据此，查得何苏周等俱系本府郟城屯户，今愿自备牛力，前往南阳开垦荒地，原奉招募明文。但异乡民人在彼耕种，恐有土豪阻挠，拟合移明，为此，札付贵县，烦为查照，希将何苏周等给以明示，以便认垦坐落荒地，照例起科。等因到县。承此，该卑职遂即差役取具乡地邻佑甘结存案，

并给发印照外，拟合具文回覆。为此，备由咨呈，伏乞照验施行。等因到府。据此，查本府郟城屯户何苏周等，奉招募明文，自备牛力，前往南阳开垦荒地，已经南阳县取具乡地邻佑甘结，给发印照在案。但事关垦荒，将来照例起科，拟合咨明。为此，合咨贵院，烦请查照咨文事理，檄行南阳县，查明何苏周等认垦古荒坐落顷亩，缮造清册，出具印结存案。等因到院。牌行到司。转行到府。蒙此，案查康熙五十四年六月十一日，本府沈守，据升任南阳县王令详。为流棍混占民产，叩天剿恶安良事。本年四月初三日，蒙本府批据卢殿呈前事。蒙批，仰南阳县严查，报裴有龙、张文显二词，并发。蒙此，本年五月初九日，又蒙本府信票，为流棍纠党，混恶山野，焚逐残众，吁宪急除方萌之大患事。内开，本月初三日，准粮捕厅牒移前事。牒称，康熙五十四年五月初一日，据北山一带土民和继圣等连名二十八家公呈前事。情因南阳数年以来，被流民之害者已数数矣。杜九积之众，凶锋始起于颍山，宛民之心，尽皆摇动。刘三保之党，亦继猖于泌阳。廉员之考成，因此挂误。拐河山王三之叛，动发两河之兵。三贤山张道之逆，株连三县之民。此流民之毒，不惟与国无有供赋之功，而反有累官及吏之祸。既剿之后，宛民高枕，欢舞戴德。不期陡遭神棍杜思会。串通窝匪之家靳文学、张宝珍，平日好交轻薄小人，喜结游荡棍子，窃引流民苏学观等二百余人，捏结冒领白土岗地方鸭虎坪、草店沟，安皋地方大金岭、养马坪、石竹寺、白塔湾、圪塔坡、水对沟、大石河等处，自南徂北，百有余里，内有祖遗，亦有自置，更有认领，俱系有主，并无无主。现庄宅数处，坟墓数坐，流党一概包领，周围三百余里。伊等三五成群，七八合夥，云集入山。无论庄宅坟墓，无论山地荒熟，焚房逐佃。以为己业。盗窃木耳，行商裹足。纷

纷流民，身等夜不安枕，日不甘食。宪不作主，岂但五埃以东必成畏土，养成祸胎，更为南宛腹心之患。似此流棍猖獗，势如猛兽，宪不剿究，万户灰烬。连名哀叩本府粮捕府彰法严逐，庶流棍遁迹，良民安业。不惟宛郡共颂明决，即十二属均凛铁面矣。被呈杜思会、苏学观、靳文学、刘李芳、张宝珍、赵景贤，地方方德、张中奇、高文举、杜文科、高义我、何苏周。等情。据此，该敝厅查看得宛郡流棍为殃，已非一次，历有往事明徵，昭昭在人耳目。使非驱逐尽绝，将来祸患有不可胜言者。惟冀堂台大施威令，严拿重惩，则土棍之窝必不能清，流棍之党必不能散，而往年之祸，指日复见矣。敝厅以地方安危起见，不避退懦之咎，复蹈冒渎之愆，拟合牒移。等因。准此，又据该县士民叶菁、韩养粹等公禀前事。词称，情因南阳数年以来被流民之害者，已数数矣。杜九积之众，凶锋始起于颍山，宛民之心，尽皆摇动。刘三保之党恶，亦继猖于泌阳。廉员之考成，因此挂误。拐河王三之叛，动发两河之兵。三贤山张道之逆，株连三县之民。此流民之毒，不惟与国无供赋之功，而反有累官及吏之祸。既剿之后，宛民高枕，欢舞戴德。不期陡遭神棍杜思会，串通窝匪之家靳文学、张宝珍，平日好交轻薄小人，喜结游荡棍徒，窃引流民苏学观等二百余人，捏结冒领白土岗地方草店沟、鸭虎坪，安皋地方大金岭、石竹寺、白塔湾、圪塔坡、水对沟、养马坪、马家沟等处，自南徂北，百有余里。内有祖遗，亦有自置，更有认领，俱系有主，并无无主。现庄宅数处，坟墓数坐，流党一概包领，周围三百余里。伊等三五成群，七八合夥，云集入山。无论庄宅坟墓，无论山地荒熟，焚房逐佃，盗窃木耳，行商裹足。纷纷流民，身等夜不安枕，日不甘食。宪不作主，岂但五埃以东必成畏土，养成祸胎，更为南宛腹心之患。似此流棍猖

獾，势如猛兽，宪不剿究，万户灭烬。连名哀叩本府仁明老爷，彰法严逐，庶流棍遁迹，良民安业。不惟宛郡共颂明决，即十二属均凛铁面矣。上陈。被呈杜思会、苏学观、刘李芳、赵景贤、靳文学、张宝珍、杜文科、方德、高文举、高义莪、张中奇、何苏周。原呈叶菁、韩养粹、陈有、韩卢殿、曹思财、赵喜祥、和继圣、王克柱、王作德、王作师、裴宗秀、卢耀凤、张文显、韩宗礼、韩养身、韩养良、丁秉礼、申得义、田龙、朱章孟、曾喜元、刘名扬、裴有龙、方禹谟。各等情到府。据此，随行南阳县确查。如果情真，该县立加严处，仍具文申覆。等因到县。蒙此，卑职遵即将一干原被证佐拘齐，当堂研讯。问卢殿，这山地还是你祖业，还是你自置的？张宝珍、杜文科怎么勾引何苏周来领占你的？细细供来。供，这山地原是小的祖业。小的承粮管业多年了，现有地邻王作仁知道的。如今被何苏周捏称无主古荒，领了孔府文书，来领占小的的山地。张宝珍、杜文科又替他捏具甘结。这不是他们勾引来的么？只求老爷作主。问王作仁，这鸭虎坪的地，果是卢殿的祖业，还是无主古荒？从实供来。供，这山地原是卢殿的祖业，现在行粮管业，与生员的山地连界，平日知道的并不是古荒。问何苏周，这鸭虎坪的山地，现是卢殿的祖业，你怎么混领

圣府文书，来冒占呢？供，小的看这地原是荒地，问过他地邻，都说是无主的，小的才敢来具领，现有出结的人，小的实不知道。问张宝珍、杜文科，你两个怎么勾引外来流民，捏具甘结，领占有主的山地呢？供，小的们并不认得何苏周，这结是他捏写的，小的们并不知道。问裴有龙、朱章孟，你们告刘李芳领你们山地，这山地既是你们的，可有什么凭据么？同供，这石竹寺的山地，原是小的小的价买的，现有文契可验。如今被刘李芳一并混占领去，地方张中

奇、高义莪替他捏具甘结，意白白要占去。小的情极才告的，只求作主。问韩养粹，你是地邻，这地果是裴有龙、朱章孟价买的么？供，小的原在地邻，裴家、朱家买这地，是小的老子作中的。如今刘李芳领地，连小的的地也一并包裹在里边了。问刘李芳，奉文领地，原叫领的是无主古荒，你怎么把有主的地一起混领了呢？供，小的查问过，原说是无主的荒地，小的才领的，小的是隔省人，有主无主，小的实不知道。问张中奇，你是地方，本县从前吩咐叫查明无主的荒地，才许出结，你怎么把有主的地捏作古荒，朦混具结呢？供，这结并不是小的具的，是刘李芳捏写小的名字的。又问，本县已曾当堂吩咐，若是捏写的，为什么不先递检举呢？无供。问高义莪，你为什么不明白，朦混具结呢？供，小的叫高玉，高义莪是小的老子，因老子病在家，小的来代审的。出结的事，小的老子做的事，小的不知道。问和继圣、叶菁、韩养粹，你们共举张宝珍等窝留何苏周等一班流棍，混领山场，贻害地方，本县如今已审明，将何苏周等所领之地，追照驱逐，原地仍令业主管业。窝留出结的人，详请重处。你们还有什么说么？同供，老爷这样公断，地方受福，生员们还有什么说呢，只求照断转详就沾恩了。各等情供吐在案。据此，该卑职看得卢殿等具控何苏周等混领山地各案，缘于去年十二月间，准衍圣公札付，令屯户何苏周等，赴南阳领垦古荒。卑职因思南阳之地，荒芜者虽多，俱系有主之业，诚恐混领，致起争端。当即飭令地方地邻查明真正无主之荒，具结查核。并传示所领地内，如系有主之业，许本主具禀。岂迟至三月，竟无一人具控。胆玩之地方张中奇等，公然具结投县。卑职因传谕已久，并无一人出告，且地方地邻已具有结，信为真正无主之业。况认垦升科，亦为

朝廷裕课。故当即据结给领，岂印照始发，而卢殿等即有宪轅之控。在卢殿等所控，虽非无因，但既系伊等之业，当未给领之先，应出而具稟，庶免此一番唇舌。乃事后告争，未免烦渎宪案。今奉批查讯，卑职已讯明何苏周、刘李芳所领之地，一系卢殿祖业，一系裴有龙、朱章孟价置之产，均非无主之荒。今何苏周等冒领，本应究处，但念隔省之民，有无业主，伊等骤难知晓，其罪在出结之人。应将何苏周等所领之照追出，驱逐出境，免其究拟。其出结之张宝珍、杜文科、张中奇、高义裁，应各予重责，以惩其通同冒领之罪。至和继圣等公呈，亦因何苏周等领地而起，别无他人。今见卑职申明，追照驱逐，亦各俯首俯服。余俱无干，时值农忙，先行省释。等情详府。除批示仰将何苏周、刘李芳即行驱逐，追出印照，送府涂销。至冒滥出结之张宝珍等，各责三十板，以为通同者戒。等情各在案。今奉前因，遵即转行该县飭查去后，今据南阳县申称，蒙此，卑职卷查此案，康熙五十三年十二月初九日，前令任内，呈准

衍圣公札付前事，飭令屯户何苏周等赴县认领古荒。内开，何苏周认鸭虎坪地三顷，杜思惠认白塔湾至胎塔坡地五顷，刘李芳认石竹寺地六十亩，各等因札付到县。前令当即取具甘结，发给印照，咨覆在案。旋据地主卢殿、裴有龙以何苏周等所领之地实系伊等之产，现在完粮管业，并非古荒，具控府宪。当飭前令查讯，随经讯明。委系卢殿等之业，实非无主之荒。何苏周等所具之结，系捏写乡地姓名混投。前令随断令地归原主，追照驱逐，详请批允在案。后因何苏周等带照脱逃，至今尚未追缴。今蒙飭查，何苏周等所认古荒，查明亩数四至条款，造册申送。卑职遵即复查去后，随据乡地张登科、张维新、宋之玉等结称，遵查得何苏周等

所领之地，实系卢殿、裴有龙现在行粮管业之地，并非古荒。具结前来。除结存案外，因查此案，既经前令讯明，所领之地实系有主之业，且现据各乡地又公同具结，其非无主之荒地可知。何苏周等自知情罪，刁躲不到，无凭究追。相应详请转详，咨明

衍圣公府，将何苏周等捏结混领之照，追出涂销，以杜葛藤可也。等情到府。据此，该护理南阳府印务裕州知州董学礼，查得何苏周等认垦南阳属荒地一案，缘康熙五十三年间，何苏周等奸串地方张宝珍等，捏结投认有主之地。升任南阳县王令未经细查，出给执照。旋有卢殿等连名控告，经本府沈守行县审出何苏周等冒认捏结各情弊，批令追照驱逐在案。因苏周等带照在逃，无凭追销，悬案未结。今蒙宪准公府咨查，遵即行据署县详覆前来。卑职覆查何苏周等所领俱属有主之地，并非古荒，何得捏结生事。相应详请转详抚宪，咨覆公府，并追销县照，以杜后衅者也。今奉前因，拟合详报。等情到司。据此，该本司查看得何苏周等在南阳县认垦荒地一案，蒙护院准

衍圣公移咨，行令该县，查明何苏周等认垦古荒坐落顷亩，缮造清册，出具印结。等因。随行。据南阳府详称，查得何苏周等认垦南阳属荒地一案，缘康熙五十三年间，何苏周等奸串地方张宝珍等捏结投认有主之地。升任南阳县王令未经细察，出给执照，旋有卢殿等连名控告，经本府沈守行县审出何苏周等冒认捏结各情弊，批令追照驱逐在案。因何苏周等带照在逃，无凭追销，悬案未结。今蒙准

公府咨查，遵即行据署县详覆前来，卑职覆查何苏周等所领，俱属有主之地，并非古荒，何得捏结生事。相应详请转详，咨覆

公府，并追销县照，以杜后衅者也。等情。详覆前来，相应据详转呈，伏候咨覆。等情到本都院。据此，相应咨覆。为此合咨贵爵，请烦查照施行。须至咨者。

右 咨

太子少师袭封衍圣公府

康熙五十五年四月二十六日

曲阜县申为转解何苏周等事

〔康熙年间处理孔庙各屯庄佃户讼案（二四）（三九二一）之四〕

兖州府曲阜县为抗断脱逃事。准

滋阳县关准、济宁州牒准、金乡县关前事。内称，烦将递去何苏周等查收转递，希赐印信回照，过县存查。计递解犯人二名，何苏周、杜思惠，锁项长文一角。等因。递解到县，准此，拟合转解。为此，合用文前去贵府，烦为查收施行。须至申文者。

计申解

犯人二名何苏周 杜思惠锁项 长文一角

右 申 文

太子少师袭封衍圣公府

康熙五十五年十月初五日

札付南阳县为追出印照咨送抚院事

〔康熙年间处理孔庙各屯庄佃户讼案（二四）（三九二一）之五〕

太子少师袭封衍圣公府为抗断脱逃等事。准

南阳县呈前事。内开，递回何苏周、杜思惠二犯，烦为查收示覆，仍希将何苏周原领印照追出，赐发下县以便涂销。等因到府。准此，查得何苏周等认垦南阳县荒地，原奉有

贵县印照，开载四至坐落分明，并非陡去生事。今忽声称有主，显系地棍裴有龙等贿嘱书吏，二三其词。今准移文，除将追出印照咨送抚院外，拟合移覆。为此合移前去，烦为查照施行。须至札付者。

一立案

南阳县

康熙五十五年十一月二十九日

太子少师袭封衍圣公

咨豫抚为追送何苏周原领南阳县照事

〔康熙年间处理孔庙各屯庄佃户讼案（二四）（三九二一）之六〕

太子少师袭封衍圣公府为恳赐移文开垦古荒事。准

河南抚院咨前事。内开，据该府县详称，何苏周、杜思惠藐法欺懦，详清追销县照以靖地方。等因到府。准此，查得何苏周、杜思惠认垦南阳县山地，原领有该县印照，并非陡去生事。今准

大咨，随将县照追出，但关照内开载四至坐落，分明尔时并未声称有主，其为地棍裴有龙等贿嘱明甚。除将追出印照移送到案，应否涂销外，拟合咨覆前去贵院，烦请查收。仍希严飭究讯，施行。须至咨者。

计咨送何苏周原领县照一纸

一立案

河南抚院

康熙五十五年十一月

太子少师袭封衍圣公

河南巡抚咨为审讯何苏周等垦荒互控一案详由事

〔康熙年间处理孔庙各屯庄佃户讼案（二二四）（三九二一）之七〕

巡抚河南等处地方提督军务兼理河道都察院右副都御史加三级张 为垦赐移文开垦古荒事。据布政使司布政使张伯琮呈。蒙护院票开，康熙五十五年十二月十八日，准

衍圣公府咨开，准河南抚院咨前事。内开，据该府县详称，何苏周、杜思惠认垦南阳县山地，原领有该县印追销县照以靖地方。等因到府。准此，查得何苏周、杜思惠认垦南阳县山地，原领有该县印照，并非陡去生事，今准大咨。随将县照追出。但关照内开载四至坐落，分明尔时并未声称有主，其为地棍裴有龙等贿嘱明甚。除将追出印照移送到案应否涂销外，拟合咨覆前去贵院，烦请查收。仍希严飭究讯，施行。计咨送何苏周原领县照一纸。等因。咨院行司。蒙此，随行南阳府转查报去后，今据该府申，据南阳县申称。蒙此，遵即差拘原案内有名卢殿、卢群凤、卢太凤、韩养身、王进京、韩养粹、裴美吾、叶菁、方禹谟、王作人、裴有景等，当堂究讯。问卢殿等，你们去年告何苏周、杜思惠霸地抢夺，今奉抚院大老爷准

衍圣公府咨文说，何苏周、杜思惠认垦山地，领有印照，开载四至，并未声称有主。想系你

们贿嘱书班捏词详覆，好好把实情说来。据卢殿等同供。康熙五十三年，有山东何苏周、杜思惠串通地棍张应魁等，假捏乡地甘结，诬骗前任王老爷印照，山前山后一概开在照内。何苏周们领了印照，就来夺小的们地山场。小的们共有二十几家，当时在本府本县告了状。蒙府县申明，他们的甘结是假，他们照内所领地亩山场皆系小的们现在耕种完粮。将地断回小的们管业，押追他们所领的印照。不想何苏周等带照逃回山东去了。到了五十五年，见本府太老爷公出，本县王老爷也升了。他们又来南阳，把我们地亩山场都要霸种，将山上树木砍卖，将我们做的木耳抢收，地里麦子也割去了。小的禀了署印顾老爷，拿他不来，没有审结。到六月里，老爷到了任，小的们都告了状。蒙审明了，将他们递解追照。那何苏周、杜思惠假结骗照，霸占小的们地亩山场，都是真实的。府县都有原案，并没贿嘱的事，不知这贿嘱的话从那说来。若说他们的印照，他是捏造乡地的甘结，欺骗王老爷给的，已经王老爷审明是假结，并非乡地出的。当时申详本府追照，现有案卷，怎么说是小的贿嘱。只求查案就明白了。等语，供吐在案。据此，该南阳知县郑勋查得，何苏周等串通地棍，假结骗照，冒领完粮民地，强霸有主山场，历经前任正署审详，奉批驱逐追照在案。及卑职到任，据告拘讯，又经查案讯明，详蒙宪批勒追原照，并蒙转详在卷。其何苏周原领印照委系假捏甘结，朦混诬骗。今经查明，自应涂销。至原告卢殿等十余名，实由何苏周等霸抢难甘，控府控县已经三载，审详有案，委无贿嘱情由。今奉飭查，除将印照收明涂销外，拟合备录口供，具文详覆。等情到府。据此，拟合转报。等情到司。据此，该本司查看得何苏周等认垦南阳县荒地一案，蒙宪核准。

衍圣公府咨查裴有龙等有无贿嘱情弊，究讯明确。追出印照，应否涂销等因。随行南阳府查报去后，今据该府行据南阳县详称，何苏周等串通地棍，假结骗照，冒领完粮民地，强霸有主山场，历经前任正署审详，奉批驱逐追照在案。及卑职到任，据告拘讯，又经查案讯明，详蒙宪批，勒追原照，并蒙转详。其何苏周原领印照，委系假捏甘结，朦混诬骗。今经查明，自应涂销。至原告卢殿等十余名，实由何苏周等霸抢难甘，控县已经三载。审详有案，委无贿嘱情由。除将印照收明涂销，录供详覆。等情申府。转报前来，相应据详转呈，伏候宪台批夺。等情到本都院。据此，相应咨覆。为此合咨贵爵，请烦查照施行。须至咨者。

右 咨

太子少师袭封衍圣公府

康熙五十六年四月二十五日

移滕县为孔三友等违禁采折田禾事

〔查追侵种本府滕县庄田及欠缴佃租（一六〇七）之二〕

袭封衍圣公府为违禁采取折毁田禾据实禀报事。据滕县滕城庄小甲蔡从礼禀前事。禀称，切滕邑今夏亢旱，田禾枯槁。蒙本县李老爷出示，严禁采取，恐伤田禾，恩至渥厚。竟有家恶孔三友、孔四、孔五，纵其仆佃王七、陈望中等，入本庄高粮地内采取秫叶，恣意践踏。身子遇见，同保长韩起公向伊理说，不容采取。讵料大触虎怒，竟将身子扭打。又于十三日纠聚党恶五十余人，复入地内，大肆猖獗，践踏蹂躏，苦不堪言。且登庄门，百般辱骂，声言捉身打死，方削（消）群恨。似此违禁采取，折毁田禾，反肆殴辱，天理王法，尽属乌有。为此赴府据实叩禀，伏乞严究法惩施行。被禀孔三友、孔四、孔五、仆佃王七、陈望中等五十余人。干证保长韩起公、张青山系邻佑。等因前来。据此，随即差验是实。查践踏青苗，已干不法，聚众殴骂，更为强暴。况现奉贵县示禁采取，而孔三友等明知故犯，若不移请惩究，则凡属在地青苗，恐渐遭蹂躏，而玩法之徒，无由知警。为此合移贵县，烦为查照提究施行。并希将究审缘由，赐覆过府，以便备案。须至移文者。

一立案

滕县

乾隆三年七月

滕县移覆为违禁采取折毁田禾一案审结缘由事

〔查追侵种本府滕县庄田及欠缴佃租（一六〇七）之三〕

兖州府滕县为违禁采取折毁田禾据实禀报事。准贵府移前事。移称，查践踏青苗，已于不法，聚众毆骂，更为强暴。况现奉贵县示禁采取，而孔三友等明知故犯，若不移请惩究，则反属在地青苗，恐渐遭蹂躏，而玩法之徒，无由知警。为此合移，烦为查照提究施行。并希将究审缘由，赐覆过府，以便备案。须至移文者。等因。准此，敝县随即拘集一千人等，当堂逐一研讯。审得蔡从礼告孔三友等一案，缘六月初十日，有陈望塚赴坡取地内秫叶，从礼之子见即拦阻，彼时互相争闹，随有张青山劝解，各自归家。保长正在调处间，十三日陈望塚、王七复行披（擘）取秫叶，保长随经验明，虽有损伤，但为数无几。而从礼随赴贵府具禀。差查之时，又值十六日风雨大作之后，又有损伤。庭讯之下，严鞠孔三友、孔四、孔五，均未披（擘）取，毋庸议处。陈望塚不合违禁，采取秫叶，当即重责三十板，以为违禁者儆。其王七外出回家，俟获日另行发落。今准大移，合将先审过缘由，备文移覆。为此合移

贵府。请烦查照施行。须至移文者。

右 移

衍圣公府

典吏缺

乾隆三年八月二十三日

前事

移押

孔广廉呈为佃户偷运麦禾乞关追示做事

〔乾隆年间处理孔氏族入讼案（一九）（三六三〇）之四十五〕

具呈近族贡生广廉。抱呈汶上县张家庄头目宋继英。

呈为呈明事。切生分到汶境圣泽社圣公府号张家庄宅田一处，附近沙沟社地方。昨差苏浩赴庄管理收割麦禾。管事带同头目人等，分头下坡。有向在庄宅伺候之任玉立，分往佃户颜崇仁地内查看，见颜崇仁将已割麦禾偷装一车，由东路拉去。当时即加盘诘，欲行赶追，而颜崇仁不容，任玉立遂奔告管事苏浩。苏浩飭令究问缘由去所，任玉立即查访得伊将麦车送伊女家。次早遂赴伊女家查说来历，此时颜崇仁之子颜小学尚在伊女场内打麦，伊女即将原麦退出，交任玉立运回庄场。尚未卸载，詎颜崇仁率领多人，竟至庄场仍复拉去。至今不认，亦不赔还。似此玩佃偷运佃主麦禾，既经败露，仍敢肆行截去。设人人效尤，殊长刁风。因该庄系隔县境界，理合呈明。伏乞

宗主公大人恩准关追示做。实为德便。上呈。

口证陈三虚系本庄佃户即颜仁当日所觅割麦人

乾隆六年五月

日

移汶上县为佃户颜崇仁偷运麦禾希即拘案追惩事

〔乾隆年间处理孔氏族入讼案（一九）（三六三〇）之四十六〕

袭封衍圣公府为移会事。本月十四日，据贡生孔广廉抱呈张家庄庄头宋继英呈称。切生云云，伏乞宗主恩准关追示儆，实为德便。见证陈三虚，系本庄佃户，即颜崇仁所觅割麦人。等情到本爵府。据此，查张家庄坐落

贵治，系分拨本爵府，从曾叔广廉田产。所有佃户颜崇仁，将已割麦束肆行偷运，已属不合。及庄夫任玉立往查，其子女业经退还，复敢率人自庄场拉去。非经严追示儆，将各佃效尤，何所底止。兹据前情。拟合移会。为此，合移

贵县。烦为查照来文事理，希即拘案追惩，以示炯戒，足纫云道匪浅矣。仍祈移覆，望速施行。须至移者。

右 移

汶 上 县

乾隆六十年五月十六日

孔继洛等稟为管事桂纯等朦朧扣地杀害老幼孤寡事

〔查究侵隐孔庙鲁源庄祀田地亩（四〇六〇）之二〕

具稟鲁源庄大宗户老民孔继洛、寡妇孔王氏、王张氏、孔刘氏、王郑氏，

稟为蒙笼扣留地亩杀害老幼孤寡事。切身等租种鲁源庄地十五亩数十余年，接年开荒地四亩半，共计地十九亩半。昨蒙 十二太爷换作福田吉地，念种地之人俱是孤儿寡妇，清丈甚是宽阔。换给之地尽是肥田，每户租地若干，仍然照数换给，身等阖家感戴。不忆管事桂纯、桂玉珍安心不轨，将 太爷所换之地，只分给身等十五亩。下剩身等接年沿旁开荒地四亩半，不许身等任租成种。伊则蒙笼扣留，检出肥田四亩半自行耕种。似此天理何在，良心奚存。老幼残疾，伊则并不体恤，霜妇孤儿，伊则肆行杀害，置身等含冤莫伸。冒死伏叩
公爷天恩垂怜施行。念身等老幼孤寡，将身开荒换给之地，仍着身等任租成种，则身阖家焚顶感戴无及矣。

乾隆三十七年七月二十九日

袭封衍圣公府批 仰宋治兴就近查明具覆。

审理陈家闸小甲姜云倬辱骂许管事供词

〔查究侵霸本府汶上县庄田宅基暨禾粮公物（一六二六）之二〕

查陈家闸小甲姜云倬辱骂许管事一事。

问，姜云倬辱骂管事有无？供，许管事叫吾算账，说吾反口，即打吾两掌。吾说，许克普你要打吾了，这话是有的。问，你骂许管事有无？供，吾骂来。吾骂的是尅苦吾的。问，许管事那上头尅苦你来呢？供，官斗卖粮食，每斗只有城斗一斗六升三合。他每年与吾算账，俱照一斗六升六合，这不是尅苦吾么。是日随叫斗户崔五到官宅较斗，每斗确是一斗六升七合。又查许管事卖粮账，止作一斗六升五合。姜云倬在傍，他也并没的说了。又问，你欠许管事账目，可是有的？供，许管事有账，自管算就是了。随将许管事开出来的账目，同姜云倬逐条清算。除他还过之外，下欠许管事钱一百八十四千有零。还有三条不肯招任。又供，王德均交给齐良瑞，还欠吾银子五十两，是二十一年三月称的银子，吾却是同王德均交给齐良瑞来。问，你要多少钱清楚？姜云倬全无□□□□意思，是不肯将欠许管事之项抵兑。又供，许管事有七八年并无给吾食用，□许管事。据许管事说，十八年、九年、二十年，是同宋士英清楚过的。

二十一年、二年、三年不是吾管。二十四年、五年、六年是同赵文逊清楚过的。只有二十七年、八年不曾与他食用。问，一年得多少钱食用？姜云倬总不说数目。又问，私盗官麦二石有没？供，实在没有。问，门上封皮怎么开了，锁上封皮怎么去了？供，门上是风刮断的，锁上是马蜂吃了。据管事许培绪、齐良瑞说，有送信的张振九可问。随叫到张振九。问张振九。供，吾见自官宅往外抗（扛）麦上车。问抗（扛）口袋的，抗（扛）的是官宅东楼底下的。吾与姜云倬是邻居，知他家并无麦子，定是官麦了。共扯二大车，吾敢作证。骂许管事，有张宗贵、刘乾，俱说骂来。

大官厂总甲稟为王六楷等抢收刘世瑾秋禾事

〔查究侵隐孔庙平巨屯祀田地亩（三）（四〇二八）之一〕

具稟大官厂总甲吕继业为据实稟明事。有地户刘栋之子刘世道，将租地十亩当于张耀宗、王显名、姚玉东三人。因将钱粮自费，连年不纳租银。公爷将刘栋地革除，刘世瑾公爷台下投任状，公爷批与刘世瑾承租，刘世瑾遂将租银完纳。身已收讫，姚玉东种麦三亩自收。刘世瑾种高粮七亩，将近成熟，有菏泽人王六皆（楷）领王显名之子，收去一半。张耀宗收去一半。收去之后，刘世瑾对身说。为此稟明，恳乞

公爷裁夺。

乾隆三十七年九月十六日

刘世瑾稟为刘世臻霸地不退王六楷率众抢禾事

〔查究侵隐孔庙平巨屯祀田地亩（三）（四〇二八）之四〕

具稟。刘世瑾为据实稟明事。切有刘栋之子刘世道，将官地十亩私当与王显明、张耀宗、姚玉东三人名下，连年租银自用不纳。

公爷查出，将刘栋革除。身具呈认种，蒙 恩批准，身将租银完纳。詎刘世道之兄刘世臻，尚霸种租地二亩，不退于身，租银亦系身代伊完纳。本年身种高粮七亩，于八月初八日，被王逊志、张耀宗、王二龙等，率领百余人，各执枪刀，硬行抢去。原中左凤卜言称，并非王六皆（楷）典地，明系仗恃菏泽百姓，强行抢夺。窃思刘世道盗典官田事犯脱逃，伊兄刘世臻霸种租地，不纳租银，明系兄弟同谋，盗典吞租误公。身认种秋禾，又被王逊志等抢夺一空，致身纳租无地，资本无着。为此具稟，伏乞

公爷差拘刘世臻到案，严究盗当确情。并 赐文关追王六皆（楷）等强抢粮食。则盗典私当朋谋为害，情弊显明，俾身得以安心承种，急公上租，感恩无尽。上稟。

被稟姚玉东 张耀宗 王显明 王二龙 张大忠 张大成俱系巨野县人

王六皆（楷） 王逊志 王孟兴 王凤年 王孟信 王孟智 王孟都俱系

菏泽县人

霸种租地刘世臻

原中左凤卜系庄户

乾隆三十七年九月二十六日

表封衍圣公府批 准拘讯。

大官厂总甲稟为刘世瑾秋禾被抢租银无着事

〔查究侵隐孔庙平巨屯祀田地亩（三）（四〇二八）之六〕

具稟大官厂总甲吕继业

为据实稟明事。切有大官厂租户刘栋之子刘士道，将租地十亩改作县地，照依县杆，当于巨野县民张耀宗、王显明、姚玉东十亩。下馀二亩自种，钱粮自费，接年不完租银。身已稟明公爷将地收回。时有屯民刘世瑾，自投认状承租。遂将陈租完纳，身已收讫。詎姚玉东种麦自收，种豆亦自收，总不退地。刘世瑾止于张耀宗、王显明地种高粮，适又有菏泽县民王六楷，率领王显明之子、张耀宗将高粮收去。刘世瑾因不得田禾，本年不肯完租。至今租银无着。身何以赔补。为此据实稟明，伏乞

公爷恩准上裁。

乾隆三十七年十一月初一日

移菏泽县为王六楷抢割秋禾一案延今一载烦关获人犯讯追完结事

〔查究侵隐孔庙平巨屯祀田地亩（三）（四〇二八）之二十一〕

袭封衍圣公府为禀明事。案查佃户刘士道盗当祭田，刘士瑾认租承种。被王六楷等将士瑾种熟麦秋籽粒恃强抢割一案。于乾隆三十八年三月内贵县赴省公出，贵属代行申覆。内称，王益笃系王六楷之子，现有当约可据，其非抢割可知。但不问明地亩来历，擅行典当，殊属冒昧。除备文赴巨野县关提刘士道到案质讯，责令收价放赎。拟合先行申覆。等因。据此，延今一载，刘士道曾否关获，并未移覆。目下祀田悬宕，租银无着。若不专差关到刘士道，讯追完结，事难中止。且刘士瑾纳粮种地，王六楷亦当各半分收，何致全行抢割，尤为强横。合再移催。为此合移贵县，烦为关获刘士道，分别押追移覆过府，以凭核夺。事关祭产，幸勿任其破调，望速切速。须至移者。

右 移

荷 泽 县

乾隆三十八年四月十一日

圣公府行

四月十四日发

移巨野县为祈勒限严拿盗当祭田之刘士道到案讯究事

〔查究侵隐孔庙平巨屯祀田地亩（三）（四〇二八）之二十五〕

袭封衍圣公府为禀明事。案查佃户刘士道盗当祭田，刘士瑾认租承种，被姚玉东等将士瑾种熟麦秋籽粒恃强抢一案。久经移会贵县，烦将刘士道、姚玉东拘唤到案，讯追盗当抢割各确情。延今一载有餘，未准移覆。以致祀田悬宕，租银无着，若不严拿刘士道等讯追，则盗当抢割之弊，事难中止。况刘士瑾纳粮种地，姚玉东亦当各半分收，何得恃强全行抢割，强横实甚。合再移催。为此合移

贵县，烦为查照先今文内事理，务祈勒限严拿刘士道到案，讯追移覆，以凭核夺办理。事关盗典祀田，勿任刁徒轨法，致滋案牍，足感关爱非浅矣。望速切速。须至移者。

右 移

巨 野 县

乾隆三十八年六月十四 日

圣公府行

六月二十一日发

菏泽县申为王六楷有当约可据非盗当抢割可知事

〔查究侵隐孔庙平巨屯祀田地亩（三）（四〇二八）之二十六〕

曹州府荷口□□□左德溥为公务事。窃照

本县赴省公出，所有上下文移票委托拆代行在案。今代行一件，为禀明事。本年二月十四日，蒙

衍圣公府移开，烦为差传王六楷等到案，将抢割麦秋籽粒追给刘士瑾收领，以安贫佃。等因到县。拆发到职。蒙此，随差役拘追去后，旋据王六楷禀明恳恩移覆事。禀称，缘蒙

衍圣公府关身，并追籽粒在案。蒙差传讯，理合陈明。切身子王孟笃于三十六年，同中左凤卜当到巨民刘世道三亩二分五厘地。中约炳据，迄今二载，并无异言。距今忽有刘世道之堂兄刘世瑾，捏以抢收籽粒等情，朦禀公府，现在行文移追。切思身家典当地，契明价足，中约凿凿，何得谓抢收伊家籽粒。为此粘约禀明，乞恩移覆。仍恳将刘□□□案质讯，虚实立见。上禀。并粘文约一纸。内开，立当契人刘世道，今将东西地一段，计地三亩二分五厘。同中人左凤卜说合，出当于王孟笃名下耕种，三年为满。言明当价钱四千二百五十文，当日

交足。钱到赎回。恐后无凭，立字存证。等情。据此，卑职查王孟笃系王六楷之子，现有当约可据，其非抢割可知。但不问明地亩来历，擅行典当，殊属冒昧，除备文赴巨野县关提刘世道到案质讯，责令收价放赎外，拟合据情先行申复衍圣公府查考。为此，备由具申，伏乞照验施行。须至申者。

右 申

袭封衍圣公府

乾隆三十八年三月初三日

稟明事

大官厂旧总甲稟为刘世瑾秋禾被抢租银无归事

〔查究侵隐孔庙平巨屯祀田地亩（三）（四〇二八）之二十七〕

具稟。大官厂旧总甲吕继业

稟为租银无归事。切因地户刘栋之子刘世道，私将租地作县地，当于王显名、姚玉东、张耀宗十亩，要租银自费。下剩二亩自种，亦不完纳。身前已禀明，蒙

公爷将世道地革除，刘世瑾自投任状，情愿任租。

公爷将地批于刘士瑾承租耕种。刘世瑾自三十七年二月间，将刘世道所欠租银一概完纳，身收租。即将刘栋地十亩过于刘世瑾之子刘怀朴名下耕种。王、姚、张三姓并不拦阻，亦不要价。俟秋禾已熟，被王显名收去。因刘世瑾当价未交，固此租银两空。伏乞

公爷恩意钩夺。

乾隆三十八年九月十六日

已于刘世瑾稟内批示矣。

移巨野县为希即严拿盗当祀田之刘世道到案讯追事

〔查究侵隐孔庙平巨屯祀田地亩（三）（四〇二八）之二十八〕

袭封衍圣公府为四陈冤情恳恩移催事。据佃户刘上瑾禀称。切身前经三次恳恩关追王二龙、刘世道等地粮，蒙恩二次移咨巨野县。首次身随文候审，反被押二十馀天。刘世道、刘世臻及抢麦王二龙等，俱被巨差放回。身以讨保得免网罗。后齐太爷已故，再次移咨，又查无音信，不得已匍匐再陈。切思身自三十六年认地，三十七年二月完旧租四千正。当年麦豆被姚玉东等抢去，身种高粮七亩，又被王二龙等抢去，至今霸种未退。且上年姚玉东等应完之租，俱被刘世道收用。今年高粮，又被张耀宗收去，又种麦禾，租银又被刘世道收用。三次移咨，又被吏役朦朧。以致刘世道则空地得钱，王二龙等则空地获粮，身则空地纳租，反受拘押。身之冤苦，何日得明。实出无奈，为此叩恳天恩，俯赐移催，实为德便。等情到本爵府。据此，查旧佃刘世道盗当祭田，刘世瑾认租承种，被姚玉东等将刘士瑾种熟麦秋籽粒恃强抢割一案，久经移会

贵县。烦将刘世道、姚玉东等拘唤到案，讯追盗当抢割各确情移覆，以便核夺查办。延今一

载有餘，未准移会。本爵府现因祀田缺额过半，皆缘玩佃等盗当，盗卖种种情弊，以致供办祀典不敷动支，是以咨请

抚部院通行清厘。今旧佃刘世道胆将祭田盗当，现在祀田悬宕，租银无着。若不严拿刘世道等到案，讯追究处，则藐玩各佃，咸皆效尤，致繁案牍。况刘士瑾纳粮种地，姚玉东亦当各半分收，何得恃强全行抢割。兹据佃户刘士瑾屡次具稟前来，合再备文移催。为此，合移贵县，烦为查照节次来文事理，文到希即严拿刘世道等到案，讯追移覆，以凭核夺。事关盗当祭田，幸勿任延，足感匪浅。须至移者。

右 移

巨 野 县

乾隆三十八年九月廿日

圣公府行

九月二十六日发

牌仰百户为租户擅于官地内私立茔冢着即惩究事

〔乾隆年间处理孔庙各屯庄佃户讼案（一四）（三九四三）之五〕

袭封衍圣公府为禀明事。据袁家口庄管事王廷穗禀称。切有本庄租户刘伦云云。为此禀明钧夺。被禀刘伦、王兴远，等情到本爵府。据此，查袁家口庄系属本爵府官地。租户刘伦、王兴远何得擅于官地内私立坟冢，胆玩已极。兹据前情，已将该租户拘唤到案，合行飭发。为此牌仰百户姜玉槐知悉，即将刘伦、王兴远各责二十板。仍差押将地内所埋棺木即日迁移，具文申报，均毋违错。火速飞速。须至牌者。

右牌仰百户姜玉槐准此

乾隆四十年二月二十五日

圣公府行

移滕县为祈示禁约毋致居民采割践毁祀田霖草事

〔查究侵隐孔庙独山屯祀田地亩（一）（四〇四〇）之十九〕

袭封衍圣公府为恳恩出示禁约事。据本爵府滕县小甲王培天等禀前事。禀称，切身等管认本府水田十馀顷，惟赖栽植霖草以获水利。前因湖水泛涨，难以栽种。湖地旧草生发，随被附近居民任意采刈。身为阻止，抗违不服。今值春融水涸之候，蒙渝身等栽种霖草，恐有无知之徒，仍前任意践踏樵采，以致不能发生。为此预行禀明，叩乞恩准出示，并移滕县一并示禁施行。等情。据此，查本爵府有水田十馀顷，坐落

贵县之石家口地方。向有小甲王培天等认种，稍获水利，以资公费。前因湖水泛涨，积水甚深，难以栽种霖草。年来水势渐耗，湖地旧草生发，居民任意采割，该小甲阻止不服。今岁春融，本爵府已飭令小甲王培天等乘时栽植霖草。但恐附近居民仍前私行采割，殊多未便。

兹据前禀，拟合备文移会。为此合移

贵县，烦为查照来文事理，幸祈出示禁约，毋致居民仍前采割，任意践毁，有伤霖草，足感云谊无既矣。须至移者。

右 移

滕 县

乾隆四十三年初四日

圣公府行

票仰小甲看管湖田毋致居民践踏毁伤事

〔查究侵隐孔庙独山屯祀田地亩（一）（四〇四〇）之二十一〕

为给发守票事。照得本爵府有水田十餘顷，坐落滕县之石家口。向来栽植霖草，俾获水利，以资公用。连年因湖水泛涨，积水甚深，不能栽植霖草。现在水势消耗，今岁春间已伤该小甲等乘时栽植霖草，以冀长发。尔等务须加意看管，毋致附近居民践踏毁伤，私行盗割。除出示禁约，并移滕县外，合亟给票看守。为此，票仰该小甲王培天知悉，务须不时巡查，谨慎看守。如有不法之徒不遵禁约，任意采割，立即指禀，以凭拘处。尔等怠惰偷安，徇情放纵，察出一并重处不贷。须至票者。

票稿。

鱼台县牒为侵霸田禾事

〔本府购置鱼台县境庄田及征追佃户欠租（一六一〇）之七〕

署济宁直隶州鱼台县为移会事。本年十月二十六日准

公府移开。据苗村集小甲李纯德禀称。切照苗村集有府中买到郭正心即郭坦秋地四亩一分四厘九毫，彼时地内无禾，地户播种高粮，螭吃大半。后复遍种录豆，不意临熟之期，忽有郭坦将高粮私行侵去，又将录豆率众强霸。现在二禾俱失，一粒未获。理合禀明，伏乞鉴察施行。等情。据此，当即飭差查验去后，嗣据该差役蔡成禀称。切于十月初六日，奉差查验李纯德所禀郭正心侵霸田禾缘由，遵即前赴该处，同小甲李纯德、刘尚友查得此地系南北地，计四亩有馀，上带高粮一半，录豆一半。现在高粮止存秫秸，至于录豆，毁坏无存。又同到郭家庄问及郭坦，据伊口称，高粮、录豆是收的，出言不逊，更且辱骂。兹奉差查，理合禀覆。等情。据此，查 贵治之苗村集地方，本爵府置买庄田一处。内有郭正心即郭坦地四亩有馀，约明价足，迨至秋收之时，郭坦擅将高粮、录豆尽行收获。当据该小甲具禀前情，飭差查覆属实。本爵查赎回卖地。系自五十年起至本年三月底止，口抚部院明 奏准通行在案。本爵府所买郭坦地亩，系本年四月以内，不在回赎之例。相应移会。为此合移

贵县，烦为查照。希将郭坦拘案严究，并祈将结案缘由见覆备案。等因。准此，随卷查一件为抗

旨毒民霸约占产事。据敝县民郭舒太禀称，切身于本年四月间，卖地四亩与赵心庭、李金声，今蒙

圣旨明谕取贖，于又七月十二日早晨，同原中郭克宽等，将地价如数交过。迄今讨约数次，伊等口出无王无上之言，震喝不偿，致身钱地两空。是惠保如伤之恩甚普，身不惟不蒙其休，反受远方人之害。如不禀究，身之冤枉何以得伸。被告赵心庭、李金声、原中郭克宽、郭文质。等情。除原呈批示外，查此案郭正心即郭舒太，于今春四月间买于公府地四亩有馀，后经郭舒太备具原价，向李金声取贖地亩。李金声将地价收过，并未交约。以致郭正心将地内高粮、录豆率行侵收，业已查明差催。李金声收前地价，飭交郭姓收回，地不准贖在案。今准

大移，拟合备文牒覆。为此合牒

贵公府，请烦查照施行。须至牒者。

右 牒

袭封衍圣公

乾隆五十一年十月二十九日

前事

牒押

增生孔继纯呈为佃户齐永成抢麦灭祀请移究追事

〔查究侵隐邹县峰山大通岩孔子遗迹及石像春秋两书院祀田地亩

（四〇五八）之十七〕

具呈。大宗户族人增生孔继纯，住邹县。

呈为毁庙架诬抢麦灭祀恳恩速移究追以免后患事。窃邹邑峰山之阳，有

至圣石像书院。孔交桥自康熙六十年卖（买）祭田一顷二十四亩八分，分收办祭。后因孔传江、孔继
斫相继出仕外省，遂令租户吞匿。诈为民捐而吞租自肥，多年不祭。至嘉庆十六年，孔广埤
自天津回家，将宅、地文约及捐地、种地、办祭、主祭来历一单交族，求为清理。族因抄诸
碑文，同契约纸单粘连呈尾。争讼四年，乃得 县主讯明，追出地一顷一十五亩。其盗卖地
九亩四分，及多年所吞地租，亦谕生勿究，而移文求

宗主发落。断本极明极允。宗主亦发还契约，令孔广埤仍旧管业办祭，委恩生孔传章主祭。众租户
无不帖服，独刘范、张兴所吞地多，不甘退出。年前虽同众具结，至麦之将熟，顿起贪心，
又无端以违断吞霸，控族县案。词中言，即伊所种之麦，亦不令伊割，如割则族必捏其强抢，

是已明明先为抢麦之地。又令人偷将庙内外树木毁伐大半，其大树不便斩伐者剥其皮，使尽枯死。又将庙二窗及庙门一概拆毁。词中反诬称族令看庙沈克亮，佃户齐永成毁树毁庙，阴坏之不令看庙种地。迨族知其诬控，亦以伊忿断毁庙，息

恩验讯，具诉。县主批查。此案已移衍圣公府。刘范如果拆毁，自有公府委员经管，尔不得干预。遂不查庙之已毁，而此批一出，刘范、张兴益无忌惮，竟将祭田麦五十八亩，率村中妇女百余人抢去三十馀亩。沈洪旧有盗活祭田地六亩五分，亦率侄沈虎、沈豹尽行割去，其有十馀亩未熟者未抢。族来回二日，料今亦无存矣。族思毁圣庙之树木，又毁圣庙之门窗，又尽抢祭田之麦禾，其势不灭绝圣祀不止。族既为孔氏，近居邹邑，岂得了不干预，而必待宗主日日委员遍查乎，亦势有所不及矣。为此，奔赴呈明，恳恩移文追其抢麦，以充圣祭，惩其奸宄，以免再抢。庶圣祀不至歇绝。叩乞

大宗主大人案下施行。

嘉庆二十年四月 日

移邹县为刘范等抢麦灭祀希拘案严加惩治事

〔查究侵隐邹县峰山大通岩孔子遗迹及石像春秋两书院祀田地亩

（四〇五八）之十六〕

袭封衍圣公府为毁庙架诬抢麦灭祀愚恩速移究追以免后患事。本月二十二日，据增生孔继纯呈前事。词称云云。等情到本爵府。据此，查刘范、张兴等前此隐地匿租，上年间经

贵县讯明，断令退出。乃刘范等竟敢仍行强霸，反以违断吞霸，捏控该生孔继纯于

冰案。竟将祭田之麦，率领妇女抢割去三十余亩，又令人将庙内外树木尽行砍伐，其大树不能伐者，亦剥去其皮，并将庙内门窗户扇一概拆毁，卸过于人。似此狠毒居心，若不严行惩治，势必害无底止。此项祭田，前经本爵府着令孔广埏仍旧管业。春秋祭祀亦已另委孔传章主祭。该生孔继纯原不应干预，但刘范等毁庙抢麦，罪大恶极。该生为

圣庙起见，被其捏禀，不得不在案下诉明。兹据前情，合亟移烦究追办理。为此，备移

贵县，烦为查照文内事理，希即飭差将刘范、张兴、沈洪等拘案。将抢割之麦，伐去树木，尅日照数追出，并望将拆毁庙内门窗户扇，严行惩治，以儆奸顽。望速施行。幸勿缓延。须至

移者。

右 移

邹 县

嘉庆二十年四月二十二日

圣公府行

恩生孔传章等呈为刘范等毁庙抢麦请移邹县追赃治罪事

〔查究侵隐邹县峰山大通岩孔子遗迹及石像春秋两书院祀田地亩
(四〇五八)之十九〕

具呈。峰山主祭恩生孔传章住本邹县。
监祭稟生孔广访

呈为稟明事。窃有孔继纯于四月间，以毁庙抢麦，控前吞隐祭田刘范、张兴、沈洪案下。当蒙移文本县，准传讯追究。詎刘范等贿通快役冯瑞廷，不验所毁庙树，所存抢麦，亦不传被告送审。生恐秋禾更抢，因具呈催审，方得下乡齐人。其刘范等亦仍来去自由，止押看庙种地之小家二人十余日，致刘范等毫无微惧，益肆猖狂。张兴沿街大言，衍圣公权柄不过移文而已，移文本县不审，公府不能外县齐人。尔等见孔氏祭田，凡有将熟可食者，任意去抢，打官司有我撑。他遂将三亩谷一哄而尽，现有满地谷秸可验。又百方窘苦，索逼差规。佃户无奈，将存办秋祭之麦子二斗，耕祭田牛一头，共卖京钱十五千。交于冯瑞廷，方许释放。有孔传重保出可证。窃思毁庙抢粟，不详验何从确审，且卖办祭之麦，则八月无祭，卖

耕田之牛，则后且常常无祭。生二人既蒙委主祭监祭，临时耽误，恐致干咎。为此愚 恩赏差赴邹，协同小家齐永成、沈克亮，查明所拆毁门窗之庙，所伐去本根之小树，剥皮枯死之大树及家存看坡人所夺之麦个，无穗空存之谷秸，并随带此二人到府审其卖麦、牛交差之口实，以便更移文追赃治罪。庶奸民蠢役悉知儆惧，而千古圣祀可以不坠矣。叩乞

大宗主大人案下施行。

嘉庆二十年七月 日

典籍林裕清等稟为牲畜践食麦苗请出示严禁事

〔查究侵隐孔庙曲阜县境祀田地亩（二）（四〇五〇）之十四〕

具稟 典籍林裕清 举人孔继翎 监生彭复礼 生员孔宪琨
执事官孔广夏 孔昭棚 高步瀛

小甲 张永河 王锡禄
吕振标

为纵放牲畜践食麦苗恳 恩示禁事。切有南池庄一带坡地，

祀田、民田交互错综。今秋雨泽稀少，麦苗植根未甚坚固，正宜加意培养，以为来岁之望。詎知渔利之家，只知肥己，不顾损人，撒放牛羊马匹，各地盘旋，先食其苗，重伤其根。职等常同小甲轮流看守，无如驱此则彼至，驱彼则此来。且防于昼，更难防于夜。若不示禁，恐麦苗有伤，麦秋难望。理合稟明，叩乞

仁明公爷恩准，出示严禁。庶麦禾可保，感德无既矣。

咸丰二年十月 日

安基庄小甲稟为高粱被盗请移会差缉事

〔查究侵隐孔庙曲阜县境祀田地亩（二）（四〇五〇）之九〕

具稟。安基庄小甲张文祥、佃户韩兆红，

为偷割禾稼。恩移会差缉事。切身等租种官地为业。不料本月十四日夜间，将身所种高粱三亩，韩兆红高粱二亩，凡成熟者，尽被人割去。但此地皆坐落沂河南，与滋邑果庄村相连，及细访问，始知系伊村之人偷去。地虽相连，实属两县。且身等所种高粱，原为纳租，今被伊窃去，恐输租无着。为此具稟。叩祈

仁明公爷 恩准移会差缉。感戴无既矣。

道光二十一年七月 日

告示为严禁于祀田民田内放牧事

〔查究侵隐孔庙曲阜县境祀田地亩（二）（四〇五〇）之十六〕

袭封衍圣公为出示严禁牧放事。

案据生员孔广潭林逢春

等稟称云云。等情到本爵。据此，查南池庄自

钦拨以来，祀田、民田交互错综，均宜加意防护，以滋培养，久经示禁牧放在案。今养羊之家，胆敢违禁牧放，实属刁恶已极。虽经惩处于目前，且恐仍蹈故辙于过后。自应出示严禁，以昭炯戒。为此，示仰该庄佃户种地人等知悉，自示之后，无论祭羊及民间所养之羊，均不准在祀田、民田内牧放。如有渔利之徒，恃势硬行牧放者，该地主即行具稟，当定严行究办，决不宽贷。各宜凛遵毋违。特示。

同治十三年十一月二十九日

圣公府

独山屯甲首刘宽禀为张兴田等凶横霸鸭恳乞讯究事

〔光绪年间处理孔庙各屯庄佃户讼案（二）（三九七二）之十三〕

具禀。独山屯甲首刘宽年七十二岁，

为侍众欺孤祀银无着恳 恩传讯以整凶横事。窃身充当甲首，催办租银，以供祀典膺用。身家道贫寒，无力完纳租银，因此养鸭子四百余只，以作完租之用，以备明年所出鸭蛋差使。孰意大户强霸张兴田、张立操等，皆养鸭子一千有余，伊率众二三十人，自八月二十五日，将身家所养鸭子四百余只，尽捻入伊群，以为己养。身与较白，当经亲邻顾思立、李长太调处。伊不惟不言情理，反行凶横，坚霸不吐。身伏思似此使身租银无资，情实难甘。为此叩乞

仁明公爷恩准讯究施行。

光緒十三年十一月 日

马草坡小甲禀为孔宪奇硬披秫叶禾稼受伤请传究事

〔查究侵隐孔庙曲阜县境祀田地亩（二）（四〇五〇）之十七〕

具禀。马草坡小甲鄠克铭，

为情急再禀叩 恩传究以惩不法以整佃规事。切于六月十五日，佃与鄠克速等禀控孔宪奇、张宪洙、张福强披行凶一案，理宜静候，曷敢再渎。缘纸坊村人棍徒甚多，人所共知。自于十五日伊等被禀之后，孔宪奇等不惟不知自重，而且又领数人赴草坡地，仍行硬披秫叶。佃等意欲再着人禁止，惟恐祸生不测。任其披采，禾稼受伤无日，以致佃户无望，佃规难整矣。为此，不得不叩乞

仁明公爷大人恩准。传究施行。

光緒二十五年六月三十日

衍圣公批

禀悉。仰即行调处，如有碍难调处之处，着再禀明，提究不贷。

禁止披采秫叶告示

〔查究侵隐孔庙曲阜县境祀田地亩（二）（四〇五〇）之二十〕

赏戴双花翎袭封衍圣公孔 为出示严禁事。案据

马草坡小甲 鄆克铭、齐王坡小甲 袁兆芳等禀称。窃有马草坡、下地屯、齐王坡、颜孟等庄官

下地屯小甲 张玉典、颜孟庄小甲 赵士钦

地云云。为此，据实禀恳恩准示禁。等情到本爵府。据此，查官地所种高粱，每值长发繁茂之际，尚未吐穗，竟有无知之徒，率领大小男妇，披采秫叶，未免有碍生机。损人利己，殊堪痛恨。除禀批示外，合行出示严禁。为此，示仰该庄小甲佃地人等知悉，自示之后，尔等务各遵照，实力保护田禾。一俟梁穗秀齐，公同定期各披各地之叶。倘有不法之徒故违禁令，即由该小甲等指名具禀，以凭从严究治。惟不得挟嫌妄禀，致干并究。其各凛遵，切切毋违。特示。

宣统三年六月十五日

圣公府

五、孔府捐输粮粟

兖州府牌曲阜县为公府捐输社仓米一千石俟秋成运交事

〔本府捐输曲阜县积谷仓米石（一五六一）之一〕

为实贮社仓谷石事。蒙 本府信票。据该县申称，圣公府未交谷一千石，现在严催。等情到府。据此，当经驳飭严催完报去后，迄今多月，未据出具全完仓收前来。合再插羽飞催。为此仰县官吏，文到即将圣公府未交谷一千石，作速严催交仓，出具全完。仓收送转，慎毋再迟，致干差提未便。速速。等因到县。蒙此，伏查此项谷石，经前参令详明尚未交仓，今奉飭催，理合申请俯赐查照前因，即为示覆，以便转覆本府。为此备由具申，伏乞照验施行。等情到府。□□□□谷石，因目下时际农忙，青黄不接，拨运甚难。仍俟秋成之后，即便陆续运交可也。须至牌者。

曲阜县

乾隆七年三月 日

三月二十七日发

曲阜县呈请为速运捐输社仓谷石事

〔本府捐输曲阜县积谷仓米石（一五六一）之三〕

兖州府曲阜县为飭查实贮社仓谷石事。蒙

本府信票。据该县申送乾隆七年分社仓原贮捐存粮石数目册到府。据此，为查该县社仓谷石，乾隆五年 衍圣公报捐谷一千石，系通详

各宪咨 部之案。今册内并未造入，殊属遗漏，合急驳提。为此仰县官吏，文到即将 衍圣公报捐谷一千石作速催令交仓，出具仓收。另造妥册五本交后投府核转，毋得迟延，致干未便。慎之，速速。等因到县。蒙此，为查

贵府捐谷一千石，屡欠清交已历三载，并未运交入仓。现今本府差提，口口仓收，势难延缓。拟合呈请

贵府，烦查 宪行及文内事理，速为运交贮仓。仍将运交日期先行示覆，以便转报。矚望矚望。须至呈请者。

右 呈

袭衍圣公府

乾隆八年三月初一日〔押〕

泗水县牒为催缴应捐积谷事

〔泗水县移请本府暨先贤仲氏后裔按照庄田亩数捐助积谷粮石

（一六〇〇）之二〕

钦加同知銜泗水县为牒催事。案查前蒙

藩宪转奉

巡抚部院任 批本司具详遵议积谷章程缘由。奉批据详并清摺均悉。所议各属等次，酌定应捐数目，以及变通一切章程，甚为周妥。仰即条分缕晰，迅速刊本，通飭各属遵照劝办积谷，实目前第一要务。本部院令在必行，各州县能于年前办理足额署事者，记功接署，实缺者记功候奖。若至来年麦后尚未报竣，先记大过二次。如废格不办，即行撤参。所有一应事宜，总须遵照定章，振刷精神，各就地方情形，实力办理，不准假吏胥之手科派扰累。仍由该司及各道府州认真督察，飭令将遵办情形随时报查，毋任违延。此缴摺存。等因到司。奉此，合行刊刷原详并清摺，专札通飭。札到，该县立即遵照文内事理，认真办理，赏罚具在，毋稍违延。切切。此札。计发章程一本。等因到县。蒙此，窃念天灾流行，事所常有，

丰年不蓄，歉将何堪。此次

上宪飭发章程，令劝绅民按地捐谷，自应遵照妥办，以期有备无虞。当经敝县邀集绅耆再三商酌议定，除零星小户不计外，拟自十亩以上之户捐起，每地一征亩，捐谷一斤半。无论官地、民地，一律照捐，以昭公平，而免借口。随于各社绅耆中，公举廉正殷实者一人，作为本社社长，总司其事。并由该社长等各保帮办数人劝理，收纳所捐之谷，各就本社觅屋存储。往后出纳事宜，悉归各社长经管，并不假手胥吏。一面剴切，晓谕在案。旋据各社长稟称，职等遵谕赴乡认真劝导，民皆知感，颇各乐从。惟境内尚有孔爵府大粮地一百一十顷九十亩零八分三厘，计应捐谷一万六千七百八十六斤，恳请由县牒会照捐。等情。因思积谷之举，为国防荒，

贵爵府任邮为怀，谅必乐劝善举。据经备文牒会在案。刻下民田、官地应捐之谷，俱有头绪，急等通禀。惟贵爵府所捐积谷，何时可以发来。未准见覆，拟合开单备文牒催。为此合牒

贵爵府，请烦查照先今文内事理，希将应捐前项积谷，迅速照数捐发过县，抑或分飭各佃户就近迳交本社社长查收，以免辗转，更为妥便。仍祈将捐过谷数赐覆备查，幸勿迟滞。望速切速施行。须至牒者。

右 牒

袭封衍圣公府

光緒七年七月十七日牒

移泗水县为令各庄按亩捐纳积谷事

〔泗水县移请本府暨先贤仲氏后裔按照庄田亩数捐助积谷粮石

（一六〇〇）之三〕

袭封衍圣公府为移覆事。光绪七年十月十九日，准贵县牒催，文开云云。等因到本爵。准此，查积谷备荒，洵属善政，应遵照飭令各庄小甲佃户等按亩捐纳，就近迳交本庄社长存储，以期有备无虞。惟前此并未接准来文，是以未覆。兹准前因，除出示晓谕各庄小甲、佃户遵照捐纳外，相应备文移覆。为此合移贵县，烦为查照施行。须至移者。

右 移

泗 水 县

光緒七年十月二十二日

圣公府行

为晓谕各户踊跃捐纳积谷事

〔泗水县移请本府暨先贤仲氏后裔按照庄田亩数捐助积谷粮石

（一六〇〇）之五〕

袭封衍圣公府为晓谕事。案准泗水县牒开云云。等因到本爵。准此，查积谷备荒，洵属善政，自应照办。凡有佃种官地十征亩以上者，每征亩捐谷壹斤半，就近迳交本庄社长存储。此后遇有荒歉，各户仍可归于各社支领，以作餬口之资。原系为民防荒起见，实为善举。除备文移覆外，合行出示晓谕。为此，示仰各庄小甲、佃户人等知悉，自示之后，该小甲、佃户等务各踊跃捐纳，不得意存观望。倘敢故违。定行送县究办，决不姑宽。各宜凛遵毋违。特示。

光緒七年十一月初三日

圣公府行

翰博仲统岚申为从无祭田捐输积谷之例事

〔泗水县移请本府暨先贤仲氏后裔按照庄田亩数捐助积谷粮石

（一六〇〇）之七〕

应袭翰林院五经博士仲统岚，为事关祀产据实申覆恳请 鉴核示知祇遵事。窃照十一月初三日接奉

钧札，飭将应捐积谷，务即遵照转飭各佃户等按亩照捐，就近迳交本庄社长存储，以期有备无虞。不得任意抗违，致干察查，毋违，此札。等因到职。查积谷备荒，洵为善政，若系自置私产，自应照捐办理，曷敢剖渎。但此项地亩，实系前明各宪因原设无粮祭田六十五顷三十八亩，征租不敷祭费，又将入官有粮闲田拨给二十九顷有奇。其地向繇该户等自行买卖，挂名承租。每年所收租钱，除完钱漕外，稍沾馀润，添补祭费。至我

朝顺治元年，山东巡抚方题，奉

谕旨，圣门典例，俱应相沿期于优渥，钦此。钦遵。所有祭田照旧存留供祀。因从前未经题奏，是以正供未除，自应载诸钱漕征册。其地既繇该户等自行买卖，非自置私产可知。迄今数百

余年，从无祭田捐输积谷之例，事属创办，无案可循。职恐破祭田成例，未便遽行转饬。为此，谨将此项祭田原委，备细声叙，恳请爵宪鉴核。如果应照民田捐输，俟接到

札示后，即便出示转饬该户等照数迳交该社长存储，以期有备无虞。断不肯曲护佃户，有背义举。再此项祭田，自遭明季兵火，因底册无存，久经缺额数顷之多，合并声明。伏乞照验施行。须至申者。

右 申

袭封衍圣公府

光緒七年十一月初八日申

扎翰博仲统岚为即遵转饬各佃户照章捐纳不得抗延事

〔泗水县移请本府暨先贤仲氏后裔按照庄田亩数捐助积谷粮石

（一六〇〇）之八〕

札应袭翰林院五经博士仲统岚知悉。本年十一月十一日，据该应袭申称云云。等情到本爵。据此，查此项地亩，从前因祭田不敷祭费，又将入官有粮闲田拨给二十九顷有奇，以补祭费。当时并未开除钱粮，虽系祭田，仍是有粮地亩。况积谷备荒，原为民食起见，非同派捐可比。本爵凡有坐落各州县承粮地亩，均已照捐。该应袭何得以恐破祀田成例为词，袒护佃户，殊属非是。合行札饬，札到，该应袭遵即转饬各佃户照章捐纳，不得再行玩延，致干并咎。毋违。切切。此札。

光緒七年十一月十五日

圣公府行